

- 7.001.01a अग्निं॑ नरो॒ दीधि॑तिभिरर॒णयो॑र्हस्तच्युती॑ जनयन्त प्रशस्तम् ।
- 7.001.01c दूरे॑दृशं॑ गृह॑पतिमथर्युम् ॥
- 7.001.02a तम॑ग्निमस्ते॒ वसवो॑ न्यृ॒णवन्सु॑प्रतिचक्ष्मवसे॑ कुतश्चित् ।
- 7.001.02c दक्षा॑य्यो यो दम॑ आस॒ नित्यः॑ ॥
- 7.001.03a प्रेद्धो॑ अग्ने॒ दीदि॑हि पुरो॒ नोऽज॑स्रया॒ सूर्म्या॑ यविष्ठ ।
- 7.001.03c त्वां श॑श्वन्त॒ उप॑ यन्ति॒ वाजाः॑ ॥
- 7.001.04a प्र ते॑ अ॒ग्नयोऽग्नि॑भ्यो॒ वरं॑ निः सु॒वीरा॑सः शोशुचन्त॑ द्युमन्तः ।
- 7.001.04c यत्रा॑ नरः॒ समा॑सते सुजा॒ताः ॥
- 7.001.05a दा नो॑ अग्ने॒ धिया॑ रयिं॒ सुवी॑रं॒ स्वप॑त्यं सहस्य प्रशस्तम् ।
- 7.001.05c न यं॑ यावा॒ तर॑ति॒ यातु॑मावान् ॥
- 7.001.06a उप॑ यमेति॒ युव॑तिः सु॒दक्षं॑ दोषा॒ वस्तो॑र्हविष्मती॒ घृता॑ची ।
- 7.001.06c उप॑ स्वैनमर॑मतिर्वसूयुः ॥
- 7.001.07a विश्वा॑ अग्नेऽप॒ दहारा॑तीर्यो॒भिस्तपो॑भिरदहो॒ जरू॑थम् ।
- 7.001.07c प्र नि॑स्वरं॒ चात॑यस्वामीवाम् ॥
- 7.001.08a आ यस्ते॑ अ॒ग्न इध॑ते॒ अनी॑कं॒ वसि॑ष्ठ शुक्र॒ दीदि॑वः पावक ।
- 7.001.08c उतो॑ न ए॒भि स्तव॑थैरिह॒ स्याः ॥

- 7.001.09a वि॒ ये॒ ते॑ अ॒ग्ने॒ भे॒जिरे॑ अ॒नीकं॑ म॒र्ता॒ नरः॑ पि॒त्र्यासः॑ पु॒रुत्रा॑ ।
- 7.001.09c उ॒तो न॑ ए॒भिः सु॒मना॑ इ॒ह स्याः॑ ॥
- 7.001.10a इ॒मे नरो॑ वृ॒त्रह॑त्येषु॒ शूरा॑ वि॒श्वा अ॒देवी॑रभि॒ सन्तु॑ मा॒याः ।
- 7.001.10c ये॒ मे धि॑यं॒ पन॑यन्त॒ प्रश॑स्ताम् ॥
- 7.001.11a मा॒ शूने॑ अ॒ग्ने नि॑ ष॒दाम॒ नृणां॑ मा॒शेष॑सोऽवी॒रता॑ परि॒ त्वा ।
- 7.001.11c प्र॒जाव॑तीषु॒ दुर्या॑सु॒ दुर्य॑ ॥
- 7.001.12a यम॑श्ची॒ नित्य॑मु॒पया॑ति॒ यज्ञं॑ प्र॒जाव॑न्तं॒ स्वप॑त्यं॒ क्षयं॑ नः ।
- 7.001.12c स्व॒जन्म॑ना॒ शेष॑सा॒ वावृ॑धानम् ॥
- 7.001.13a पा॒हि नो॑ अ॒ग्ने र॒क्षसो॑ अ॒जुष्टा॑त्पा॒हि धूर्ते॑र॒रुषो॑ अ॒घायोः॑ ।
- 7.001.13c त्वा॒ युजा॑ पृ॒तना॑यूर॒भि ष्या॑म् ॥
- 7.001.14a से॒दग्नि॑र॒ग्नीर॑त्य॒स्त्वन्यान्य॑त्र॒ वाजी॑ त॒नयो॑ वी॒लुपा॑णिः ।
- 7.001.14c स॒हस्र॑पा॒था अ॒क्षरा॑ स॒मेति॑ ॥
- 7.001.15a से॒दग्नि॑र्यो॒ वनु॑ष्यतो॒ निपा॑ति॒ समे॒द्धार॑मंह॒स उरु॑ष्यात् ।
- 7.001.15c सु॒जाता॑सः॒ परि॑ च॒रन्ति॑ वी॒राः ॥
- 7.001.16a अ॒यं सो॑ अ॒ग्निरा॑हु॒तः पु॒रुत्रा॑ य॒मीशा॑नः॒ समि॑दि॒न्धे ह॒विष्मा॑न् ।
- 7.001.16c परि॑ य॒मेत्य॑ध्व॒रेषु॑ हो॒ता ॥
- 7.001.17a त्वे॒ अग्न॑ आ॒हव॑नानि॒ भूरी॑शा॒नास॑ आ॒ जुहु॑याम॒ नित्या॑ ।
- 7.001.17c उ॒भा कृ॑ण॒वन्तो॑ व॒हतू॑ मि॒येधे॑ ॥

- 7.001.18a इ॒मो अ॒ग्ने वी॒तत॑मा॒नि ह॒व्याज॑स्रो व॒क्षि दे॒वता॑ति॒मच्छ॑ ।
- 7.001.18c प्र॒ति न ई॑ सु॒रभी॑णि॒ व्यन्तु॑ ॥
- 7.001.19a मा नो॑ अ॒ग्नेऽवी॑रते॒ परा॑ दा॒ दुर्वा॑ससेऽम॒तये॒ मा नो॑ अ॒स्यै॑ ।
- 7.001.19c मा नः॑ क्षु॒धे मा र॒क्षस॑ ऋ॒तावो॑ मा नो॒ दमे॑ मा वन॒ आ जु॑हृ॒र्थाः ॥
- 7.001.20a नू मे॑ ब्र॒ह्माण्य॑ग्न उ॒च्छशा॑धि॒ त्वं दे॒व म॒घव॑द्भ्यः सु॒षूदः॑ ।
- 7.001.20c रा॒तौ स्या॑मोभया॒स आ ते॑ यू॒यं पा॑त स्व॒स्तिभिः॒ सदा॑ नः ॥
- 7.001.21a त्वम॑ग्ने सु॒हवो॑ र॒गव॑सं॒दृक्सु॑दीती॒ सूनो॑ सह॒सो दि॑दीहि ।
- 7.001.21c मा त्वे॑ स॒चा तन॑ये नित्य॒ आ ध॒ङ्मा वी॒रो अ॒स्मन्न॑र्यो॒ वि दा॑सीत् ॥
- 7.001.22a मा नो॑ अ॒ग्ने दु॒र्भृ॒तये॒ सचै॑षु॒ देवे॑द्धे॒ष्वग्नि॑षु प्र वोचः ।
- 7.001.22c मा ते॑ अ॒स्मान्दु॑र्म॒तयो॑ भृ॒माच्चि॑दे॒वस्य॑ सूनो॒ सह॒सो न॑शन्त ॥
- 7.001.23a स म॑र्तो॒ अग्ने॑ स्व॒नीक॑ रे॒वानम॑र्त्ये॒ य आ॑जु॒होति॑ ह॒व्यम् ।
- 7.001.23c स दे॒वता॑ वसु॒वनिं॑ दधाति॒ यं सू॒रि॒रथी॑ पृ॒च्छमा॑न ए॒ति ॥
- 7.001.24a म॒हो नो॑ अ॒ग्ने सु॒वित॑स्य॒ विद्वा॑न्नयिं॒ सू॒रिभ्य॑ आ वहा॒ बृह॑न्तम् ।
- 7.001.24c येन॑ व॒यं स॒हसा॑वन्म॒देमा॑वि॒क्षिता॑स॒ आयु॑षा सु॒वीराः॑ ॥
- 7.001.25a नू मे॑ ब्र॒ह्माण्य॑ग्न उ॒च्छशा॑धि॒ त्वं दे॒व म॒घव॑द्भ्यः सु॒षूदः॑ ।
- 7.001.25c रा॒तौ स्या॑मोभया॒स आ ते॑ यू॒यं पा॑त स्व॒स्तिभिः॒ सदा॑ नः ॥
- 7.002.01a जु॒षस्व॑ नः॒ समि॑धम॒ग्ने अ॒द्य शो॑चा॒ बृह॑द्यज॒तं धू॒ममृ॑गवन् ।

- 7.002.01c उप॑ स्पृ॒श दि॒व्यं सा॒नु स्तू॒पैः सं॑ र॒श्मिभि॑स्त॒तनः॑ सू॒र्यस्य॑ ॥
- 7.002.02a नरा॑शंसस्य॒ महि॑मान॒मेषामु॑प॒ स्तोषाम॑ यज॒तस्य॑ यज्ञैः ।
- 7.002.02c ये सु॒क्रत॑वः शुच॒यो धि॒यंधाः॑ स्वद॒न्ति दे॒वा उ॒भया॑नि ह॒व्या ॥
- 7.002.03a ई॒ळेन्यं॑ वो अ॒सुरं॑ सु॒दत्त॑मन्त॒र्दूतं॑ रो॒दसी॑ स॒त्यवा॑चम् ।
- 7.002.03c म॒नुष्व॑दग्निं॒ मनु॑ना॒ समि॑द्धं॒ सम॑ध्व॒राय॑ स॒दमि॑न्महे॒म ॥
- 7.002.04a स॒पर्य॑वो॒ भर॑माणा॒ अभि॑ञ्जु प्र वृ॒ञ्जते॑ न॒मसा॑ ब॒र्हिर॑ग्नौ ।
- 7.002.04c आ॒जुह्वा॑ना॒ घृत॑पृ॒ष्ठं पृ॑ष॒द्वध्व॑र्य॒वो ह॒विषा॑ म॒र्जय॑ध्वम् ॥
- 7.002.05a स्वा॒ध्योश् वि॑ दुरो॒ देव॑यन्तोऽशि॒श्र्यू रथ॑यु॒र्देव॑ताता ।
- 7.002.05c पूर्वी॑ शि॒शुं न॒ मा॒तरा॑ रिहा॒णे स॒मश्रु॑वो न॒ सम॑नेष्व॒ञ्जन् ॥
- 7.002.06a उ॒त यो॑षणे दि॒व्ये म॒ही न॒ उषा॑सान॒क्ता सु॒दुघे॑व धे॒नुः ।
- 7.002.06c ब॒र्हिष॑दा॒ पुरु॑हू॒ते म॒घोनी॑ आ॒ यज्ञि॑ये सु॒विता॑य श्रये॒ताम् ॥
- 7.002.07a वि॒प्रा य॒ज्ञेषु॑ मा॒नुषे॑षु॒ कारू॑ म॒न्ये वां॑ जा॒तवे॑दसा॒ यज॑ध्यै ।
- 7.002.07c ऊ॒र्ध्वं नो॑ अ॒ध्वरं॑ कृ॒तं ह॒वेषु॑ ता॒ दे॒वेषु॑ व॒नथो॑ वा॒र्याणि॑ ॥
- 7.002.08a आ॒ भार॑ती॒ भार॑तीभिः॒ सजो॑षा॒ इळा॑ दे॒वैर्म॑नु॒ष्येभि॑रग्निः ।
- 7.002.08c सर॑स्वती॒ सार॑स्वतेभि॒रवा॑क्ति॒स्रो दे॒वीर्बा॑र्हि॒रेदं॑ स॒दन्तु॑ ॥
- 7.002.09a तन्न॑स्तु॒रीप॑म॒ध पो॑षयि॒त्तु दे॒व त्व॑ष्ट॒र्वि र॑राणः॒ स्यस्व॑ ।
- 7.002.09c यतो॑ वी॒रः क॑र्म॒ण्यः सु॒दत्तो॑ यु॒क्तग्रा॑वा जा॒यते॑ दे॒वका॑मः ॥
- 7.002.10a व॒नस्प॑तेऽव॒ सृ॒जोप॑ दे॒वानग्नि॑र्ह॒विः श॑मि॒ता सू॒दया॑ति ।

- 7.002.10c से॒दु॒ हो॒ता॒ स॒त्य॒त॒रो॒ य॒जा॒ति॒ य॒था॒ दे॒वा॒नां॑ ज॒नि॒मा॒नि॒ वे॒द॑ ॥
- 7.002.11a आ॒ या॒ह्य॒ग्ने॑ स॒मि॒धा॒नो॒ अ॒र्वा॒ङि॒न्द्रे॒ण॑ दे॒वैः॒ सर॒थं॑ तु॒रे॒भिः॑ ।
- 7.002.11c ब॒र्हि॒र्न॑ आ॒स्ता॒म॒दि॒तिः॒ सु॒पु॒त्रा॒ स्वा॒हा॑ दे॒वा॒ अ॒मृ॒ता॑ मा॒द॒य॒न्ता॒म् ॥
- 7.003.01a अ॒ग्निं॑ वो॒ दे॒व॒म॒ग्नि॒भिः॒ स॒जो॒षा॒ य॒जि॒ष्ठं॑ दू॒त॒म॒ध्व॒रे॒ कृ॒णु॒ध्व॒म् ।
- 7.003.01c यो॒ म॒र्त्ये॑षु॒ नि॒ध्रु॒वि॒र्त्र॒ता॒वा॒ त॒पु॒र्मूर्धा॑ घृ॒ता॒न्नः॒ पा॒व॒कः॑ ॥
- 7.003.02a प्रो॒थ॒द॒श्वो॒ न॒ य॒व॒से॒ऽवि॒ष्य॒न्य॒दा॒ महः॑ सं॒व॒र॒णा॒द्य॒स्था॒त् ।
- 7.003.02c आ॒द॒स्य॑ वा॒तो॒ अ॒नु॒ वा॒ति॒ शो॒चि॒र॒ध॒ स्म॒ ते॒ व्र॒ज॒नं॑ कृ॒ष्ण॒म॒स्ति॑ ॥
- 7.003.03a उ॒द्य॒स्य॑ ते॒ न॒व॒जा॒त॒स्य॒ वृ॒ष्णो॑ऽग्ने॒ च॒र॒न्त्य॒ज॒रा॑ इ॒धा॒नाः॑ ।
- 7.003.03c अ॒च्छा॒ द्या॒म॒रु॒षो॒ धूम॑ ए॒ति॒ सं॒ दू॒तो॒ अ॒ग्न॑ ई॒य॒से॒ हि॒ दे॒वा॒न् ॥
- 7.003.04a वि॒ य॒स्य॑ ते॒ पृ॒थि॒व्यां॑ पा॒जो॒ अ॒श्रे॑त्तृषु॒ य॒द॒न्ना॑ स॒म॒वृ॒क्त॑ ज॒म्भैः॑ ।
- 7.003.04c से॒ने॒व॑ सृ॒ष्टा॒ प्र॒सि॒ति॒ष्ट॑ ए॒ति॒ य॒वं॒ न॒ द॒स्म॒ जु॒हा॑ वि॒वे॒त्ति॑ ॥
- 7.003.05a त॒मि॒दो॒षा॒ त॒मु॒ष॒सि॒ य॒वि॒ष्ठ॒म॒ग्नि॒म॒त्यं॑ न॒ म॒र्ज॑य॒न्त॒ न॒रः॑ ।
- 7.003.05c नि॒शि॒शा॒ना॒ अ॒ति॒थि॒म॒स्य॒ यो॒नौ॑ दी॒दा॒य॒ शो॒चि॒रा॒हु॒त॒स्य॒ वृ॒ष्णः॑ ॥
- 7.003.06a सु॒सं॒दृ॒क्ते॑ स्व॒नी॒क॒ प्र॒ती॒कं॒ वि॒ य॒द्रु॒क्मो॑ न॒ रो॒च॒स॒ उ॒पा॒के॑ ।
- 7.003.06c दि॒वो॒ न॒ ते॒ त॒न्य॒तु॒रे॒ति॒ शु॒ष्म॑श्चि॒त्रो॒ न॒ सूरः॑ प्र॒ति॒ च॒क्षि॑ भा॒नु॒म् ॥
- 7.003.07a य॒था॒ वः॑ स्वा॒हा॒ग्न॒ये॒ दा॒शे॒म॒ प॒री॒ळा॒भि॒र्घृ॒त॒व॒द्भिश्च॑ ह॒व्यैः॑ ।
- 7.003.07c ते॒भि॒र्नो॑ अ॒ग्ने॒ अ॒मि॒तै॒र्म॒हो॒भिः॒ श॒तं॒ पू॒र्भि॒रा॒य॒सी॒भि॒र्नि॒ पा॒हि॑ ॥

- 7.003.08a या वा ते सन्ति दाशुषे अघृष्टा गिरो वा याभिर्नृवतीरुरुष्याः ।
- 7.003.08c ताभिर्नः सूनो सहसो नि पाहि स्मत्सूरीञ्जरितृञ्जातवेदः ॥
- 7.003.09a निर्यत्पूतेव स्वधितिः शुचिर्गात्स्वया कृपा तन्वाश् रोचमानः ।
- 7.003.09c आ यो मात्रोरुशेन्यो जनिष्ट देवयज्याय सुक्रतुः पावकः ॥
- 7.003.10a एता नो अग्ने सौभगा दिदीह्यपि क्रतुं सुचेतसं वतेम ।
- 7.003.10c विश्वा स्तोतृभ्यो गृणते च सन्तु यूयं पात स्वस्तिभिः सदा नः ॥
- 7.004.01a प्र वः शुक्राय भानवे भरध्वं हव्यं मतिं चाग्नये सुपूतम् ।
- 7.004.01c यो दैव्यानि मानुषा जनूष्यन्तर्विश्वानि विद्वना जिगाति ॥
- 7.004.02a स गृत्सो अग्निस्तरुणश्चिदस्तु यतो यविष्ठो अजनिष्ट मातुः ।
- 7.004.02c सं यो वना युवते शुचिदन्भूरि चिदन्ना समिदत्ति सद्यः ॥
- 7.004.03a अस्य देवस्य संसद्यनीके यं मर्तासः श्येतं जगृभ्रे ।
- 7.004.03c नि यो गृभं पौरुषेयीमुवोच दुरोकमग्निरायवे शुशोच ॥
- 7.004.04a अयं कविरकविषु प्रचेता मर्तेष्वग्निरमृतो नि धायि ।
- 7.004.04c स मा नो अत्र जुहुरः सहस्वः सदा त्वे सुमनसः स्याम ॥
- 7.004.05a आ यो योनिं देवकृतं ससाद क्रत्वा ह्यशग्निरमृताँ अतारीत् ।
- 7.004.05c तमोषधीश्च वनिनश्च गर्भं भूमिश्च विश्वधायसं विभर्ति ॥
- 7.004.06a ईशे ह्यशग्निरमृतस्य भूरेरीशे रायः सुवीर्यस्य दातोः ।

- 7.004.06c मा त्वा वयं सहसावन्नवीरा माप्सवः परि षदाम मादुवः ॥
- 7.004.07a परिषद्यं ह्यरणस्य रेक्णो नित्यस्य रायः पतयः स्याम ।
- 7.004.07c न शेषो अग्ने अन्यजातमस्त्यचेतानस्य मा पथो वि दुक्तः ॥
- 7.004.08a नहि ग्रभायारणः सुशेवोऽन्योदर्यो मनसा मन्तवा उ ।
- 7.004.08c अघा चिदोकः पुनरित्स एत्या नो वाज्यभीषाळेतु नव्यः ॥
- 7.004.09a त्वमग्ने वनुष्यतो नि पाहि त्वमु नः सहसावन्नवद्यात् ।
- 7.004.09c सं त्वा ध्वस्मन्वदभ्येतु पाथः सं रयि स्पृहयाय्यः सहस्री ॥
- 7.004.10a एता नो अग्ने सौभगा दिदीह्यपि क्रतुं सुचेतसं वतेम ।
- 7.004.10c विश्वा स्तोतृभ्यो गृणते च सन्तु यूयं पात स्वस्तिभिः सदा नः ॥

- 7.005.01a प्राग्नये तवसे भरध्वं गिरं दिवो अरतये पृथिव्याः ।
- 7.005.01c यो विश्वेषाममृतानामुपस्थे वैश्वानरो वावृधे जागृवद्भिः ॥
- 7.005.02a पृष्टो दिवि धाय्यग्निः पृथिव्यां नेता सिन्धूनां वृषभ स्तियानाम् ।
- 7.005.02c स मानुषीरभि विशो वि भाति वैश्वानरो वावृधानो वरेण ॥
- 7.005.03a त्वद्भिया विश आयन्नसिक्रीरसमना जहतीर्भोजनानि ।
- 7.005.03c वैश्वानर पूरवे शोशुचानः पुरो यदग्ने दरयन्नदीदेः ॥
- 7.005.04a तव त्रिधातु पृथिवी उत द्यौर्वैश्वानर व्रतमग्ने सचन्त ।
- 7.005.04c त्वं भासा रोदसी आ ततन्थाजस्त्रेण शोचिषा शोशुचानः ॥

- 7.005.05a त्वामग्ने हरितो वावशाना गिरः सचन्ते धुनयो घृताचीः ।
- 7.005.05c पतिं कृष्टीनां रथ्यं रयीणां वैश्वानरमुषसां केतुमहाम् ॥
- 7.005.06a त्वे असुर्यश् वसवो न्यृणवन्क्रतुं हि ते मित्रमहो जुषन्त ।
- 7.005.06c त्वं दस्यूरोकसो अग्न आज उरु ज्योतिर्जनयन्नार्याय ॥
- 7.005.07a स जायमानः परमे व्योमन्वायुर्न पाथः परि पासि सद्यः ।
- 7.005.07c त्वं भुवना जनयन्नभि क्रन्नपत्याय जातवेदो दशस्यन् ॥
- 7.005.08a तामग्ने अस्मे इषमेरयस्व वैश्वानर द्युमतीं जातवेदः ।
- 7.005.08c यया राधः पिन्वसि विश्ववार पृथु श्रवो दाशुषे मर्त्याय ॥
- 7.005.09a तं नो अग्ने मघवद्भ्यः पुरुक्षुं रयिं नि वाजं श्रुत्यं युवस्व ।
- 7.005.09c वैश्वानर महि नः शर्म यच्छ रुद्रेभिरग्ने वसुभिः सजोषाः ॥
- 7.006.01a प्र सम्राजो असुरस्य प्रशस्तिं पुंसः कृष्टीनामनुमाद्यस्य ।
- 7.006.01c इन्द्रस्येव प्र तवसस्कृतानि वन्दे दारुं वन्दमानो विवक्मि ॥
- 7.006.02a कविं केतुं धासिं भानुमद्रेर्हिन्वन्ति शं राज्यं रोदस्योः ।
- 7.006.02c पुरंदरस्य गीर्भिरा विवासेऽग्नेर्व्रतानि पूर्व्या महानि ॥
- 7.006.03a न्यक्रतून्ग्रथिनो मृध्रवाचः पर्णैरश्रद्धाँ अवृधाँ अयज्ञान् ।
- 7.006.03c प्रप्र तान्दस्यूरग्निर्विवाय पूर्वश्चकारापराँ अयज्यून् ॥
- 7.006.04a यो अपाचीने तमसि मदन्तीः प्राचीश्चकार नृतमः शचीभिः ।

- 7.006.04c तमी॑शा॒नं व॒स्वो अ॒ग्निं गृ॒णीषेऽना॒नतं द॒मय॑न्तं पृ॒तन्यू॑न् ॥
- 7.006.05a यो दे॒हो॑३ अ॒नम॑यद्व॒धस्त्रै॑र्यो अ॒र्यप॑तीरुषसश्चकार ।
- 7.006.05c स नि॒रुध्या॑ नहुषो य॒हो अ॒ग्निर्वि॑शश्च॒क्रे ब॒लिहृ॑तः स॒होभिः॑ ॥
- 7.006.06a यस्य॑ शर्म॒न्नुप॑ विश्वे जनास ए॒वैस्त॑स्थुः सु॒मतिं॑ भि॒क्षमा॑णाः ।
- 7.006.06c वैश्वान॑रो वर॒मा रो॑दस्यो॒राग्निः॑ स॒साद् पि॒त्रोरु॑पस्थम् ॥
- 7.006.07a आ दे॒वो द॑दे बु॒ध्न्या॑३ वसू॒नि वैश्वान॑र उदिता सूर्यस्य ।
- 7.006.07c आ स॒मुद्रा॑दवरा॒दा पर॑स्मादाग्नि॒र्ददे॑ दि॒व आ पृ॑थिव्याः ॥
- 7.007.01a प्र वो॑ दे॒वं चि॒त्सह॑सानम॒ग्निम॒श्वं न वा॒जिनं॑ हि॒षे न॒मोभिः॑ ।
- 7.007.01c भवा॑ नो दू॒तो अ॒ध्वर॑स्य वि॒द्वान्त्म॑ना दे॒वेषु॑ वि॒विदे॑ मित॒द्रुः ॥
- 7.007.02a आ या॒ह्यग्ने॑ प॒थ्या॑३ अ॒नु स्वा॑ म॒न्द्रो दे॒वानां॑ स॒ख्यं जु॑षाणः ।
- 7.007.02c आ सा॒नु शु॒ष्मैर्न॑दयन्पृथिव्या ज॒म्भेभि॑र्विश्वमु॒शध॑ग्वनानि ॥
- 7.007.03a प्रा॒चीनो॑ य॒ज्ञः सु॒धितं॑ हि ब॒र्हिः प्री॑णीते अ॒ग्निरी॑ळितो न होता ।
- 7.007.03c आ मा॒तरा॑ विश्व॒वारे॑ हु॒वानो॑ यतो यविष्ठ ज॒ज्ञिषे॑ सु॒शेवः॑ ॥
- 7.007.04a सद्यो॑ अ॒ध्वरे॑ रथि॒रं ज॑नन्त॒ मानु॑षासो वि॒चेत॑सो य ए॒षाम् ।
- 7.007.04c विशा॑म॒धायि॑ वि॒शप॑तिर्दुरो॒णो॑३ऽग्नि॒र्मन्द्रो॑ मधुव॒चा ऋ॑तावा ॥
- 7.007.05a अ॒सादि॑ वृ॒तो व॒हिरा॑जग॒न्वान॑ग्निर्ब्र॒ह्मा नृ॑षद॒ने वि॑धर्ता ।
- 7.007.05c द्यौश्च॑ यं पृथि॒वी वा॒वृधा॑ते आ यं होता यजति विश्व॒वारम् ॥

- 7.007.06a ए॒ते द्यु॒म्नेभि॒र्विश्व॑मातिरन्त॒ मन्त्रं॑ ये वारं॒ नर्या॑ अत॒क्षन् ।
- 7.007.06c प्र॒ ये वि॒शस्ति॑रन्त॒ श्रोष॑माणा॒ आ ये॑ मे॒ अस्य॑ दी॒धय॑न्नृतस्य ॥
- 7.007.07a नू॒ त्वाम॑ग्न॒ ईम॑हे वसि॒ष्ठा ई॒शानं॑ सू॒नो स॑हसो वसू॒नाम् ।
- 7.007.07c इषं॑ स्तो॒तृभ्यो॑ म॒घव॑द्भ्य॒ आ॒न॒ड्यूयं॑ पा॒त स्व॑स्तिभिः सदा॒ नः ॥
- 7.008.01a इ॒न्धे रा॒जा स॑म॒र्यो न॑मो॒भिर्य॑स्य॒ प्रती॑कमाहु॒तं घृ॒तेन॑ ।
- 7.008.01c नरो॑ ह॒व्येभि॑रीळते स॒बाध॑ आ॒ग्नि॒रग्र॑ उ॒षसा॑मशोचि ॥
- 7.008.02a अ॒यमु॒ ष्य सु॑म॒हाँ अ॒वेदि॑ होता॒ मन्द्रो॑ म॒नुषो॑ य॒हो अ॒ग्निः ।
- 7.008.02c वि॒ भा अ॒कः स॑सृ॒जानः॑ पृथि॒व्यां कृ॒ष्णप॑विरोषधीभिर्व॒वक्षे॑ ॥
- 7.008.03a क॒या नो॑ अ॒ग्ने वि॒ वसः॑ सु॒वृक्तिं॑ का॒मु स्व॑धामृ॒णवः॑ श॒स्यमा॑नः ।
- 7.008.03c क॒दा भ॑वे॒म प॑तयः सु॒दत्र॑ रा॒यो व॒न्तारो॑ दु॒ष्टर॑स्य सा॒धोः ॥
- 7.008.04a प्र॒प्राय॑म॒ग्निर्भ॑रतस्य॒ शृण॑वे वि॒ यत्सू॑र्यो॒ न रो॑चते बृ॒हद्भाः॑ ।
- 7.008.04c अ॒भि यः॑ पू॒रुं पृ॑तनासु॒ तस्थौ॑ द्यु॒तानो॑ दै॒व्यो अ॒तिथिः॑ शुशोच ॥
- 7.008.05a अ॒सन्नित्त्वे॑ आ॒हव॑नानि॒ भूरि॑ भुवो॒ विश्वे॑भिः सु॒मना॑ अ॒नीकैः॑ ।
- 7.008.05c स्तु॒तश्चि॑द॒ग्ने शृ॑णिव॒षे गृ॑णानः॒ स्वयं॑ वर्ध॒स्व त॒न्वं सु॑जात ॥
- 7.008.06a इ॒दं व॑चः श॒तसाः॑ सं॒सह॑स्त्रमु॒द॒ग्नये॑ ज॒निषी॑ष्ट॒ द्वि॒र्वाः ।
- 7.008.06c शं॑ यत्स्तो॒तृभ्य॑ आ॒पये॑ भ॒वाति॑ द्यु॒मद॑मीव॒चात॑नं र॒क्षो॒हा ॥
- 7.008.07a नू॒ त्वाम॑ग्न॒ ईम॑हे वसि॒ष्ठा ई॒शानं॑ सू॒नो स॑हसो वसू॒नाम् ।

7.008.07c इषं॑ स्तो॒तृभ्यो॑ म॒घव॑द्भ्य आ॒नड्यू॑यं पा॒त स्व॒स्तिभिः॑ सदा॑ नः ॥

7.009.01a अ॒बोधि॑ जा॒र उ॒षसा॑मु॒पस्था॑द्धो॒ता म॒न्द्रः क॒वित॑मः पा॒वकः॑ ।

7.009.01c द॒धाति॑ के॒तुमु॑भयस्य ज॒न्तोर्ह॑व्या दे॒वेषु॑ द्रवि॒णं सु॒कृत्सु॑ ॥

7.009.02a स सु॒क्रतु॑र्यो वि दुरः॑ प॒णीनां॑ पु॒नानो॑ अ॒र्कं पु॒रुभो॑जसं नः ।

7.009.02c होता॑ म॒न्द्रो वि॒शां द॒मूना॑स्तिरस्त॒मो द॒दृशे॑ रा॒म्याणा॑म् ॥

7.009.03a अ॒मूरः॑ क॒विर॑दि॒तिर्वि॒वस्वा॑न्सु॒संस॑न्मि॒त्रो अ॒तिथिः॑ शि॒वो नः॑ ।

7.009.03c चि॒त्रभा॑नु॒रुष॑सां भा॒त्यग्रे॑ऽपां॒ गर्भः॑ प्र॒स्वश् आ॑ वि॒वेश ॥

7.009.04a ई॒ळेन्यो॑ वो म॒नुषो॑ यु॒गेषु॑ स॒मन॑गा अ॒शुच॑ज्जा॒तवे॑दाः ।

7.009.04c सु॒सं॒दृशा॑ भा॒नुना॑ यो वि॒भाति॑ प्र॒ति गा॒वः स॒मिधा॑नं बु॒धन्त ॥

7.009.05a अ॒ग्ने या॒हि दू॒त्यं॑ मा रि॒षग॑यो दे॒वाँ अ॒च्छा ब्र॒ह्मकृ॑ता ग॒णेन॑ ।

7.009.05c सर॑स्वतीं मरु॒तो अ॒श्विना॑पो य॒क्षि दे॒वान्न॑त्न॒धेया॑य वि॒श्वान् ॥

7.009.06a त्वा॒मग्ने॑ स॒मिधा॑नो व॒सिष्ठो॑ ज॒रूथं॑ ह॒न्यक्षि॑ रा॒ये पु॒रंधि॑म् ।

7.009.06c पु॒रुणी॑था जा॒तवे॑दो ज॒रस्व॑ यू॒यं पा॒त स्व॒स्तिभिः॑ सदा॑ नः ॥

7.010.01a उ॒षो न॑ जा॒रः पृ॒थु पा॒जो अ॒श्रेद्द॑विद्यु॒तदी॒द्यच्छो॑शु॒चानः॑ ।

7.010.01c वृ॒षा ह॒रिः शु॒चिरा॑ भा॒ति भा॒सा धि॒यो हि॒न्वान॑ उ॒शती॑र॒जीगः॑ ॥

7.010.02a स्व॒र्षा व॑स्तो॒रुष॑सा॒मरो॑चि य॒ज्ञं त॑न्वा॒ना उ॒शिजो॑ न म॒न्म ।

- 7.010.02c अग्नि॑र्जन्मानि॑ दे॒व आ॒ वि वि॒द्वान्द्र॒वद्भू॑तो दे॒वया॒वा वनि॑ष्ठः ॥
- 7.010.03a अ॒च्छा गि॑रो म॒तयो॑ दे॒वयन्ती॑रग्निं॒ यन्ति॑ द्र॒विणं॑ भि॒क्षमा॑णाः ।
- 7.010.03c सु॒सं॒दृशं॑ सु॒प्रती॑कं स्व॒ञ्च ह॒व्यवा॑ह॒मरतिं॑ मानु॒षाणा॑म् ॥
- 7.010.04a इन्द्रं॑ नो अ॒ग्ने वसु॑भिः स॒जोषा॑ रु॒द्रं रु॒द्रेभि॑रा वहा बृ॒हन्त॑म् ।
- 7.010.04c आ॒दि॒त्येभि॑रदि॒तिं वि॒श्वज॑न्यां बृ॒हस्प॑तिमृ॒क्वभि॑र्वि॒श्ववा॑रम् ॥
- 7.010.05a मन्द्रं॑ हो॒तार॑मु॒शिजो॑ यवि॒ष्ठमग्निं॑ वि॒श ईळ॑ते अ॒ध्वरे॑षु ।
- 7.010.05c स हि॑ क्ष॒पावाँ॑ अ॒भव॑द्र॒यीणा॑म॒तन्द्रो॑ दू॒तो यज॑थाय दे॒वान् ॥
- 7.011.01a मह्यँ॑ अ॒स्यध्व॑रस्य प्र॒केतो॑ न अ॒मृते॑ त्वद॒मृता॑ मा॒दय॑न्ते ।
- 7.011.01c आ वि॒श्वेभिः॑ स॒रथं॑ या॒हि दे॒वैर्य॑ग्ने होता प्रथ॒मः स॒देह॑ ॥
- 7.011.02a त्वा॒मीळ॑ते अ॒जिरं॑ दू॒त्याय॑ ह॒विष्म॑न्तः स॒दमि॑न्मानु॒षासः॑ ।
- 7.011.02c यस्य॑ दे॒वैरा॑सदो ब॒र्हिर॑ग्नेऽहान्य॒स्मै सु॑दि॒ना भ॑वन्ति ॥
- 7.011.03a त्रि॒श्विद॑क्तोः प्र चि॒कितु॑र्वसू॒नि त्वे अ॒न्तर्दा॑शु॒षे म॑र्त्याय ।
- 7.011.03c म॒नुष्व॑द॒ग्न इ॒ह य॑त्ति दे॒वान्भ॑वा नो दू॒तो अ॒भि॒शस्ति॑पा॒वा ॥
- 7.011.04a अ॒ग्निरी॑शे बृ॒हतो॑ अ॒ध्वर॑स्याग्निर्वि॒श्वस्य॑ ह॒विषः॑ कृ॒तस्य॑ ।
- 7.011.04c क्र॒तुं ह्य॑स्य वस॒वो जु॑षन्ताथा दे॒वा द॑धिरे ह॒व्यवा॑हम् ॥
- 7.011.05a आ॒ग्ने वह॑ ह॒विर॑द्याय दे॒वानि॑न्द्र॒ज्येष्ठा॑स इ॒ह मा॑दयन्ताम् ।
- 7.011.05c इ॒मं य॑ज्ञं दि॒वि दे॒वेषु॑ धेहि॒ यूयं॑ पा॒त स्व॑स्तिभिः सदा॑ नः ॥

7.012.01a अ॒ग॒न्म॒ महा॒ नम॒सा॒ यवि॑ष्ठं॒ यो॒ दी॒दाय॒ समि॑द्धः॒ स्वे॒ दुरो॑णे ।

7.012.01c चि॒त्रभा॑नुं॒ रोद॑सी॒ अ॒न्तरु॑र्वी॒ स्वा॒हुतं॒ विश्व॑तः॒ प्रत्य॑ञ्चम् ॥

7.012.02a स॒ महा॑ विश्वा॒ दुरि॑तानि॒ सा॒ह्वान॑ग्नि॒ ष्ट्वे॒ दम॒ आ॒ जा॒तवे॑दाः ।

7.012.02c स॒ नो॑ र॒क्षिष॑द्दुरि॒ताद॒वद्या॑द॒स्मान्गृ॑णत॒ उत॒ नो॑ म॒घो॒नः ॥

7.012.03a त्वं॒ वरु॑ण॒ उत॒ मि॒त्रो॒ अ॒ग्ने॒ त्वां॒ वर्ध॑न्ति॒ मति॑भिर्वसि॒ष्ठाः ।

7.012.03c त्वे॒ वसु॑ सु॒षण॑नानि॒ सन्तु॒ यूयं॑ पा॒त स्व॒स्तिभिः॒ सदा॑ नः ॥

7.013.01a प्रा॒ग्नये॑ वि॒श्वशु॑चे॒ धिय॑धेऽसु॒रघ्ने॒ मन्म॑ धी॒तिं॒ भर॑ध्वम् ।

7.013.01c भ॒रे॒ हवि॑र्न॒ बर्हि॑षि॒ प्री॒णानो॑ वै॒श्वान॑राय॒ यत॑ये॒ मती॑नाम् ॥

7.013.02a त्वम॑ग्ने॒ शोचि॑षा॒ शोशु॑चान॒ आ॒ रोद॑सी॒ अपृ॑णा॒ जाय॑मानः ।

7.013.02c त्वं॒ देवाँ॑ अ॒भि॒शस्ते॑रमुञ्चो॒ वैश्वान॑र॒ जा॒तवे॑दो॒ महि॑त्वा ॥

7.013.03a जा॒तो॒ यद॑ग्ने॒ भुव॑ना॒ व्य॒ख्यः॒ प॒शून् गो॑पा॒ इर्यः॒ परि॑ज्मा ।

7.013.03c वै॒श्वान॑र॒ ब्रह्म॑णो॒ वि॒न्द गा॑तुं॒ यूयं॑ पा॒त स्व॒स्तिभिः॒ सदा॑ नः ॥

7.014.01a स॒मि॒धा॒ जा॒तवे॑दसे॒ देवा॑य॒ देव॑हू॒तिभिः॑ ।

7.014.01c ह॒वि॒र्भिः॑ शु॒क्रशो॑चिषे॒ नम॑स्वि॒नो॒ वयं॑ दा॒शेमा॑ग्नये ॥

7.014.02a वयं॑ ते॒ अ॒ग्ने॒ स॒मि॒धा॒ वि॒धेम॑ वयं॒ दा॒शेम॑ सु॒ष्टुती॑ यजत्र ।

- 7.014.02c व॒यं॑ घृ॒तेना॑ध्व॒रस्य॑ हो॒तर्व॑यं दे॒व ह॒विषा॑ भ॒द्रशो॑चे ॥
- 7.014.03a आ॒ नो॑ दे॒वेभि॑रु॒प दे॒वहू॑ति॒मग्ने॑ या॒हि व॑षट्कृ॒तिं जु॑षाणः ।
- 7.014.03c तु॒भ्यं दे॒वाय॑ दा॒शतः॑ स्या॒म यू॒यं पा॑त स्व॒स्तिभिः॑ सदा॑ नः ॥
- 7.015.01a उ॒पस॑द्याय॒ मीळ्हु॑ष आ॒स्ये जु॑हुता ह॒विः ।
- 7.015.01c यो॒ नो॑ ने॒दिष्ठ॑माप्य॒म् ॥
- 7.015.02a यः प॒ञ्च च॑र्षणी॒रभि॑ नि॒षसा॑द॒ दमे॑दमे ।
- 7.015.02c क॒विर्गृ॑हपतिर्यु॒वा ॥
- 7.015.03a स॒ नो॑ वे॒दो अ॒मात्य॑मग्नी॒ रक्ष॑तु वि॒श्वतः॑ ।
- 7.015.03c उ॒तास्मान्पा॑त्वंह॒सः ॥
- 7.015.04a न॒वं नु॑ स्तो॒मम॑ग्नये॒ दिवः॑ श्ये॒नाय॑ जी॒जन॑म् ।
- 7.015.04c व॒स्वः कु॑विद्व॒नाति॑ नः ॥
- 7.015.05a स्पा॒र्हा यस्य॑ श्रि॒यो दृ॒शे र॑यिर्वी॒रव॑तो यथा ।
- 7.015.05c अ॒ग्ने य॑ज्ञस्य शो॒चतः॑ ॥
- 7.015.06a से॒मां वे॒तु व॑षट्कृ॒तिम॑ग्निर्जु॒षत॑ नो गि॒रः ।
- 7.015.06c य॒जिष्ठो॑ ह॒व्यवा॑हनः ॥
- 7.015.07a नि॒ त्वा॑ न॒क्ष्य वि॑श॒पते॑ द्यु॒मन्तं॑ दे॒व धी॑महि ।
- 7.015.07c सु॒वीर॑म॒ग्न आ॑हुत ॥

- 7.015.08a क्षप॑ उ॒स्रश्च॑ दी॒दिहि॑ स्व॒ग्रय॑स्त्वया॒ वयम्॑ ।
- 7.015.08c सु॒वीर॑स्त्वम॒स्मयुः॑ ॥
- 7.015.09a उप॑ त्वा सा॒तये॑ नरो॒ विप्रा॑सो यन्ति॒ धीति॑भिः ।
- 7.015.09c उपा॑क्षरा॒ सह॑स्त्रिणी ॥
- 7.015.10a अ॒ग्नी र॑क्षांसि॒ सेध॑ति शु॒क्रशो॑चिर॒मर्त्यः॑ ।
- 7.015.10c शु॒चिः पा॑वक॒ ईड्यः॑ ॥
- 7.015.11a स नो॑ राधा॒स्या भ॑रेशानः॒ सह॑सो य॒हो ।
- 7.015.11c भ॒गश्च॑ दा॒तु वा॑र्यम् ॥
- 7.015.12a त्वम॑ग्ने॒ वीर॑वद्यशो॒ देव॑श्च स॒विता॑ भ॒गः ।
- 7.015.12c दि॒तिश्च॑ दा॒ति वा॑र्यम् ॥
- 7.015.13a अ॒ग्ने र॑क्षा॒ णो अ॒हसः॑ प्रति॒ ष्म दे॒व री॑षतः ।
- 7.015.13c तपि॑ष्ठैर॒जरो॑ द॒ह ॥
- 7.015.14a अ॒धा म॑ही न॒ आय॑स्यना॒धृष्टो॑ नृपी॒तये॑ ।
- 7.015.14c पू॒र्भवा॑ शत॒भुजिः॑ ॥
- 7.015.15a त्वं नः॑ पा॒ह्यंह॑सो॒ दोषा॑वस्तर॒घाय॑तः ।
- 7.015.15c दि॒वा न॑क्तमदा॒भ्य ॥
- 7.016.01a ए॒ना वो॑ अ॒ग्निं न॑मसो॒र्जो न॑पा॒तमा॑ हु॒वे ।

- 7.016.01c प्रियं॑ चेति॑ष्ठम॒रतिं॑ स्व॒ध्वरं॑ विश्व॒स्य॑ दू॒तम॒मृत॑म् ॥
- 7.016.02a स॑ यो॒जते॑ अ॒रुषा॑ विश्व॒भोज॑सा स॒ दु॒द्रव॑त्स्वाहु॒तः ।
- 7.016.02c सु॒ब्रह्मा॑ य॒ज्ञः सु॒शमी॑ व॒सूनां॑ दे॒वं रा॒धो ज॑नानाम् ॥
- 7.016.03a उ॒दस्य॑ शो॒चिर॑स्थादाजु॒ह्वान॑स्य मी॒ळ्हुषः॑ ।
- 7.016.03c उ॒द्धूमा॑सो अ॒रुषा॑सो दि॒विस्पृ॑शः स॒मग्नि॑मिन्ध॒ते नरः॑ ॥
- 7.016.04a तं॑ त्वा॒ दू॒तं कृ॑ण॒महे॒ यश॑स्त॒मं दे॒वाँ आ॒ वी॒तये॑ वह ।
- 7.016.04c विश्वा॑ सू॒नो स॒हसो॑ म॒र्तभो॑ज॒ना रा॒स्व तद्य॑त्त्वे॒महे ॥
- 7.016.05a त्व॑म॒ग्ने गृ॑ह॒पति॑स्त्वं॒ होता॑ नो अ॒ध्वरे॑ ।
- 7.016.05c त्वं॑ पो॒ता विश्व॑वार॒ प्रचे॑ता॒ यक्षि॑ वे॒षि च॑ वा॒र्यम् ॥
- 7.016.06a कृ॒धि रत्नं॑ य॒जमा॑नाय सु॒क्रतो॑ त्वं॒ हि रत्न॑धा॒ असि॑ ।
- 7.016.06c आ॒ न ऋ॒ते शि॑शीहि॒ विश्व॑मृ॒त्विजं॑ सु॒शंसो॑ यश्च॒ दक्ष॑ते ॥
- 7.016.07a त्वे॑ अ॒ग्ने स्वा॑हु॒त प्रि॒यासः॑ स॒न्तु सू॒रयः॑ ।
- 7.016.07c य॒न्तारो॑ ये म॒घवा॑नो॒ जनाना॑मूर्वा॒न्दय॑न्त॒ गोना॑म् ॥
- 7.016.08a येषा॑मि॒ळा घृ॑तह॒स्ता दुरो॑ण॒ आँ अ॒पि प्रा॑ता॒ निषी॑दति ।
- 7.016.08c ताँ॑स्त्राय॒स्व स॒हस्य॑ द्रु॒हो नि॒दो यच्छा॑ नः॒ शर्म॑ दी॒र्घश्रु॑त् ॥
- 7.016.09a स॑ म॒न्द्रया॑ च जि॒ह्वया॑ व॒हिरा॑सा॒ विदु॑ष्टरः ।
- 7.016.09c अ॒ग्ने रयिं॑ म॒घव॑द्भयो॒ न आ॒ वह॑ ह॒व्यदा॑तिं च॒ सूद॑य ॥
- 7.016.10a ये॑ रा॒धांसि॑ द॒दत्य॑श्व्या॒ मघा॑ कामे॒न श्रव॑सो॒ महः॑ ।

7.016.10c ताँ अ॒हसः॑ पि॒पृ॒हि॑ प॒र्तु॒भि॒ष्ट्वं॑ श॒तं पू॒र्भिर्य॑वि॒ष्ठय॑ ॥

7.016.11a दे॒वो वो॑ द्र॒वि॒णो॒दाः पू॒र्णा॑ वि॒व॒ष्ट्या॑सि॒चम् ।

7.016.11c उ॒द्वा॑ सि॒ञ्च॒ध्वमु॑प वा पृ॒ण॒ध्वमा॑दि॒द्वो दे॒व ओ॑हते ॥

7.016.12a तं हो॒तार॑म॒ध्वर॑स्य प्र॒चे॒तसं॑ व॒ह्निं दे॒वा अ॑कृ॒णव॑त ।

7.016.12c द॒धाति॑ र॒त्नं वि॒धते॑ सु॒वीर्य॑म॒ग्नि॒र्जना॑य दा॒शुषे॑ ॥

7.017.01 अ॒ग्ने भव॑ सु॒षमि॑धा॒ समि॑द्ध उ॒त ब॒र्हि॒रु॒र्विया॑ वि स्तृ॒णीता॑म् ॥

7.017.02 उ॒त द्वा॑र उ॒शती॑र्वि श्र॒यन्ता॑मु॒त दे॒वाँ उ॒शत॑ आ व॒हेह॑ ॥

7.017.03 अ॒ग्ने वी॑हि ह॒विषा॑ य॒क्षि दे॒वान्स्व॑ध्व॒रा कृ॑णु॒हि जा॑तवे॒दः ॥

7.017.04 स्व॑ध्व॒रा क॑रति जा॒तवे॑दा॒ यक्ष॑द्दे॒वाँ अ॒मृता॑न्पि॒प्रय॑च्च ॥

7.017.05 वंस्व॑ वि॒श्वा वा॒र्या॑णि प्र॒चे॒तः स॒त्या भ॑वन्त्वा॒शिषो॑ नो अ॒द्य ॥

7.017.06 त्वा॑मु॒ ते द॑धिरे ह॒व्यवा॑हं दे॒वासो॑ अ॒ग्न ऊ॒र्ज आ॑ नपा॒तम् ॥

7.017.07 ते ते॑ दे॒वाय॑ दा॒शतः॑ स्या॒म म॒हो नो॑ र॒त्ना वि॑ द॒ध इ॒यानः॑ ॥

7.018.01a त्वे॒ ह य॑त्पि॒तर॑श्चि॒न्न इ॒न्द्र वि॒श्वा वा॒मा ज॑रि॒तारो॑ अ॒सन्व॑न् ।

7.018.01c त्वे॒ गावः॑ सु॒दुघा॑स्त्वे ह्य॒श्वास्त्वं॑ वसु॒ देव॑यते वनि॒ष्ठः ॥

7.018.02a रा॒जेव॑ हि ज॒निभिः॑ क्षे॒ष्येवा॑व द्यु॒भिर॑भि वि॒दुष्क॑विः सन् ।

7.018.02c पि॒शा गि॑रो म॒घव॑न्गो॒भिर॒श्वैस्त्वा॑यतः शि॒शीहि॑ रा॒ये अ॒स्मान् ॥

- 7.018.03a इ॒मा उ॑ त्वा॒ पस्पृ॑धाना॒सो अ॒त्र म॒न्द्रा गि॑रो दे॒वय॑न्तीरु॒प स्थुः॑ ।
- 7.018.03c अ॒र्वाची॑ ते॒ पथ्या॑ रा॒य ए॒तु स्या॑म ते॒ सु॒मता॑वि॒न्द्र श॑र्मन् ॥
- 7.018.04a धे॒नुं न॑ त्वा॒ सू॒यव॑से॒ दुदु॑त्तन्नृ॒प ब्र॑ह्मा॒णि स॑सृ॒जे व॑सिष्ठः ।
- 7.018.04c त्वा॒मि॒न्मे गो॑पतिं॒ विश्व॑ आ॒हा न॒ इन्द्रः॑ सु॒मतिं॑ ग॒न्त्वच्छ॑ ॥
- 7.018.05a अ॒र्णासि॑ चि॒त्प॒प्रथाना॑ सु॒दास॑ इन्द्रो॒ गा॒धान्य॑कृ॒णोत्सु॑पारा ।
- 7.018.05c श॒र्धन्तं॑ शि॒म्युमु॑च॒थस्य॑ न॒व्यः शा॒पं सि॒न्धूना॑मकृ॒णोद॑शस्तीः ॥
- 7.018.06a पु॒रोळा॑ इ॒त्तुर्व॑शो॒ यत्तुरा॑सी॒द्राये॑ म॒त्स्या॑सो॒ निशि॑ता॒ अपी॑व ।
- 7.018.06c श्रु॒ष्टिं च॑क्रु॒र्भृग॑वो॒ द्रुह्य॑वश्च॒ सखा॑ स॒खाय॑म॒तरद्वि॑षू॒चोः ॥
- 7.018.07a आ॒ प॒क्था॑सो॒ भलान॑सो॒ भन॑न्ता॒लिना॑सो॒ विषा॑णि॒नः शि॒वासः॑ ।
- 7.018.07c आ॒ योऽन॑यत्स॒धमा॑ आ॒र्यस्य॑ ग॒व्या तृ॑त्सु॒भ्यो अ॒जग॑न्यु॒धा नृ॑न् ॥
- 7.018.08a दु॒रा॒ध्योऽ॑ अ॒दि॒तिं स्ने॑व॒यन्तो॑ऽचे॒तसो॑ वि॒ जगृ॑भ्रे॒ परु॑ष्णीम् ।
- 7.018.08c म॒ह्नावि॑व्य॒क्पृथि॑वीं॒ पत्य॑मानः॒ पशु॑ष्क॒विर॑शय॒च्चाय॑मानः ॥
- 7.018.09a ई॒यु॒रर्थं॑ न॒ न्य॒र्थं परु॑ष्णी॒माशु॑श्च॒नेद॑भि॒पित्वं॑ ज॒गाम॑ ।
- 7.018.09c सु॒दास॑ इन्द्रः॒ सु॒तुकाँ॑ अ॒मित्रा॑न॒रन्ध॑यन्मा॒नुषे॑ व॒ध्रिवा॑चः ॥
- 7.018.10a ई॒यु॒र्गावो॑ न॒ यव॑सा॒दगो॑पा॒ यथा॑कृ॒तम॑भि॒ मि॒त्रं चि॒तासः॑ ।
- 7.018.10c पृ॒श्निगा॑वः॒ पृ॒श्निनि॑प्रेषि॒तासः॑ श्रु॒ष्टिं च॑क्रु॒र्नियु॑तो॒ रन्त॑यश्च ॥
- 7.018.11a ए॒कं च॑ यो॒ विंश॑तिं॒ च श्र॑व॒स्या वै॑कर्ण॒योर्जना॑न्ना॒जा न्य॑स्तः ।
- 7.018.11c द॒स्मो न॑ स॒द्मन्नि॑ शि॒शाति॑ ब॒र्हिः शू॑रः॒ सर्ग॑मकृ॒णोदि॑न्द्र ए॒षाम् ॥

- 7.018.12a अ॒ध॒ श्रु॒तं क॒व॒षं वृ॒द्ध॒म॒प्स्व॒नु द्रु॒ह्युं॑ नि वृ॒णा॒ग्व॒ज्र॒बाहुः॑ ।
- 7.018.12c वृ॒णा॒ना अ॒त्र स॒ख्याय॑ स॒ख्यं त्वा॒य॒न्तो॑ ये अ॒म॒द॒न्न॒नु त्वा ॥
- 7.018.13a वि स॒द्यो वि॒श्वा दृ॒हि॒तान्ये॑षामिन्द्रः पुरः स॒हसा॑ स॒प्त दर्दः॑ ।
- 7.018.13c व्या॒न॒व॒स्य तृ॒त्स॒वे ग॒यं भा॒ग्जे॒ष्म पू॒रुं वि॒दथे॑ मृ॒ध्र॒वा॒च॒म् ॥
- 7.018.14a नि ग॒व्य॒वोऽन॒वो द्रु॒ह्य॒वश्च॑ ष॒ष्टिः श॒ता सु॒षु॒पुः षट् स॒हस्रा॑ ।
- 7.018.14c ष॒ष्टिर्वी॑रासो अ॒धि षड्दु॑वोयु विश्वेदिन्द्रस्य वी॒र्या॑ कृ॒तानि॑ ॥
- 7.018.15a इ॒न्द्रे॒णैते॑ तृ॒त्स॒वो वे॒विषा॑णा आ॒पो न सृ॒ष्टा अ॒ध॒व॒न्त नी॒चीः ।
- 7.018.15c दु॒र्मि॒त्रा॒सः प्र॒क॒ल॒वि॒न्मि॒माना॑ ज॒हुर्वि॑श्वानि भो॒ज॒ना सु॒दा॒से ॥
- 7.018.16a अ॒र्धं वी॒र॒स्य शृ॒त॒पा॒म॒नि॒न्द्रं प॒रा श॒र्ध॒न्तं नु॒नु॒दे अ॒भि क्षा॒म् ।
- 7.018.16c इ॒न्द्रो म॒न्युं म॒न्यु॒भ्यो मि॒मा॒य भे॒जे प॒थो वर्त॑निं प॒त्य॒मा॒नः ॥
- 7.018.17a आ॒ध्रेण॑ चि॒त्त॒द्वेकं॑ च॒कार॑ सि॒ंह्यं चि॒त्पे॒त्वे॒ना ज॒घान॑ ।
- 7.018.17c अ॒व स्र॒क्तीर्वे॑श्यावृ॒श्चदि॒न्द्रः प्रा॒यच्छ॑द्वि॒श्वा भो॒ज॒ना सु॒दा॒से ॥
- 7.018.18a श॒श्व॒न्तो हि श॒त्र॒वो रा॒र॒धु॒ष्टे भे॒द॒स्य चि॒च्छ॒र्ध॒तो वि॒न्द र॒न्धि॒म् ।
- 7.018.18c म॒र्ता ए॒न स्तु॒व॒तो यः कृ॒णो॒ति ति॒ग्मं तस्मि॒न्नि ज॒हि व॒ज्र॒मि॒न्द्र ॥
- 7.018.19a आ॒व॒दि॒न्द्रं य॒मु॒ना तृ॒त्स॒वश्च॑ प्रा॒त्र भे॒दं स॒र्व॒ता॒ता मु॒षाय॑त् ।
- 7.018.19c अ॒जा॒सश्च॑ शि॒ग्र॒वो य॒क्ष॒वश्च॑ ब॒लिं शी॒र्षा॒णि ज॒भ्रुर॑श्व्यानि ॥
- 7.018.20a न त इ॒न्द्र सु॒म॒त॒यो न रा॒यः स॒ंच॒क्षे॑ पू॒र्वा उ॒ष॒सो न नू॒त्नाः ।
- 7.018.20c दे॒व॒कं चि॒न्मा॒न्य॒मा॒नं ज॒घ॒न्था॒व त्म॒ना बृ॒हतः॑ श॒म्ब॒रं भे॒त् ॥

- 7.018.21a प्र ये गृहादममदुस्त्वाया पराशरः शतयातुर्वसिष्ठः ।
- 7.018.21c न ते भोजस्य सख्यं मृषन्ताधा सूरिभ्यः सुदिना व्युच्छान् ॥
- 7.018.22a द्वे नमुर्देववतः शते गोर्द्धा रथा वधूमन्ता सुदासः ।
- 7.018.22c अर्हन्नग्ने पैजवनस्य दानं होतेव सन्न पर्येमि रेभन् ॥
- 7.018.23a चत्वारो मा पैजवनस्य दानाः स्मद्दिष्टयः कृशनिनो निरेके ।
- 7.018.23c ऋज्रासो मा पृथिविष्ठाः सुदासस्तोकं तोकाय श्रवसे वहन्ति ॥
- 7.018.24a यस्य श्रवो रोदसी अन्तरुर्वी शीष्णोशीष्णो विबभाजा विभक्ता ।
- 7.018.24c सप्तेदिन्द्रं न स्रवतो गृणन्ति नि युध्यामधिमशिशदभीके ॥
- 7.018.25a इमं नरो मरुतः सश्र्वतानु दिवोदासं न पितरं सुदासः ।
- 7.018.25c अविष्टना पैजवनस्य केतं दूणाशं क्षत्रमजरं दुवोयु ॥
- 7.019.01a यस्तिग्मशृङ्गो वृषभो न भीम एकः कृष्टीश्च्यावयति प्र विश्वाः ।
- 7.019.01c यः शश्र्वतो अदाशुषो गयस्य प्रयन्तासि सुष्वितराय वेदः ॥
- 7.019.02a त्वं ह त्यदिन्द्र कुत्समावः शुश्रूषमाणस्तन्वा समर्ये ।
- 7.019.02c दासं यच्छुष्णं कुयवं न्यस्मा अरन्धय आजुनियाय शिक्तन् ॥
- 7.019.03a त्वं धृष्णो धृषता वीतहव्यं प्रावो विश्वाभिरूतिभिः सुदासम् ।
- 7.019.03c प्र पौरुकुत्सिं त्रसदस्युमावः क्षेत्रसाता वृत्रहत्येषु पूरुम् ॥
- 7.019.04a त्वं नृभिर्नृमणो देववीतौ भूरीणि वृत्रा हर्यश्च हंसि ।

- 7.019.04c त्वं नि दस्युं चुमुरिं धुनिं चास्वापयो दभीतये सुहन्तु ॥
- 7.019.05a तव च्यौत्नानि वज्रहस्त तानि नव यत्पुरो नवतिं च सद्यः ।
- 7.019.05c निवेशने शततमाविवेपीरहञ्च वृत्रं नमुचिमुताहन् ॥
- 7.019.06a सना ता त इन्द्र भोजनानि रातहव्याय दाशुषे सुदासे ।
- 7.019.06c वृष्णे ते हरी वृषणा युनज्म व्यन्तु ब्रह्माणि पुरुशाक वाजम् ॥
- 7.019.07a मा ते अस्यां सहसावन्परिष्टावघाय भूम हरिवः परादै ।
- 7.019.07c त्रायस्व नोऽवृकेभिर्वरूथैस्तव प्रियासः सूरिषु स्याम ॥
- 7.019.08a प्रियास इत्ते मघवन्नभिष्टौ नरो मदेम शरणे सखायः ।
- 7.019.08c नि तुर्वशं नि याद्वं शिशीह्यतिथिग्वाय शंस्यं करिष्यन् ॥
- 7.019.09a सद्यश्चिन्तु ते मघवन्नभिष्टौ नरः शंसन्त्युक्थशास उक्था ।
- 7.019.09c ये ते हवेभिर्वि पर्णारदाशन्नस्मान्वृणीष्व युज्याय तस्मै ॥
- 7.019.10a एते स्तोमा नरां नृतम तुभ्यमस्मद्यञ्चो ददतो मघानि ।
- 7.019.10c तेषामिन्द्र वृत्रहत्ये शिवो भूः सखा च शूरोऽविता च नृणाम् ॥
- 7.019.11a नू इन्द्र शूर स्तवमान ऊती ब्रह्मजूतस्तन्वा वावृधस्व ।
- 7.019.11c उप नो वाजान्मिमीह्युप स्तीन्यूयं पात स्वस्तिभिः सदा नः ॥
- 7.020.01a उग्रो जज्ञे वीर्याय स्वधावाञ्चक्रिपो नर्यो यत्करिष्यन् ।
- 7.020.01c जग्मिर्युवा नृषदनमवोभिस्त्राता न इन्द्र एनसो महश्चित् ॥

- 7.020.02a हन्ता वृत्रमिन्द्रः शूशुवानः प्रावीचु वीरो जरितारमूती ।
- 7.020.02c कर्ता सुदासे अह वा उ लोकं दाता वसु मुहुरा दाशुषे भूत् ॥
- 7.020.03a युध्मो अनर्वा खजकृत्समद्वा शूरः सत्राषाड्जनुषेमषाळ्हः ।
- 7.020.03c व्यास इन्द्रः पृतनाः स्वोजा अधा विश्वं शत्रूयन्तं जघान ॥
- 7.020.04a उभे चिदिन्द्र रोदसी महित्वा पप्राथ तविषीभिस्तुविष्मः ।
- 7.020.04c नि वज्रमिन्द्रो हरिवान्मिमिक्षन्समन्धसा मदेषु वा उवोच ॥
- 7.020.05a वृषा जजान वृषणं रणाय तमु चिन्नारी नर्यं ससूव ।
- 7.020.05c प्र यः सेनानीरध नृभ्यो अस्तीनः सत्वा गवेषणः स धृष्णुः ॥
- 7.020.06a नू चित्स भ्रेषते जनो न रेषन्मनो यो अस्य घोरमाविवासात् ।
- 7.020.06c यज्ञैर्य इन्द्रे दधते दुवांसि क्षयत्स राय ऋतपा ऋतेजाः ॥
- 7.020.07a यदिन्द्र पूर्वो अपराय शिक्नन्नयज्ज्यायान्कनीयसो देष्णम् ।
- 7.020.07c अमृत इत्पर्यासीत दूरमा चित्र चित्र्यं भरा रयिं नः ॥
- 7.020.08a यस्त इन्द्र प्रियो जनो ददाशदसन्निरेके अद्रिवः सखा ते ।
- 7.020.08c वयं ते अस्यां सुमतौ चनिष्ठाः स्याम वरूथे अघ्नतो नृपीतौ ॥
- 7.020.09a एष स्तोमो अचिक्रददृषा त उत स्तामुर्मघवन्नक्रपिष्ट ।
- 7.020.09c रायस्कामो जरितारं त आगन्त्वमङ्ग शक्र वस्व आ शको नः ॥
- 7.020.10a स न इन्द्र त्वयताया इषे धास्त्मना च ये मघवानो जुनन्ति ।
- 7.020.10c वस्वी षु ते जरित्रे अस्तु शक्तिर्यूयं पात स्वस्तिभिः सदा नः ॥

- 7.021.01a असा॒वि दे॒वं गो॒त्रृ॒जीक॒मन्धो॒ न्यस्मि॒न्निन्द्रो॒ जनु॒षेमु॒वोच॑ ।
- 7.021.01c बो॒धाम॒सि त्वा ह॒र्यश्च॑ य॒ज्ञैर्बो॒धा न॒ स्तोम॒मन्ध॒सो म॒देषु॑ ॥
- 7.021.02a प्र॒ यन्ति॑ य॒ज्ञं वि॒पय॑न्ति ब॒र्हिः सोम॒मादो॑ वि॒दथे॑ दु॒घ्नवा॑चः ।
- 7.021.02c न्यु॒ भ्रिय॑न्ते य॒शसो॑ गृ॒भादा॑ दूर॒उप॒ब्दो वृ॒षणो॑ नृ॒षाचः॑ ॥
- 7.021.03a त्वमि॒न्द्र स्र॒वित॒वा अ॒पस्कः॑ परि॒ष्ठिता॑ अ॒हिना॑ शूर॒ पूर्वीः॑ ।
- 7.021.03c त्वद्वा॒वक्रे॑ रथ्यो॒ऽन॒ धेना॑ रेजन्ते विश्वा॑ कृ॒त्रिमा॑णि भी॒षा ॥
- 7.021.04a भी॒मो वि॒वेषा॑यु॒धेभिरे॑षामपांसि विश्वा॑ न॒र्याणि॑ वि॒द्वान् ।
- 7.021.04c इन्द्रः॑ पु॒रो ज॒र्ह॒षाणो॑ वि॒ दू॒धोद्वि॑ व॒ज्रह॑स्तो म॒हिना॑ जघान ॥
- 7.021.05a न या॒तव॑ इन्द्र॒ जूजु॑वु॒र्नो न॒ वन्द॑ना श॒विष्ठ॑ वे॒द्याभिः॑ ।
- 7.021.05c स श॒र्घद॑र्यो॒ विषु॑णस्य जन्तो॒र्मा शि॒श्रुदे॒वा अपि॑ गु॒त्रृ॒तं नः॑ ॥
- 7.021.06a अ॒भि क्र॑त्वेन्द्र॒ भूर॒ध ज॒मन्न॑ ते वि॒व्यङ्म॑हि॒मानं॑ रजांसि ।
- 7.021.06c स्वे॒ना हि॑ वृ॒त्रं श॒वसा॑ जघन्थ॒ न श॒त्रुर॑न्तं वि॒विद॑द्यु॒धा ते॑ ॥
- 7.021.07a दे॒वाश्चित्ते॑ अ॒सुर्या॑य॒ पूर्वेऽनु॑ क्ष॒त्राय॑ म॒मिरे॑ सहांसि ।
- 7.021.07c इन्द्रो॑ म॒घानि॑ द॒यते॑ वि॒षह्येन्द्रं॑ वा॒जस्य॑ जो॒हुव॑न्त सा॒तौ ॥
- 7.021.08a की॒रिश्चि॑द्धि॒ त्वाम॑वसे जुहा॒वेशा॑नमिन्द्र॒ सौभ॑गस्य भू॒रेः ।
- 7.021.08c अ॒वो ब॑भूथ श॒तमू॑ते अ॒स्मे अ॒भिक्ष॑त्तुस्त्वा॒वतो॑ वरू॒ता ॥
- 7.021.09a स॒खाय॑स्त इन्द्र॒ विश्व॑ह॒ स्याम॑ नमो॒वृ॒धासो॑ म॒हिना॑ तरु॒त्र ।

- 7.021.09c वन्वन्तु॑ स्मा॒ तेऽवसा॑ समी॒केऽभी॑तिमर्यो॒ वनु॑षां शवांसि॑ ॥
- 7.021.10a स न॑ इन्द्र॒ त्वय॑ताया॒ इषे॑ धास्त्वना॒ च ये॑ मघवानो॒ जुन॑न्ति ।
- 7.021.10c वस्वी॑ षु ते॒ जरि॑त्रे अस्तु॒ शक्ति॑र्यूयं॒ पात॑ स्वस्तिभिः॒ सदा॑ नः ॥
- 7.022.01a पिबा॑ सोममिन्द्र॒ मन्द॑तु त्वा॒ यं ते॑ सुषाव॒ हर्य॑श्वाद्रिः ।
- 7.022.01c सोतु॑र्बाहुभ्यां॒ सुय॑तो नार्वा॑ ॥
- 7.022.02a यस्ते॑ मदो॒ युज्य॑श्चारुर॒स्ति येन॑ वृत्राणि॒ हर्य॑श्च हंसि॑ ।
- 7.022.02c स त्वा॑मिन्द्र॒ प्रभू॑वसो ममत्तु ॥
- 7.022.03a बोधा॑ सु मे॒ मघ॑वन्वाचमेमां॒ यां ते॑ वसिष्ठो॒ अर्च॑ति प्रशस्तिम् ।
- 7.022.03c इमा॑ ब्रह्म॒ सध॑मादे॒ जुष॑स्व ॥
- 7.022.04a श्रुधी॑ हवं॒ विपि॑पानस्याद्रेर्बोधा॒ विप्र॑स्यार्चतो मनीषाम् ।
- 7.022.04c कृष्वा॑ दुवांस्यन्त॒मा स॑चेमा ॥
- 7.022.05a न ते॑ गिरो॒ अपि॑ मृष्ये॒ तुर॑स्य न सुष्टुतिमसुर्यस्य॒ विद्वान्॑ ।
- 7.022.05c सदा॑ ते नाम॒ स्वय॑शो विवकिम ॥
- 7.022.06a भूरि॑ हि ते॒ सव॑ना मानुषेषु॒ भूरि॑ मनीषी॒ हव॑ते त्वामित् ।
- 7.022.06c मारे॑ अस्मन्मघवज्ज्योक्कः ॥
- 7.022.07a तुभ्ये॑दिमा॒ सव॑ना शूर॒ विश्वा॑ तुभ्यं॒ ब्रह्मा॑णि॒ वर्ध॑ना कृणोमि ।
- 7.022.07c त्वं नृ॑भिर्हव्यो॒ विश्व॑धासि ॥

- 7.022.08a नू चि॒न्नु ते॒ मन्य॑मानस्य॒ द॒स्मोद॑श्रुवन्ति॒ महि॑मानमुग्र ।
- 7.022.08c न वी॒र्यमि॑न्द्र ते॒ न रा॑धः ॥
- 7.022.09a ये च॒ पूर्वं ऋ॑षयो॒ ये च॒ नू॒त्ना इन्द्र॑ ब्रह्मा॒णि जन॑यन्त॒ विप्राः॑ ।
- 7.022.09c अ॒स्मे ते॑ सन्तु॒ सख्या॑ शि॒वानि॑ यू॒यं पा॑त॒ स्वस्ति॑भिः सदा॒ नः ॥
- 7.023.01a उ॒दु ब्र॑ह्मा॒ण्यैर॑त श्रव॒स्येन्द्रं॑ स॒मर्ये॑ महया॒ वसि॑ष्ठ ।
- 7.023.01c आ यो॑ वि॒श्वानि॑ शवसा॒ ततानो॑पश्रो॒ता म ई॑वतो॒ वचांसि॑ ॥
- 7.023.02a अ॒यामि॑ घोष॒ इन्द्र॑ दे॒वजा॑मिरि॒रज्य॑न्त॒ यच्छु॑रु॒धो वि॑वाचि ।
- 7.023.02c नहि॑ स्वमा॒युश्चि॑किते॒ जने॑षु॒ तानी॑दं॒हांस्य॑ति॒ प॒र्ष्यस्मान् ॥
- 7.023.03a यु॒जे रथं॑ ग॒वेष॑णं॒ हरि॑भ्यामुप॒ ब्रह्मा॑णि॒ जुजु॑षाणमस्थुः ।
- 7.023.03c वि बा॑धिष्ट॒ स्य रो॑दसी॒ महि॒त्वेन्द्रो॑ वृ॒त्राण्य॑प्रती॒ जघ॑न्वान् ॥
- 7.023.04a आ॒पश्चि॑त्पिप्यु॒ स्तर्यो॑श्च॒ न गा॑वो॒ नक्ष॑न्नृतं॒ जरि॑तारस्त॒ इन्द्र॑ ।
- 7.023.04c या॒हि वा॒युर्न॑ नियु॒तो नो॑ अ॒च्छा त्वं॑ हि॒ धीभि॑र्दयसे॒ वि वा॑जान् ॥
- 7.023.05a ते त्वा॑ मदा॒ इन्द्र॑ मा॒दय॑न्तु॒ शुष्मि॑णं॒ तुवि॑राधसं॒ जरि॑त्रे ।
- 7.023.05c ए॒को दे॒वत्रा॑ दयसे॒ हि म॑र्तान॒स्मिञ्छू॑र॒ सव॑ने॒ माद॑यस्व ॥
- 7.023.06a ए॒वेदि॑न्द्रं॒ वृष॑णं॒ वज्र॑बाहुं॒ वसि॑ष्ठासो॒ अभ्य॑र्चन्त्य॒कैः ।
- 7.023.06c स न॑ स्तु॒तो वी॑रव॒द्घातु॑ गोम॒द्यूयं॑ पा॒त स्व॑स्तिभिः सदा॒ नः ॥

- 7.024.01a योनिष्ट॑ इन्द्र॑ स॒दने॑ अ॒कारि॑ त॒मा नृ॑भिः पुरु॒हूत॑ प्र या॒हि ।
- 7.024.01c अ॒सो यथा॑ नोऽवि॒ता वृ॒धे च॑ द॒दो व॑सूनि॒ मम॑दश्च॒ सोमैः॑ ॥
- 7.024.02a गृ॒भीतं॑ ते॒ मन॑ इन्द्र॒ द्विर्बा॑र्हाः सु॒तः सोमः॑ परि॒षिक्ता॑ मधू॒नि ।
- 7.024.02c वि॒सृष्टे॑धेना॒ भर॑ते सु॒वृक्ति॑रियमिन्द्रं॒ जोहु॑वती॒ मनी॑षा ॥
- 7.024.03a आ नो॑ दि॒व आ पृ॑थिव्या॒ ऋजी॑षिन्नि॒दं बर्हिः॑ सोम॒पेयाय॑ या॒हि ।
- 7.024.03c वह॑न्तु॒ त्वा हर॑यो म॒द्भ्यञ्च॑माङ्गु॒षम॑च्छा॒ तव॑सं म॒दाय॑ ॥
- 7.024.04a आ नो॑ वि॒श्वाभि॑रू॒तिभिः॑ स॒जोषा॑ ब्रह्म॒ जुषा॑णो ह॒र्यश्च॑ या॒हि ।
- 7.024.04c वरी॑वृ॒जत्स्थ॑विरेभिः सु॒शिप्रा॑स्मे द॒धदृ॑षणं॒ शुष्म॑मिन्द्र ॥
- 7.024.05a एष॑ स्तोमो॒ मह॑ उ॒ग्राय॑ वाहे॒ धुरी॑श्वा॒त्यो न॑ वा॒जय॑न्न॒धायि॑ ।
- 7.024.05c इन्द्र॑ त्वा॒यम॑र्क ई॒ष्टे व॑सूनां॒ दिवी॑व॒ द्याम॑धि नः श्रो॒मतं॑ धाः ॥
- 7.024.06a ए॒वा न॑ इन्द्र॒ वार्य॑स्य पू॒र्धि प्र॑ ते॒ महीं॑ सु॒मतिं॑ वे॒विदा॑म ।
- 7.024.06c इषं॑ पि॒न्व म॑घव॒द्भ्यः सु॑वीरां॒ यूयं॑ पा॒त स्व॑स्तिभिः सदा॒ नः ॥

- 7.025.01a आ ते॑ मह॒ इन्द्रो॑त्यु॒ग्र स॑म॒न्यवो॑ यत्स॒मर॑न्त॒ सेनाः॑ ।
- 7.025.01c प॒ताति॑ दि॒द्युन्न॑र्यस्य॒ बाहो॑र्मा ते॒ मनो॑ वि॒ष्वद्य॑श्ग्वि॒ चारी॑त् ॥
- 7.025.02a नि॒ दुर्ग॑ इन्द्र॒ श्रथि॑ह्यमि॒त्राँ अ॒भि ये॑ नो॒ मर्ता॑सो अ॒मन्ति॑ ।
- 7.025.02c आ॒रे तं॑ शंसं॒ कृणु॑हि नि॒नित्सो॑रा नो॒ भर॑ सम्भ॒रणं॑ व॒सूना॑म् ॥
- 7.025.03a श॒तं ते॑ शि॒प्रिन्नू॑तयः सु॒दासे॑ स॒हस्रं॑ शंसा॒ उत॑ रा॒तिर॑स्तु ।

- 7.025.03c ज॒हि॒ व॒ध॒र्व॒नु॒षो॒ म॒र्त्य॒स्या॒स्मे॒ द्यु॒म॒म॒धि॒ र॒त्नं॑ च॒ धे॒हि॑ ॥
- 7.025.04a त्वा॒व॒तो॒ ही॒न्द्र॒ क्र॒त्वे॒ अ॒स्मि॒ त्वा॒व॒तो॒ऽवि॒तुः॑ शू॒र॒ रा॒तौ॑ ।
- 7.025.04c वि॒श्वे॒द॒हा॒नि॒ त॒वि॒षी॒व॒ उ॒ग्रं॑ अ॒क्रो॒कः॑ कृ॒णु॒ष्व॒ हरि॒वो॒ न॒ म॒र्धीः॑ ॥
- 7.025.05a कु॒त्सा॑ ए॒ते॒ ह॒र्य॑श्वा॒य॒ शू॒ष॒मि॒न्द्रे॒ स॒हो॑ दे॒व॒जू॒त॒मि॒या॒नाः॑ ।
- 7.025.05c स॒त्रा॑ कृ॒धि॒ सु॒ह॒ना॑ शू॒र॒ वृ॒त्रा॒ व॒यं॑ त॒रु॒त्राः॑ स॒नु॒या॒म॒ वा॒ज॒म् ॥
- 7.025.06a ए॒वा॒ न॒ इ॒न्द्र॒ वा॒र्य॑स्य॒ पू॒र्धि॒ प्र॒ ते॒ म॒हीं॑ सु॒म॒तिं॑ वे॒वि॒दा॒म॒ ।
- 7.025.06c इ॒षं॑ पि॒न्व॒ म॒घ॒व॒द्भ॒यः॑ सु॒वी॒रां॑ यू॒यं॑ पा॒त॒ स्व॒स्ति॒भिः॑ स॒दा॑ नः ॥

- 7.026.01a न॒ सो॒म॒ इ॒न्द्र॒म॒सु॒तो॒ म॒मा॒द॒ ना॒ब्र॒ह्मा॒णो॒ म॒घ॒वा॒नं॑ सु॒ता॒सः॑ ।
- 7.026.01c त॒स्मा॑ उ॒क्थं॑ ज॒न॒ये॒ य॒ज्जु॑जोष॒न्नृ॒व॒न्न॒वी॒यः॑ शृ॒णु॒व॒द्य॒था॑ नः ॥
- 7.026.02a उ॒क्थो॑क्थे॒ सो॒म॒ इ॒न्द्रं॑ म॒मा॒द॒ नी॒थे॒नी॒थे॑ म॒घ॒वा॒नं॑ सु॒ता॒सः॑ ।
- 7.026.02c य॒दीं॑ स॒वा॒धः॑ पि॒तरं॑ न॒ पु॒त्राः॑ स॒मा॒न॒द॒त्ता॑ अ॒व॒से॒ ह॒व॒न्ते॑ ॥
- 7.026.03a च॒का॒र॒ ता॑ कृ॒णु॒व॒न्नू॒न॒म॒न्या॑ या॒नि॒ ब्रु॒व॒न्ति॑ वे॒ध॒सः॑ सु॒ते॒षु॑ ।
- 7.026.03c ज॒नी॒रि॒व॒ प॒ति॒रे॒कः॑ स॒मा॒नो॒ नि॒ मा॒मृ॒जे॒ पु॒र॒ इ॒न्द्रः॑ सु॒ सर्वाः॑ ॥
- 7.026.04a ए॒वा॒ त॒मा॒हुरु॑त॒ शृ॒णु॒व॒ इ॒न्द्र॒ ए॒को॑ वि॒भ॒क्ता॒ तर॒णि॒र्म॒घा॒ना॒म् ।
- 7.026.04c मि॒थ॒स्तु॒र॒ ऊ॒त॒यो॒ य॒स्य॑ पू॒र्वी॒र॒स्मे॒ भ॒द्रा॒णि॑ स॒श्र॒त॒ प्रि॒या॒णि॑ ॥
- 7.026.05a ए॒वा॒ व॒सि॑ष्ठ॒ इ॒न्द्र॒मू॒त॒ये॒ नृ॒न्कृ॑ष्टी॒नां॑ वृ॒ष॒भं॑ सु॒ते॒ गृ॒णा॒ति॑ ।
- 7.026.05c स॒ह॒स्त्रि॒ण॒ उप॑ नो॒ मा॒हि॒ वा॒जा॒न्यू॒यं॑ पा॒त॒ स्व॒स्ति॒भिः॑ स॒दा॑ नः ॥

- 7.027.01a इन्द्रं नरो नेमधिता हवन्ते यत्पार्या युनजते धियस्ताः ।
- 7.027.01c शूरो नृषाता शवसश्चकान आ गोमति ब्रजे भजा त्वं नः ॥
- 7.027.02a य इन्द्र शुष्मो मघवन्ते अस्ति शिक्ता सखिभ्यः पुरुहूत नृभ्यः ।
- 7.027.02c त्वं हि दृळ्हा मघवन्विचेता अपा वृधि परिवृतं न राधः ॥
- 7.027.03a इन्द्रो राजा जगतश्चर्षणीनामधि क्षमि विषुरूपं यदस्ति ।
- 7.027.03c ततो ददाति दाशुषे वसूनि चोदद्राध उपस्तुतश्चिद्वार्क ॥
- 7.027.04a नू चिन्न इन्द्रो मघवा सहृती दानो वाजं नि यमते न ऊती ।
- 7.027.04c अनूना यस्य दक्षिणा पीपाय वामं नृभ्यो अभिवीता सखिभ्यः ॥
- 7.027.05a नू इन्द्र राये वरिवस्कृधी न आ ते मनो ववृत्याम मघाय ।
- 7.027.05c गोमदश्चावद्रथवद्यन्तो यूयं पात स्वस्तिभिः सदा नः ॥
- 7.028.01a ब्रह्मा ण इन्द्रोप याहि विद्वानर्वाञ्चस्ते हरयः सन्तु युक्ताः ।
- 7.028.01c विश्वे चिद्धि त्वा विहवन्त मर्ता अस्माकमिच्छृणुहि विश्वमिन्व ॥
- 7.028.02a हवं त इन्द्र महिमा व्यानड्ब्रह्म यत्पासि शवसिन्नृषीणाम् ।
- 7.028.02c आ यद्वज्रं दधिषे हस्त उग्र घोरः सन्क्रत्वा जनिष्ठा अषाळ्हः ॥
- 7.028.03a तव प्रणीतीन्द्र जोहुवानान्सं यन्नृन्न रोदसी निनेथ ।
- 7.028.03c महे क्षत्राय शवसे हि जज्ञेऽतूतुजिं चित्तूतुजिरशिश्नत् ॥

- 7.028.04a एभिर्न॑ इन्द्रा॑हभिर्द॑शस्य॑ दुर्मि॑त्रासो॒ हि द्दि॒तयः॑ पवन्ते ।
- 7.028.04c प्रति॑ यच्च॒ष्टे अनृ॑तमनेना॒ अ॒व द्वि॒ता वरु॑णो मायी॒ नः सात् ॥
- 7.028.05a वो॒चेमेदि॑न्द्रं॒ मघ॑वानमेनं॒ महो॑ रायो॒ राध॑सो यद्द॒न्नः ।
- 7.028.05c यो अ॒र्चतो॑ ब्रह्म॑कृतिमवि॒ष्ठो यू॒यं पा॑त स्व॒स्तिभिः॑ सदा॒ नः ॥
- 7.029.01a अ॒यं सोम॑ इन्द्र॒ तुभ्यं॑ सु॒न्व आ॒ तु प्र॑ याहि॒ हरि॑वस्तदो॒काः ।
- 7.029.01c पि॒बा त्व॑श्स्य सु॒षुत॑स्य चारो॒र्ददो॑ म॒घानि॑ मघव॒न्नियानः॑ ॥
- 7.029.02a ब्रह्म॑न्वीर॒ ब्रह्म॑कृतिं जुषा॒णोऽर्वा॑चीनो॒ हरि॑भिर्याहि॒ तूयम् ।
- 7.029.02c अ॒स्मिन्नू॒षु स॑वने॒ माद॑यस्वोप॒ ब्रह्मा॑णि शृ॒णव॑ इ॒मा नः ॥
- 7.029.03a का॒ ते अ॒स्त्यरं॑कृतिः॒ सूक्तैः॑ कदा॒ नूनं॑ ते॒ मघ॑वन्दाशेम ।
- 7.029.03c विश्वा॑ मतीरा॒ ततने॑ त्वायाधा॒ म इन्द्र॑ शृ॒णवो॑ ह॒वेमा ॥
- 7.029.04a उतो॑ घा॒ ते पुरु॑ष्या॒ इदा॑सन्येषां॒ पूर्वे॑षामशृ॒णोर्ऋ॑षीणाम् ।
- 7.029.04c अ॒घाहं॑ त्वा॒ मघ॑वञ्जोहवीमि॒ त्वं न॑ इन्द्रा॒सि प्र॑मतिः॒ पिते॑व ॥
- 7.029.05a वो॒चेमेदि॑न्द्रं॒ मघ॑वानमेनं॒ महो॑ रायो॒ राध॑सो यद्द॒न्नः ।
- 7.029.05c यो अ॒र्चतो॑ ब्रह्म॑कृतिमवि॒ष्ठो यू॒यं पा॑त स्व॒स्तिभिः॑ सदा॒ नः ॥
- 7.030.01a आ॒ नो दे॑व॒ शव॑सा याहि॒ शुष्मि॑न्भवा॒ वृध॑ इन्द्र॒ रायो॑ अस्य ।
- 7.030.01c म॒हे नृ॑म्णाय॒ नृप॑ते सुव॒ज्र म॒हि क्ष॑त्राय॒ पौ॒स्याय॑ शूर ॥

- 7.030.02a ह॒वन्त॑ उ॒ त्वा ह॒व्यं॑ वि॒वाचि॑ त॒नूषु॑ शू॒राः॑ सू॒र्यस्य॑ सा॒तौ ।
- 7.030.02c त्वं॑ वि॒श्वेषु॑ से॒न्यो ज॑नेषु॒ त्वं वृ॑त्राणि॒ रन्ध॑या सु॒हन्तु॑ ॥
- 7.030.03a अ॒हा य॑दिन्द्र॒ सुदि॑ना॒ व्यु॑च्छान्द॒धो य॑त्के॒तुमु॑प॒मं स॑मत्सु ।
- 7.030.03c न्य॒श्विः॑ सी॒दद॑सुरो न॒ होता॑ हु॒वानो॑ अ॒त्र सु॑भगाय॒ देवा॑न् ॥
- 7.030.04a व॒यं ते॑ त॒ इन्द्र॑ ये च॒ देव॑ स्तवन्त॒ शूर॑ द॒दतो॑ म॒घानि॑ ।
- 7.030.04c य॒च्छा॑ सू॒रिभ्य॑ उ॒पमं॑ व॒रूथं॑ स्वा॒भुवो॑ ज॒रणाम॑श्चवन्त ॥
- 7.030.05a वो॒चेमे॑दिन्द्रं॒ मघ॑वानमे॒नं म॒हो रा॒यो रा॑धसो॒ यद्द॑न्नः ।
- 7.030.05c यो अ॒र्चतो॑ ब्र॒ह्मकृ॑तिमवि॒ष्ठो यू॒यं पा॑त स्व॒स्तिभिः॑ स॒दा नः॑ ॥

- 7.031.01a प्र॒ व इन्द्रा॑य॒ माद॑नं॒ हर्य॑श्वाय॒ गाय॑त ।
- 7.031.01c स॒खायः॑ सोम॒पात्रे॑ ॥
- 7.031.02a शं॒सेदु॑क्थं॒ सुदा॑नव॒ उत॑ द्यु॒क्षं यथा॑ नरः ।
- 7.031.02c च॒कृ॒मा स॒त्यरा॑धसे ॥
- 7.031.03a त्वं॑ न॒ इन्द्र॑ वा॒जयु॑स्त्वं ग॒व्युः श॑तक्रतो ।
- 7.031.03c त्वं॑ हि॒रण्य॑युर्वसो ॥
- 7.031.04a व॒यमि॑न्द्र॒ त्वाय॑वोऽभि॒ प्र णो॑नुमो वृषन् ।
- 7.031.04c वि॒द्धी त्व॑श्स्य॒ नो व॑सो ॥
- 7.031.05a मा॒ नो नि॑दे च॒ वक्त॑वेऽर्यो॒ रन्धी॑ररा॒व्णे ।

- 7.031.05c त्वे अपि क्रतुर्मम ॥
- 7.031.06a त्वं वर्मासि सप्रथः पुरोयोधश्च वृत्रहन् ।
- 7.031.06c त्वया प्रति ब्रुवे युजा ॥
- 7.031.07a महाँ उतासि यस्य तेऽनु स्वधावरी सहः ।
- 7.031.07c मन्नाते इन्द्र रोदसी ॥
- 7.031.08a तं त्वा मरुत्वती परि भुवद्वाणी सयावरी ।
- 7.031.08c नक्षमाणा सह द्युभिः ॥
- 7.031.09a ऊर्ध्वासस्त्वान्विन्दवो भुवन्दस्ममुप द्यवि ।
- 7.031.09c सं ते नमन्त कृष्टयः ॥
- 7.031.10a प्र वो महे महिवृधे भरध्वं प्रचेतसे प्र सुमतिं कृणुध्वम् ।
- 7.031.10c विशः पूर्वीः प्र चरा चर्षणिप्राः ॥
- 7.031.11a उरुव्यचसे महिने सुवृक्तिमिन्द्राय ब्रह्म जनयन्त विप्राः ।
- 7.031.11c तस्य व्रतानि न मिनन्ति धीराः ॥
- 7.031.12a इन्द्रं वाणीरनुत्तमन्युमेव सत्रा राजानं दधिरे सहध्वै ।
- 7.031.12c हर्यश्वाय बर्हया समापीन् ॥
- 7.032.01a मो षु त्वा वाघतश्चनारे अस्मन्नि रीरमन् ।
- 7.032.01c आरात्ताच्चित्सधमादं न आ गहीह वा सन्नूप श्रुधि ॥

- 7.032.02a इ॒मे हि॑ ते॒ ब्र॒ह्म॒कृतः॑ सु॒ते स॒चा म॒धौ न म॒द॒ आ॒सते॑ ।
- 7.032.02c इ॒न्द्रे का॒मं ज॒रि॒तारो॑ व॒सू॒यवो॑ रथे न पा॒द॒मा द॒धुः ॥
- 7.032.03 रा॒यस्का॑मो व॒ज्रह॑स्तं सु॒दक्षि॑णं पु॒त्रो न पि॒तरं॑ हु॒वे ॥
- 7.032.04a इ॒म इ॒न्द्राय॑ सु॒न्वि॒रे सो॒मासो॑ द॒ध्याशि॑रः ।
- 7.032.04c ताँ आ॑ म॒दाय॑ व॒ज्रह॑स्त पी॒तये॑ ह॒रिभ्यां॑ या॒ह्यो॒क आ ॥
- 7.032.05a श्र॒वच्छु॑त्कर्ण॑ ई॒यते॑ व॒सूनां॑ नू चि॒न्नो म॑र्धिष॒द्भिः ।
- 7.032.05c सद्य॑श्चिद्यः स॒हस्रा॑णि श॒ता द॑दन्नकि॒र्दित्स॑न्त॒मा मि॑नत् ॥
- 7.032.06a स वी॒रो अ॒प्रति॑ष्कृत॒ इन्द्रे॑ण शू॒शुवे॑ नृभिः ।
- 7.032.06c यस्ते॑ ग॒भीरा॑ स॒वनानि॑ वृ॒त्रह॑न्सु॒नोत्या॑ च धा॒वति॑ ॥
- 7.032.07a भ॒वा व॒रूथं॑ म॒घव॑न्म॒घोनां॑ यत्स॒मजा॑सि श॒र्धतः॑ ।
- 7.032.07c वि त्वा॑ह॒तस्य॑ वे॒दनं॑ भ॒जेम॑ह्या दू॒णाशो॑ भ॒रा ग॑यम् ॥
- 7.032.08a सु॒नोता॑ सो॒मपा॒न्ने सो॒ममि॑न्द्राय॒ वज्रि॑णे ।
- 7.032.08c प॒चता॑ प॒क्ती॒रव॑से कृ॒णु॒ध्वमि॑त्पृ॒णान्नि॑त्पृ॒णते॑ म॒यः ॥
- 7.032.09a मा स्ने॑ध॒त सो॒मिनो॑ द॒क्षता॑ म॒हे कृ॒णु॒ध्वं रा॒य आ॒तुजे॑ ।
- 7.032.09c तर॑णि॒रिज्ज॑यति॒ क्षेति॑ पु॒ष्यति॑ न दे॒वासः॑ क॒वत्न॑वे ॥
- 7.032.10a नकिः॑ सु॒दासो॑ रथं॒ पर्या॑स न री॒रम॑त् ।
- 7.032.10c इ॒न्द्रो य॑स्या॒विता॑ य॒स्य म॑रु॒तो ग॑मत्स गो॒मति॑ ब्रजे ॥
- 7.032.11a ग॑म॒द्वाजं॑ वा॒जय॑न्नि॒न्द्र म॑त्यो॒ यस्य॑ त्व॒मवि॑ता भुवः ।

- 7.032.11c अ॒स्माकं॑ बो॒ध्यवि॒ता र॒थाना॑म॒स्माकं॑ शूर॒ नृणा॑म् ॥
- 7.032.12a उ॒दि॒ह्वस्य॑ रि॒च्यते॑ऽशो॒ धनं॑ न जि॒ग्युषः॑ ।
- 7.032.12c य इन्द्रो॑ हरि॒वान्न॑ द॒भन्ति॑ तं रि॒पो द॒त्तं द॒धाति॑ सो॒मिनि॑ ॥
- 7.032.13a म॒न्त्रम॑खर्व॒ सुधि॑तं सु॒पेश॑सं द॒धात॑ य॒ज्ञिये॑ष्वा ।
- 7.032.13c पूर्वी॑श्च॒न प्र॑सि॒तय॑स्तरन्ति॒ तं य इ॒न्द्रे क॑र्म॒णा भु॑वत् ॥
- 7.032.14a क॒स्तमि॑न्द्र॒ त्वाव॑सु॒मा म॒र्त्यो द॑ध॒र्षति॑ ।
- 7.032.14c श्रद्धा॑ इ॒त्ते म॑घव॒न्पार्ये॑ दि॒वि वा॒जी वा॒जं सि॑षासति ॥
- 7.032.15a म॒घोनः॑ स्म वृ॒त्रह॑त्येषु॒ चोद॑य॒ ये द॑दति॒ प्रिया॑ वसु ।
- 7.032.15c तव॑ प्र॒णीती॑ ह॒र्यश्च॑ सू॒रिभि॑र्वि॒श्वा तरे॑म॒ दुरि॑ता ॥
- 7.032.16a तवे॑दिन्द्रा॒वमं॑ वसु॒ त्वं पु॑ष्यसि॒ मध्य॑मम् ।
- 7.032.16c स॒त्रा वि॑श्वस्य॒ पर॑मस्य॒ राज॑सि॒ नकि॑ष्ट्वा॒ गोषु॑ वृ॒णव॑ते ॥
- 7.032.17a त्वं वि॑श्वस्य॒ धन॑दा॒ असि॑ श्रु॒तो य ई॑ भव॒न्त्या॒जयः॑ ।
- 7.032.17c तवा॑यं वि॒श्वः पुरु॑हू॒त पा॑र्थि॒वोऽव॑स्यु॒र्नाम॑ भि॒क्षते॑ ॥
- 7.032.18a यदि॑न्द्र॒ याव॑तस्त्वमे॒ताव॑द॒हमी॑शीय ।
- 7.032.18c स्तो॒तार॑मि॒द्दिधि॑षेय॒ रदा॑वसो॒ न पा॑प॒त्वाय॑ रासीय ॥
- 7.032.19a शि॒क्षेय॑मि॒न्मह॑यते॒ दिवे॑दिवे॒ राय॑ आ॒ कुह॑चि॒द्विदे॑ ।
- 7.032.19c नहि॑ त्वद॒न्यन्म॑घवन्न॒ आप्यं॑ वस्यो॒ अस्ति॑ पि॒ता च॑न ॥
- 7.032.20a तर॑णिरि॒त्सिषा॑सति॒ वाजं॑ पु॒रंध्या॑ यु॒जा ।

- 7.032.20c आ व इन्द्रं पुरुहूतं नमे गिरा नेमिं तष्टेव सुद्रवम् ॥
- 7.032.21a न दुष्टुती मर्त्यो विन्दते वसु न स्नेधन्तं रयिर्नशत् ।
- 7.032.21c सुशक्तिरिन्मघवन्तुभ्यं मावते देष्णं यत्पार्ये दिवि ॥
- 7.032.22a अभि त्वा शूर नोनुमोऽदुग्धा इव धेनवः ।
- 7.032.22c ईशानमस्य जगतः स्वर्दृशमीशानमिन्द्र तस्थुषः ॥
- 7.032.23a न त्वावाँ अन्यो दिव्यो न पार्थिवो न जातो न जनिष्यते ।
- 7.032.23c अश्वायन्तो मघवन्निन्द्र वाजिनो गव्यन्तस्त्वा हवामहे ॥
- 7.032.24a अभी षतस्तदा भरेन्द्र ज्यायः कनीयसः ।
- 7.032.24c पुरूवसुर्हि मघवन्सनादसि भरेभरे च हव्यः ॥
- 7.032.25a परा णुदस्व मघवन्नमित्रान्सुवेदा नो वसू कृधि ।
- 7.032.25c अस्माकं बोध्यविता महाधने भवा वृधः सखीनाम् ॥
- 7.032.26a इन्द्र क्रतुं न आ भर पिता पुत्रेभ्यो यथा ।
- 7.032.26c शिक्ता णो अस्मिन्पुरुहूत यामनि जीवा ज्योतिरशीमहि ॥
- 7.032.27a मा नो अज्ञाता वृजना दुराध्योऽ माशिवासो अव क्रमुः ।
- 7.032.27c त्वया वयं प्रवतः शश्वतीरपोऽति शूर तरामसि ॥
- 7.033.01a श्वित्यञ्चो मा दक्षिणतस्कपर्दा धियंजिन्वासो अभि हि प्रमन्दुः ।
- 7.033.01c उत्तिष्ठन्वोचे परि बर्हिषो नृन्न मे दूरादवितवे वसिष्ठाः ॥

- 7.033.02a दू॒रादि॑न्द्रम॒नय॑न्ना सु॒तेन॑ ति॒रो वै॑श॒न्तम॑ति॒ पान्त॑मु॒ग्रम् ।
- 7.033.02c पा॒शद्यु॑म्नस्य वा॒यत॑स्य सो॒मात्सु॑तादिन्द्रोऽवृ॒णीता॑ वसि॒ष्ठान् ॥
- 7.033.03a ए॒वेन्नु॑ कं॒ सिन्धु॑मेभिस्त॒तारे॑वेन्नु॒ कं भे॑दमेभिर्ज॒घान॑ ।
- 7.033.03c ए॒वेन्नु॑ कं॒ दाश॑रा॒ज्ञे सु॒दासं॑ प्रा॒वदि॑न्द्रो ब्र॒ह्मणा॑ वो वसि॒ष्ठाः ॥
- 7.033.04a जु॒ष्टी न॑रो ब्र॒ह्मणा॑ वः पि॒तृणा॑म॒क्षम॑व्ययं न किला॑ रिषाथ ।
- 7.033.04c य॒च्छक्व॑रीषु बृ॒हता॑ र॒वेणे॑न्द्रे शु॒ष्मम॑दधा॒ता वसि॑ष्ठाः ॥
- 7.033.05a उ॒द्यामि॑वेत्तृष्ण॒जो ना॑थि॒तासो॑ऽदी॒धयु॑र्दाशरा॒ज्ञे वृ॒तासः॑ ।
- 7.033.05c वसि॑ष्ठस्य स्तु॒वत॑ इन्द्रो॒ अश्रो॑दु॒रुं तृ॑त्सु॒भ्यो अ॑कृ॒णोदु॑ लोकम् ॥
- 7.033.06a द॒ण्डा इ॒वेद्गो॑अ॒जना॑स आ॒सन्प॑रि॒च्छिन्ना॑ भ॒रता॑ अ॒र्भका॑सः ।
- 7.033.06c अ॒भव॑च्च पु॒रए॒ता वसि॑ष्ठ आ॒दि॒त्त॒सूनां॑ वि॒शो अ॑प्रथन्त ॥
- 7.033.07a त्रयः॑ कृ॒णव॑न्ति भु॒वने॑षु रे॒तस्ति॑स्रः प्र॒जा आ॒र्या ज्यो॑तिर॒ग्राः ।
- 7.033.07c त्रयो॑ घ॒र्मास॑ उ॒षसं॑ स॒चन्ते॒ सर्वा॑ इ॒त्तां अनु॑ वि॒दुर्व॑सि॒ष्ठाः ॥
- 7.033.08a सू॒र्यस्ये॑व व॒क्षथो॑ ज्यो॒तिरे॑षां स॒मुद्र॑स्ये॒व म॒हिमा॑ ग॒भीरः॑ ।
- 7.033.08c वा॒तस्ये॑व प्र॒जवो॑ ना॒न्येन॑ स्तो॒मो वसि॑ष्ठा अ॒न्वेत॑वे वः ॥
- 7.033.09a त इ॒न्नि॒ग्यं हृ॑दयस्य प्र॒के॒तैः स॒हस्र॑वल्श॒मभि॑ सं च॒रन्ति॑ ।
- 7.033.09c यमे॑न त॒तं परि॑धिं व॒यन्तो॑ऽप्सर॒स उप॑ से॒दुर्व॑सि॒ष्ठाः ॥
- 7.033.10a वि॒द्युतो॑ ज्यो॒तिः परि॑ सं॒जि॒हानं॑ मि॒त्राव॑रुणा॒ यद॑पश्यतां त्वा ।
- 7.033.10c त॒त्ते ज॑न्मो॒तैकं॑ वसि॒ष्ठाग॑स्त्यो॒ यत्त्वा॑ वि॒श आ॑ज॒भार॑ ॥

- 7.033.11a उ॒तासि॑ मै॒त्राव॑रु॒णो व॑सि॒ष्ठोर्व॑श्या॒ ब्र॒ह्म॒न्म॒नसो॑ऽधि॒ जा॒तः ।
- 7.033.11c द्र॒प्सं॑ स्क॒न्नं ब्र॒ह्म॒णा दै॒व्येन॑ वि॒श्वे दे॒वाः पु॒ष्करे॑ त्वा॒दद॑न्त ॥
- 7.033.12a स प्र॑के॒त उ॒भय॑स्य प्र॒विद्वान्स॑हस्र॒दान उ॒त वा स॑दानः ।
- 7.033.12c यमे॑न॒ ततं॑ परि॒धिं व॑यिष्यन्न॒प्सर॑सः परि॒ जज्ञे॑ वसि॒ष्ठः ॥
- 7.033.13a स॒त्रे ह॑ जा॒तावि॑षिता॒ नमो॑भिः कु॒म्भे रे॑तः॒ सिषि॑चतुः॒ समा॑नम् ।
- 7.033.13c ततो॑ ह॒ मान॑ उ॒दिया॑य म॒ध्यात्ततो॑ जा॒तमृ॑षिमाहुर्वसि॒ष्ठम् ॥
- 7.033.14a उ॒क्थ॑भृ॒तं सा॑मभृ॒तं बि॑भर्ति॒ ग्रावा॑णं बिभ्र॒त्प्र व॑दा॒त्यग्रे॑ ।
- 7.033.14c उ॒पै॒नमा॑ध्वं सु॒मन॑स्यमा॒ना आ॒ वो ग॑च्छाति प्र॒तृदो॑ वसि॒ष्ठः ॥

- 7.034.01 प्र शु॒क्रैतु॑ दे॒वी म॒नीषा॑ अ॒स्मत्सु॑त॒ष्टो र॑थो न वा॒जी ॥
- 7.034.02 वि॒दुः पृ॒थि॒व्या दि॒वो ज॒नित्रं॑ शृ॒णव॑न्त्यापो अ॒ध च॑रन्तीः ॥
- 7.034.03 आ॒पश्चि॑द॒स्मै पि॒न्वन्त॑ पृ॒थ्वीवृ॑त्रिषु शू॒रा मं॑सन्त उ॒ग्राः ॥
- 7.034.04 आ धू॒र्ष्वस्मै॑ द॒धाता॑श्चानिन्द्रो न व॒ज्री हि॑र॒ण्यबा॑हुः ॥
- 7.034.05 अ॒भि प्र॑ स्था॒ताहे॑व य॒ज्ञं या॑तेव प॒त्मन्त॑मना॒ हिनो॑त ॥
- 7.034.06 त्मना॑ स॒मत्सु॑ हि॒नोत॑ य॒ज्ञं द॑धात॒ केतुं॑ ज॒नाय॑ वी॒रम् ॥
- 7.034.07 उ॒दस्य॑ शु॒ष्माद्भानु॑नार्तं बि॒भर्ति॑ भा॒रं पृ॑थि॒वी न भू॑म ॥
- 7.034.08 ह्या॑मि दे॒वाँ अ॒यातु॑र॒ग्ने सा॑ध॒न्नृते॑न धि॒यं द॑धामि ॥
- 7.034.09 अ॒भि वो॑ दे॒वीं धि॒यं द॑धि॒ध्वं प्र॑ वो दे॒वत्रा॑ वाचं कृ॒णु॑ध्वम् ॥

- 7.034.10 आ चष्ट आसां पाथो नदीनां वरुण उग्रः सहस्रचक्षाः ॥
- 7.034.11 राजा राष्ट्रानां पेशो नदीनामनुत्तमस्मै क्षत्रं विश्वायु ॥
- 7.034.12 अविष्टो अस्मान्विश्वासु विद्वद्युं कृणोत शंसं निनित्सोः ॥
- 7.034.13 व्येतु दिद्युद्दिद्वषामशेवा युयोत विष्वग्रपस्तनूनाम् ॥
- 7.034.14 अवीन्नो अग्निर्हव्यान्नमोभिः प्रेष्ठो अस्मा अघायि स्तोमः ॥
- 7.034.15 सजूदेवीभिरपां नपातं सखायं कृध्वं शिवो नो अस्तु ॥
- 7.034.16 अञ्जामुक्थैरहिं गृणीषे बुधे नदीनां रजस्सु षीदन् ॥
- 7.034.17 मा नोऽहिर्बुध्न्यो रिषे धान्मा यज्ञो अस्य स्त्रिधृतायोः ॥
- 7.034.18 उत न एषु नृषु श्रवो धुः प्र राये यन्तु शर्धन्तो अर्यः ॥
- 7.034.19 तपन्ति शत्रुं स्वर्ष्णं भूमा महासेनासो अमेभिरेषाम् ॥
- 7.034.20 आ यन्नः पत्नीर्गमन्त्यच्छा त्वष्टा सुपाणिर्दधातु वीरान् ॥
- 7.034.21 प्रति न स्तोमं त्वष्टा जुषेत स्यादस्मे अरमतिर्वसूयुः ॥
- 7.034.22a ता नो रासन्नातिषाचो वसून्या रोदसी वरुणानी शृणोतु ।
- 7.034.22c वरूत्रीभिः सुशरणो नो अस्तु त्वष्टा सुदत्रो वि दधातु रायः ॥
- 7.034.23a तन्नो रायः पर्वतास्तन्न आपस्तद्रातिषाच ओषधीरुत द्यौः ।
- 7.034.23c वनस्पतिभिः पृथिवी सजोषा उभे रोदसी परि पासतो नः ॥
- 7.034.24a अनु तदुर्वी रोदसी जिहातामनु द्युत्तो वरुण इन्द्रसखा ।
- 7.034.24c अनु विश्वे मरुतो ये सहासो रायः स्याम धरुणां धियध्वै ॥

- 7.034.25a तन्न॑ इन्द्रो॑ वरु॒णो मि॒त्रो अ॒ग्निरा॒प ओष॑धीर्व॒निनो॑ जुषन्त ।
- 7.034.25c शर्म॑न्स्याम॒ मरु॑तामु॒पस्थे॑ यू॒यं पा॒त स्व॒स्तिभिः॑ सदा॒ नः ॥
- 7.035.01a शं न॑ इन्द्रा॒ग्नी भ॒वता॑मवोभिः शं न॑ इन्द्रा॒वरु॑णा रा॒तह॑व्या ।
- 7.035.01c शमि॑न्द्रा॒सोमा॑ सु॒विता॒य शं योः॑ शं न॑ इन्द्रा॒पूष॑णा वा॒जसा॑तौ ॥
- 7.035.02a शं नो॑ भगः॒ शमु॑ नः शंसो॑ अस्तु शं नः॒ पुरं॑धिः शमु॑ सन्तु रा॒यः ।
- 7.035.02c शं नः॑ स॒त्यस्य॑ सु॒यम॑स्य शंसः॒ शं नो॑ अ॒र्यमा॑ पु॒रुजा॑तो अस्तु ॥
- 7.035.03a शं नो॑ धा॒ता शमु॑ ध॒र्ता नो॑ अस्तु शं न॑ उ॒रूची॑ भवतु स्व॒धाभिः॑ ।
- 7.035.03c शं रो॑दसी बृ॒हती॑ शं नो॑ अ॒द्रिः शं नो॑ दे॒वानां॑ सु॒हवा॑नि सन्तु ॥
- 7.035.04a शं नो॑ अ॒ग्निज्यो॑तिर॒नीको॑ अस्तु शं नो॑ मि॒त्रावरु॑णाव॒श्विना॑ शम् ।
- 7.035.04c शं नः॑ सु॒कृतां॑ सु॒कृता॑नि सन्तु शं न॑ इ॒षिरो॑ अ॒भि वा॑तु वा॒तः ॥
- 7.035.05a शं नो॑ द्या॒वापृ॑थि॒वी पूर्॑व॒हूतौ॑ शमन्त॒रिद्धं॑ दृ॒शये॑ नो अस्तु ।
- 7.035.05c शं न॑ ओष॑धीर्व॒निनो॑ भवन्तु शं नो॑ र॒जस॑स्पतिरस्तु जि॒ष्णुः ॥
- 7.035.06a शं न॑ इन्द्रो॑ वसु॒भिर्दे॒वो अस्तु॑ शमा॒दित्ये॑भिर्व॒रुणः॑ सुशंसः ।
- 7.035.06c शं नो॑ रु॒द्रो रु॒द्रेभि॑र्जला॒षः शं न॑स्त्व॒ष्टा आ॑भि॒रिह॑ शृ॒णोतु॑ ॥
- 7.035.07a शं नः॑ सो॒मो भ॑वतु ब्र॒ह्म शं नः॑ शं नो॑ ग्रा॒वाणः॑ शमु॑ सन्तु य॒ज्ञाः ।
- 7.035.07c शं नः॑ स्व॒रूणां॑ मि॒तयो॑ भवन्तु शं नः॑ प्र॒स्वशः॑ श॒म्वस्तु॑ वेदिः ॥
- 7.035.08a शं नः॑ सू॒र्य उ॒रुच॑त्ता उ॒देतु॑ शं नश्च॒तस्रः॑ प्र॒दिशो॑ भवन्तु ।

- 7.035.08c शं नः पर्वता ध्रुवयो भवन्तु शं नः सिन्धवः शमु सन्त्वापः ॥
- 7.035.09a शं नो अदितिर्भवतु व्रतेभिः शं नो भवन्तु मरुतः स्वर्काः ।
- 7.035.09c शं नो विष्णुः शमु पूषा नो अस्तु शं नो भवित्रं शम्बस्तु वायुः ॥
- 7.035.10a शं नो देवः सविता त्रायमाणः शं नो भवन्तूषसो विभातीः ।
- 7.035.10c शं नः पर्जन्यो भवतु प्रजाभ्यः शं नः क्षेत्रस्य पतिरस्तु शम्भुः ॥
- 7.035.11a शं नो देवा विश्वदेवा भवन्तु शं सरस्वती सह धीभिरस्तु ।
- 7.035.11c शमभिषाचः शमु रातिषाचः शं नो दिव्याः पार्थिवाः शं नो अप्याः ॥
- 7.035.12a शं नः सत्यस्य पतयो भवन्तु शं नो अर्वन्तः शमु सन्तु गावः ।
- 7.035.12c शं न ऋभवः सुकृतः सुहस्ताः शं नो भवन्तु पितरो हवेषु ॥
- 7.035.13a शं नो अज एकपाद्देवो अस्तु शं नोऽहिर्बुध्न्यः शं समुद्रः ।
- 7.035.13c शं नो अपां नपात्पेरुरस्तु शं नः पृश्निर्भवतु देवगोपा ॥
- 7.035.14a आदित्या रुद्रा वसवो जुषन्तेदं ब्रह्म क्रियमाणं नवीयः ।
- 7.035.14c शृण्वन्तु नो दिव्याः पार्थिवासो गोजाता उत ये यज्ञियासः ॥
- 7.035.15a ये देवानां यज्ञिया यज्ञियानां मनोर्यजत्रा अमृता ऋतज्ञाः ।
- 7.035.15c ते नो रासन्तामुरुगायमद्य यूयं पात स्वस्तिभिः सदा नः ॥

- 7.036.01a प्र ब्रह्मैतु सद्नादृतस्य वि रश्मिभिः ससृजे सूर्यो गाः ।
- 7.036.01c वि सानुना पृथिवी सस्र उर्वी पृथु प्रतीकमध्येधे अग्निः ॥

- 7.036.02a इ॒मां वा॑ मि॒त्राव॑रुणा सु॒वृ॒क्ति॑मिषं न कृ॒ण्वे अ॒सुरा॑ नवीयः ।
- 7.036.02c इ॒नो वा॑मन्यः प॒दवी॑रद॒ब्धो ज॒नं च॑ मि॒त्रो य॑तति ब्रुवा॒णः ॥
- 7.036.03a आ वा॑तस्य ध्र॒जतो॑ रन्त इत्या अ॒पी॒पय॑न्त धे॒नवो॑ न सू॒दाः ।
- 7.036.03c म॒हो दि॒वः स॒दने॑ जा॒यमा॑नोऽचि॒क्रद॑दृ॒षभः॑ स॒स्मिन्नू॑धन् ॥
- 7.036.04a गि॒रा य ए॒ता यु॑नज॒द्धरी॑ त इन्द्र॒ प्रिया॑ सु॒रथा॑ शूर॒ धायू॑ ।
- 7.036.04c प्र यो म॒न्युं रि॑रि॒क्षतो॑ मि॒नात्या॑ सु॒क्रतु॑म॒र्यम॑णं ववृ॒त्याम् ॥
- 7.036.05a यज॑न्ते अ॒स्य स॒ख्यं व॑यश्च नम॒स्विनः॑ स्व ऋ॒तस्य॑ धाम॒न् ।
- 7.036.05c वि पृ॒क्षो बा॑ब॒धे नृ॑भि स्त॒वान इ॒दं नमो॑ रु॒द्राय॑ प्रे॒ष्ठम् ॥
- 7.036.06a आ य॑त्साकं यश॒सो वा॑वशा॒नाः सर॑स्वती स॒प्तथी॑ सि॒न्धुमा॑ता ।
- 7.036.06c याः सु॒ष्वय॑न्त सु॒दुघाः॑ सु॒धारा॑ अ॒भि स्वे॒न प॑यसा पी॒प्यानाः॑ ॥
- 7.036.07a उ॒त त्ये॑ नो म॒रुतो॑ म॒न्दसा॑ना धि॒यं तो॒कं च॑ वा॒जिनो॑ऽवन्तु ।
- 7.036.07c मा नः॑ परि॒ ख्यद॑क्षरा च॒रन्त्य॑वी॒वृध॑न्यु॒ज्यं ते॑ र॒यिं नः॑ ॥
- 7.036.08a प्र वो॑ म॒हीम॑रमतिं कृ॒णुध्वं॑ प्र पू॒षणं॑ वि॒दथ्यं॑ न वी॒रम् ।
- 7.036.08c भ॒गं धि॒योऽवि॑तारं नो अ॒स्याः सा॒तौ वा॒जं रा॑तिषा॒चं पु॑रं॒धिम् ॥
- 7.036.09a अ॒च्छायं॑ वो म॒रुतः॑ श्लो॒क ए॒त्वच्छा॑ वि॒ष्णुं नि॑षि॒क्तपा॑मवो॒भिः ।
- 7.036.09c उ॒त प्र॑जायै गृ॒णते॑ वयो धु॒र्ययं॑ पा॒त स्व॑स्ति॒भिः सदा॑ नः ॥
- 7.037.01a आ वो॑ वा॒हिष्ठो॑ वहतु स्त॒वध॑यै रथो वा॒जा ऋ॑भु॒क्षणो॑ अ॒मृक्तः॑ ।

- 7.037.01c अ॒भि त्रि॒पृ॒ष्ठैः स॒वने॑षु सो॒मैर्दि॑ सु॒शि॒प्रा म॒हभिः॑ पृ॒णध्व॑म् ॥
- 7.037.02a यू॒यं ह॒ रत्नं॑ म॒घव॑त्सु ध॒त्थ स्व॑र्दृ॒श ऋ॑भु॒क्ष्णो अ॒मृ॒क्तम् ।
- 7.037.02c सं॒ यज्ञे॑षु स्व॒धाव॑न्तः पि॒बध्वं॑ वि॒ नो रा॒धांसि॑ म॒तिभि॑र्दयध्वम् ॥
- 7.037.03a उ॒वोचि॑थ हि म॒घव॑न्दे॒ष्णां म॒हो अ॒र्भस्य॑ वसु॒नो वि॒भागे॑ ।
- 7.037.03c उ॒भा ते॑ पू॒र्णा वसु॑ना ग॒भस्ती॑ न सू॒नृता॑ नि य॒मते॑ वस॒व्या ॥
- 7.037.04a त्वमि॑न्द्र स्व॒यशा॑ ऋ॒भुक्षा॑ वा॒जो न सा॒धुर॑स्तमे॒ष्यक्वा॑ ।
- 7.037.04c व॒यं नु॑ ते दा॒श्रांसः॑ स्याम ब्र॒ह्म कृ॑ण॒वन्तो॑ हरि॒वो वसि॑ष्ठाः ॥
- 7.037.05a स॒निता॑सि प्र॒वतो॑ दा॒शुषे॑ चि॒द्याभि॑र्वि॒षो ह॑र्यश्च धी॒भिः ।
- 7.037.05c व॒वन्मा॑ नु॒ ते यु॒ज्याभि॑रू॒ती क॒दा न इ॒न्द्र रा॒य आ द॑शस्येः ॥
- 7.037.06a वा॒सय॑सीव वे॒धस॑स्त्वं नः क॒दा न इ॒न्द्र व॒चसो॑ बु॒बोधः॑ ।
- 7.037.06c अ॒स्तं ता॒त्या धि॒या र॒यिं सु॒वीरं॑ पृ॒क्षो नो॑ अ॒र्वा न्यु॑हीत वा॒जी ॥
- 7.037.07a अ॒भि यं दे॒वी नि॒र्त्राति॑श्चि॒दीशे॑ न॒क्षन्त॑ इ॒न्द्रं श॒रदः॑ सु॒पृ॒क्षः ।
- 7.037.07c उ॒प त्रि॑ब॒न्धुर्ज॑रद॒ष्टिमे॒त्यस्व॑वेशं यं कृ॒णव॑न्त॒ मर्ताः॑ ॥
- 7.037.08a आ नो॑ रा॒धांसि॑ स॒वित॑ स्तव॒ध्या आ॒ रायो॑ य॒न्तु प॑र्व॒तस्य॑ रा॒तौ ।
- 7.037.08c स॒दा नो॑ दि॒व्यः पा॒युः सि॑ष॒क्तु यू॒यं पा॑त स्व॒स्तिभिः॑ स॒दा नः॑ ॥
- 7.038.01a उ॒दु ष्य॑ दे॒वः स॒विता॑ य॒याम॑ हि॒र॒ण्ययी॑म॒मतिं॑ या॒मशि॑श्रेत् ।
- 7.038.01c नूनं॑ भ॒गो ह॒व्यो मा॑नु॒षेभि॑र्वि॒ यो रत्ना॑ पु॒रूव॑सु॒र्दधा॑ति ॥

- 7.038.02a उदु॑ तिष्ठ॑ सवि॒तः श्रु॒ध्य॒श्स्य॑ हि॒र॒ण्य॒पा॒णे प्र॒भृता॑वृ॒तस्य॑ ।
- 7.038.02c व्यु॒र्ष्वी॑ पृ॒थ्वी॒मम॑तिं॒ सृ॒जान॑ आ नृ॒भ्यो॑ म॒र्तभो॑जनं सु॒वानः॑ ॥
- 7.038.03a अ॒पि॒ घृ॒तः स॒वि॒ता दे॒वो अ॒स्तु॒ यमा॑ चि॒द्वि॒श्वे व॒स॒वो गृ॑णन्ति ।
- 7.038.03c स न॒ स्तो॒मा॒न्नम॑स्य॒श्चनो॑ धा॒द्वि॒श्वेभिः॑ पा॒तु पा॒युभि॑र्नि सू॒रीन् ॥
- 7.038.04a अ॒भि यं॑ दे॒व्यदि॑तिर्गृ॒णाति॑ स॒वं दे॒वस्य॑ स॒वितु॑र्जुषा॒णा ।
- 7.038.04c अ॒भि स॒म्राजो॑ वरु॒णो गृ॑णन्त्यभि मि॒त्रासो॑ अ॒र्य॒मा स॒जोषाः॑ ॥
- 7.038.05a अ॒भि ये मि॒थो व॒नुषः॑ स॒पन्ते॑ रा॒तिं दि॒वो रा॑तिषा॒चः पृ॒थि॒व्याः ।
- 7.038.05c अ॒हि॒बु॒ध्न्य॑ उ॒त नः॑ शृ॒णोतु॑ वरू॒त्र्येक॑धेनुभि॒र्नि पा॒तु ॥
- 7.038.06a अ॒नु तन्नो॑ जा॒स्पति॑र्मसीष्ट॒ रत्नं॑ दे॒वस्य॑ स॒वितु॑रि॒यानः॑ ।
- 7.038.06c भ॒गमु॒ग्रोऽव॑से जो॒हवी॑ति भ॒गम॑नु॒ग्रो अ॒ध या॑ति रत्न॒म् ॥
- 7.038.07a शं नो॑ भ॒वन्तु॑ वा॒जिनो॑ ह॒वेषु॑ दे॒वता॑ता मि॒तद्र॑वः स्व॒र्काः ।
- 7.038.07c ज॒म्भ॒यन्तो॑ऽहिं वृ॒कं र॒क्षांसि॑ स॒नेम्य॑स्मद्यु॒यव॑न्नमी॒वाः ॥
- 7.038.08a वा॒जेवा॑जेऽव॒त वा॑जिनो नो ध॒नेषु॑ वि॒प्रा अ॒मृता॑ ऋ॒तज्ञाः॑ ।
- 7.038.08c अ॒स्य म॑ध्वः पि॒बत॑ मा॒दय॑ध्वं तृ॒प्ता या॑त प॒थिभि॑र्दे॒वयानैः॑ ॥
- 7.039.01a ऊ॒र्ध्वो अ॒ग्निः सु॑म॒तिं व॒स्वो अ॒श्रेत्प्र॑तीची जू॒र्णिर्दि॒वता॑तिमेति ।
- 7.039.01c भे॒जाते॑ अ॒द्री र॒थ्येव॑ प॒न्थामृ॑तं होता न इ॒षितो॑ यजाति ॥
- 7.039.02a प्र॒ वा॒वृ॒जे सु॑प्रया ब॒हिरे॑षामा वि॒श॒पती॑व बी॒रिट॑ इयाते ।

- 7.039.02c विशाम॑क्तोरु॒षसः॑ पू॒र्वहू॑तौ वा॒युः पू॒षा स्व॑स्तये॒ नियु॑त्वान् ॥
- 7.039.03a ज॒मया॑ अत्र॒ वस॑वो र॒न्त दे॒वा उ॒राव॑न्तरि॒क्षे म॑र्जयन्त शु॒भ्राः ।
- 7.039.03c अ॒र्वाक्प॑थ उ॒रुज॑त्रयः कृ॒णुध्वं॑ श्रो॒ता दू॒तस्य॑ ज॒ग्मुषो॑ नो अस्य ॥
- 7.039.04a ते हि॑ यज्ञेषु॒ यज्ञि॑यास ऊ॒माः स॒धस्थं॑ विश्वे॒ अभि॑ सन्ति॒ देवाः॑ ।
- 7.039.04c ताँ अ॒ध्वर॑ उ॒शतो॑ य॒क्ष्यन्ने॑ श्रु॒ष्टी भ॑गं नासत्या॒ पुरं॑धिम् ॥
- 7.039.05a आ॒ग्ने गि॑रो दि॒व आ॑ पृथि॒व्या मि॒त्रं वह॑ वरुणमिन्द्रमग्निम् ।
- 7.039.05c आ॒र्यम॑णमदि॒तिं वि॒ष्णुमे॑षां सर॒स्वती॑ मरुतो॒ माद॑यन्ताम् ॥
- 7.039.06a रे ह॒व्यं म॑तिभिर्यज्ञि॒यानां॑ नक्ष॒त्कामं॑ म॒र्त्याना॑मसिन्वन् ।
- 7.039.06c धा॒ता र॑यिमवि॒दस्यं॑ सदा॒सां स॒क्षीम॑हि यु॒ज्येभि॑र्नु दे॒वैः ॥
- 7.039.07a नू रो॑दसी॒ अभि॑ष्टुते॒ वसि॑ष्ठैर्ऋ॒तावा॑नो वरु॒णो मि॒त्रो अ॒ग्निः ।
- 7.039.07c यच्छ॑न्तु च॒न्द्रा उप॑मं नो अ॒र्कं यू॒यं पा॑त स्व॒स्तिभिः॑ सदा॒ नः ॥

- 7.040.01a ओ श्रु॒ष्टिर्वि॑द॒ध्या॒३ समे॑तु॒ प्रति॒ स्तोमं॑ दधीमहि॒ तुरा॑णाम् ।
- 7.040.01c यद॒द्य दे॒वः स॒विता॑ सु॒वाति॑ स्या॒मास्य॑ रत्नि॒नो वि॒भागे॑ ॥
- 7.040.02a मि॒त्रस्त॑न्नो वरु॒णो रो॑दसी॒ च द्यु॑भक्तमिन्द्रो॒ अर्य॑मा ददातु ।
- 7.040.02c दि॒देष्टु॑ दे॒व्यदि॑ती रे॒कणो॑ वा॒युश्च॑ यन्नियु॒वैते॑ भ॒गश्च॑ ॥
- 7.040.03a से॒दुग्रो॑ अस्तु मरु॒तः स॒ शु॒ष्मी॑ यं म॒र्त्यं पृ॑षदश्चा॒ अवा॑थ ।
- 7.040.03c उ॒तेम॑ग्निः सर॒स्वती॑ जु॒नन्ति॒ न तस्य॑ रा॒यः पर्ये॑तास्ति ॥

- 7.040.04a अ॒यं हि॒ ने॒ता वरु॑ण ऋ॒तस्य॑ मि॒त्रो रा॒जानो॑ अ॒र्य॒मापो॑ धुः ।
- 7.040.04c सु॒हवा॑ दे॒व्यदि॑तिर॒नर्वा॑ ते नो अ॒हो अ॒ति पर्ष॑न्नरि॒ष्टान् ॥
- 7.040.05a अ॒स्य दे॒वस्य॑ मी॒ळ्हुषो॑ व॒या वि॒ष्णोरे॑षस्य प्र॒भृथे॑ ह॒विर्भिः॑ ।
- 7.040.05c वि॒दे हि॒ रु॒द्रो रु॒द्रियं॑ म॒हित्वं॑ या॒सिष्टं॑ व॒र्तिर॑श्वि॒नावि॑रावत् ॥
- 7.040.06a मा॒त्र पू॒षन्ना॑घृ॒ण इ॒रस्यो॑ वरू॒त्री य॒द्राति॑षाचश्च रा॒सन् ।
- 7.040.06c म॒योभु॑वो नो अ॒र्वन्तो॑ नि पा॒न्तु वृ॑ष्टिं परि॒ज्मा वा॑तो द॒दातु॑ ॥
- 7.040.07a नू रो॑द॒सी अ॒भिष्टु॑ते व॒सिष्ठै॑र्ऋ॒तावा॑नो वरु॒णो मि॒त्रो अ॒ग्निः ।
- 7.040.07c य॒च्छन्तु॑ च॒न्द्रा उ॒पमं॑ नो अ॒र्कं यू॒यं पा॑त स्व॒स्तिभिः॑ सदा॒ नः ॥

- 7.041.01a प्रा॒तर॑ग्निं प्रा॒तरि॑न्द्रं ह॒वामहे॑ प्रा॒तर्भि॑त्रावरु॒णा प्रा॒तर॑श्वि॒ना ।
- 7.041.01c प्रा॒तर्भ॑गं पू॒षणं॑ ब्र॒ह्मण॑स्पतिं प्रा॒तः सो॑ममु॒त रु॒द्रं हु॑वेम ॥
- 7.041.02a प्रा॒तर्जि॑तं भ॒गमु॒ग्रं हु॑वेम व॒यं पु॒त्रमदि॑तेर्यो॒ विध॑र्ता ।
- 7.041.02c आ॒ध्रश्चि॑द्यं म॒न्यमा॑नस्तुरश्चि॒द्राजा॑ चि॒द्यं भ॑गं भ॒क्षीत्या॑ह ॥
- 7.041.03a भ॒ग प्र॑णो॒तर्भ॑ग स॒त्यरा॑धो भ॒गेमां॑ धि॒यमु॑द॒वा द॑दन्नः ।
- 7.041.03c भ॒ग प्र॑ णो॒ जन॑य गो॒भिर॑श्चै॒र्भग॑ प्र नृ॒भिर्नृ॑वन्तः स्याम ॥
- 7.041.04a उ॒तेदा॑नीं भ॒गव॑न्तः स्या॒मोत॑ प्र॒पित्वा॑ उ॒त म॑ध्ये अ॒ह्नाम् ।
- 7.041.04c उ॒तोदि॑ता म॒घव॑न्सूर्य॒स्य व॑यं दे॒वानां॑ सु॒मतौ॑ स्याम ॥
- 7.041.05a भ॒ग ए॒व भ॑गवाँ अस्तु दे॒वास्ते॑न व॒यं भ॑गवन्तः स्याम ।

- 7.041.05c तं त्वा भग सर्व इज्जोहवीति स नो भग पुरएता भवेह ॥
- 7.041.06a समध्वरायोषसो नमन्त दधिक्रावेव शुचये पदाय ।
- 7.041.06c अर्वाचीनं वसुविदं भगं नो रथमिवाश्वा वाजिन आ वहन्तु ॥
- 7.041.07a अश्वावतीर्गोमतीर्न उषासो वीरवतीः सदमुच्छन्तु भद्राः ।
- 7.041.07c घृतं दुहाना विश्वतः प्रपीता यूयं पात स्वस्तिभिः सदा नः ॥

- 7.042.01a प्र ब्रह्माणो अङ्गिरसो नक्षन्त प्र क्रन्दनुर्नभन्यस्य वेतु ।
- 7.042.01c प्र धेनव उदप्रुतो नवन्त युज्यातामद्री अध्वरस्य पेशः ॥
- 7.042.02a सुगस्ते अग्ने सनवित्तो अध्वा युद्ध्वा सुते हरितो रोहितश्च ।
- 7.042.02c ये वा सद्मन्नरुषा वीरवाहो हुवे देवानां जनिमानि सत्तः ॥
- 7.042.03a समु वो यज्ञं महयन्नमोभिः प्र होता मन्द्रो रिरिच उपाके ।
- 7.042.03c यजस्व सु पुर्वणीक देवाना यज्ञियामरमतिं ववृत्याः ॥
- 7.042.04a यदा वीरस्य रेवतो दुरोगे स्योनशीरतिथिराचिकेतत् ।
- 7.042.04c सुप्रीतो अग्निः सुधितो दम आ स विशे दाति वार्यमियत्यै ॥
- 7.042.05a इमं नो अग्ने अध्वरं जुषस्व मरुत्स्वन्द्रे यशसं कृधी नः ।
- 7.042.05c आ नक्ता बर्हिः सदतामुषासोशन्ता मित्रावरुणा यजेह ॥
- 7.042.06a एवाग्निं सहस्यं वसिष्ठो रायस्कामो विश्वप्स्न्यस्य स्तौत् ।
- 7.042.06c इषं रयिं पप्रथद्वाजमस्मे यूयं पात स्वस्तिभिः सदा नः ॥

- 7.043.01a प्र वो यज्ञेषु देवयन्तो अर्चन्द्यावा नमोभिः पृथिवी इषधै ।
- 7.043.01c येषां ब्रह्माण्यसमानि विप्रा विष्वग्वियन्ति वनिनो न शाखाः ॥
- 7.043.02a प्र यज्ञ एतु हेत्वो न सप्तिरुद्यच्छध्वं समनसो घृताचीः ।
- 7.043.02c स्तृणीत बर्हिर्ध्वराय साधूर्ध्वा शोचीषि देवयून्यस्थुः ॥
- 7.043.03a आ पुत्रासो न मातरं विभृत्राः सानौ देवासो बर्हिषः सदन्तु ।
- 7.043.03c आ विश्वाची विदथ्यामनक्तवग्ने मा नो देवताता मृधस्कः ॥
- 7.043.04a ते सीषपन्त जोषमा यजत्रा ऋतस्य धाराः सुदुघा दुहानाः ।
- 7.043.04c ज्येष्ठं वो अद्य मह आ वसूनामा गन्तन समनसो यति ष्ट ॥
- 7.043.05a एवा नो अग्ने विद्ध्वा दशस्य त्वया वयं सहसावन्नास्क्राः ।
- 7.043.05c राया युजा सधमादो अरिष्टा यूयं पात स्वस्तिभिः सदा नः ॥

- 7.044.01a दधिक्रां वः प्रथममश्विनोषसमग्निं समिद्धं भगमूतये हुवे ।
- 7.044.01c इन्द्रं विष्णुं पूषणं ब्रह्मणस्पतिमादित्यानद्यावापृथिवी अपः स्वः ॥
- 7.044.02a दधिक्रामु नमसा बोधयन्त उदीराणा यज्ञमुपप्रयन्तः ।
- 7.044.02c इळां देवीं बर्हिषि सादयन्तोऽश्विना विप्रा सुहवा हुवेम ॥
- 7.044.03a दधिक्रावाणं बुबुधानो अग्निमुप ब्रुव उषसं सूर्यं गाम् ।
- 7.044.03c ब्रध्नं माँश्चतोर्वरुणस्य बभ्रुं ते विश्वास्मद्दुरिता यावयन्तु ॥

- 7.044.04a द॒धिक्रा॒वा प्रथ॑मो वा॒ज्यवा॑ग्नि रथानां भवति प्रजानन् ।
- 7.044.04c संवि॑दान उषसा सूर्ये॑णादित्येभिर्वसु॑भिरङ्गि॑रोभिः ॥
- 7.044.05a आ नो॑ द॒धिक्राः पथ्या॑मनत्तवृ॒तस्य॑ पन्था॒मन्वे॑तवा उ ।
- 7.044.05c शृ॒णोतु॑ नो दै॒व्यं शर्धो॑ अ॒ग्निः शृ॒ण्वन्तु॑ विश्वे॑ महि॒षा अ॒मूराः ॥

- 7.045.01a आ दे॒वो या॑तु स॒विता सु॒रत्नोऽन्तरि॑क्षप्रा वह॒मानो अ॒श्वैः ।
- 7.045.01c ह॒स्ते द॒धानो॑ नर्या॒ पुरू॑णि॒ निवेश॑यञ्च प्रसुवञ्च भूम ॥
- 7.045.02a उद॑स्य बा॒हू शि॑थिरा बृहन्ता॒ हिरण्य॑या दि॒वो अ॒न्ताँ अ॒नष्टा॑म् ।
- 7.045.02c नूनं॑ सो अ॒स्य महि॑मा प॒निष्ट॑ सूरश्चिद॒स्मा अ॒नु दा॑दपस्याम् ॥
- 7.045.03a स घा॑ नो दे॒वः स॒विता सहा॑वा सा॒विषद्व॑सुपतिर्वसू॒नि ।
- 7.045.03c विश्र॑यमा॒णो अ॒मति॑मुरू॒चीं म॒र्तभो॑जनमध॒ रास॑ते नः ॥
- 7.045.04a इ॒मा गि॑रः स॒वितारं॑ सु॒जिह्वं॑ पू॒र्णाग॑भस्तिमीळते सुपा॒णिम् ।
- 7.045.04c चि॒त्रं वयो॑ बृहद॒स्मे द॒धातु॑ यू॒यं पा॑त स्व॒स्तिभिः॑ सदा॒ नः ॥

- 7.046.01a इ॒मा रु॒द्राय॑ स्थि॒रध॑न्वने गि॒रः क्षि॒प्रेष॑वे दे॒वाय॑ स्व॒धात्रे॑ ।
- 7.046.01c अ॒षाळ्हा॑य स॒हमा॑नाय वे॒धसे॑ ति॒ग्मायु॑धाय भ॒रता॑ शृ॒णोतु॑ नः ॥
- 7.046.02a स हि॑ क्षये॒ण क्ष॑म्यस्य जन्म॒नः सा॒म्राज्ये॑न दि॒व्यस्य॑ चेतति ।
- 7.046.02c अ॒वन्न॑वन्तीरु॒प नो॑ दु॒श्च॒रान॑मीवो रु॒द्र जा॑सु नो भव ॥

- 7.046.03a या ते दिद्युदवसृष्टा दिवस्परि दमया चरति परि सा वृणक्तु नः ।
- 7.046.03c सहस्रं ते स्वपिवात भेषजा मा नस्तोकेषु तनयेषु रीरिषः ॥
- 7.046.04a मा नो वधी रुद्र मा परा दा मा ते भूम प्रसितौ हीळितस्य ।
- 7.046.04c आ नो भज बर्हिषि जीवशंसे यूयं पात स्वस्तिभिः सदा नः ॥

- 7.047.01a आपो यं वः प्रथमं देवयन्त इन्द्रपानमूर्मिमकृणवतेळः ।
- 7.047.01c तं वो वयं शुचिमरिप्रमद्य घृतप्रुषं मधुमन्तं वनेम ॥
- 7.047.02a तमूर्मिमापो मधुमत्तमं वोऽपां नपादवत्वाशुहेमा ।
- 7.047.02c यस्मिन्निन्द्रो वसुभिर्मादयाते तमश्याम देवयन्तो वो अद्य ॥
- 7.047.03a शतपवित्राः स्वधया मदन्तीर्देवीर्देवानामपि यन्ति पाथः ।
- 7.047.03c ता इन्द्रस्य न मिनन्ति व्रतानि सिन्धुभ्यो हव्यं घृतवज्जुहोत ॥
- 7.047.04a याः सूर्यो रश्मिभिराततान याभ्य इन्द्रो अरदद्वातुमूर्मिम् ।
- 7.047.04c ते सिन्धवो वरिवो धातना नो यूयं पात स्वस्तिभिः सदा नः ॥

- 7.048.01a ऋभुक्षणो वाजा मादयध्वमस्मे नरो मघवानः सुतस्य ।
- 7.048.01c आ वोऽर्वाचः क्रतवो न यातां विभवो रथं नर्यं वर्तयन्तु ॥
- 7.048.02a ऋभुर्ऋभुभिरभि वः स्याम विभवो विभुभिः शवसा शवांसि ।
- 7.048.02c वाजो अस्माँ अवतु वाजसाताविन्द्रेण युजा तरुषेम वृत्रम् ॥

- 7.048.03a ते चिद्धि॑ पूर्वी॑रभि॒ सन्ति॑ शासा॒ विश्वाँ॑ अ॒र्य॑ उ॒पर॑ताति वन्वन् ।
- 7.048.03c इन्द्रो॑ वि॒भ्वाँ॑ ऋ॒भु॒क्षा वा॒जो अ॒र्यः॑ श॒त्रोर्मि॑थत्या कृ॒णव॑न्वि नृ॒म्णाम् ॥
- 7.048.04a नू दे॒वासो॑ वरि॒वः क॑र्तना नो भू॒त नो॑ विश्वेऽव॒से स॒जोषाः॑ ।
- 7.048.04c सम॒स्मे इषं॑ वसवो ददी॒रन्व्यू॑यं पा॒त स्व॑स्तिभिः सदा॒ नः ॥
- 7.049.01a समु॒द्रज्ये॑ष्ठाः स॒लिल॑स्य म॒ध्यात्पु॑नाना यन्त्यनि॒विश॑मानाः ।
- 7.049.01c इन्द्रो॑ या व॒ज्री वृ॑षभो र॒राद॑ ता आपो॑ दे॒वीरि॑ह मामवन्तु ॥
- 7.049.02a या आपो॑ दि॒व्या उ॒त वा स्र॑वन्ति ख॒नित्रि॑मा उ॒त वा याः॑ स्व॒यंजाः॑ ।
- 7.049.02c समु॒द्रार्था॑ याः शु॒चयः॑ पा॒वका॑स्ता आपो॑ दे॒वीरि॑ह मामवन्तु ॥
- 7.049.03a यासां॑ राजा वरु॒णो या॑ति म॒ध्ये स॒त्यानृ॑ते अ॒वप॑श्य॒ञ्जनाना॑म् ।
- 7.049.03c मधु॑श्चु॒तः शु॒चयो॑ याः पा॒वका॑स्ता आपो॑ दे॒वीरि॑ह मामवन्तु ॥
- 7.049.04a यासु॑ राजा वरु॒णो यासु॑ सोमो विश्वे॑ दे॒वा यासूर्जं॑ म॒दन्ति॑ ।
- 7.049.04c वैश्वान॑रो यास्व॒ग्निः प्र॑विष्टस्ता आपो॑ दे॒वीरि॑ह मामवन्तु ॥
- 7.050.01a आ मां मि॒त्रावरु॑णो॒ह र॑त्ततं कु॒लाय॑यद्वि॒श्वय॑न्मा न आ गन् ।
- 7.050.01c अ॒जका॑वं दु॒र्दृशी॑कं तिरो द॒धे मा मां॑ प॒द्येन॑ र॒पसा॑ वि॒दत्सरुः॑ ॥
- 7.050.02a यद्वि॒जाम॑न्प॒रुषि॑ व॒न्दनं॑ भुवद॒ष्ठीव॑न्तौ परि॒ कुल्फौ॑ च दे॒हत् ।
- 7.050.02c अ॒ग्निष्ट॑च्छो॒चन्नप॑ बा॒धता॑मितो मा मां॑ प॒द्येन॑ र॒पसा॑ वि॒दत्सरुः॑ ॥

- 7.050.03a यच्छल्मलौ भवति यन्नदीषु यदोषधीभ्यः परि जायते विषम् ।
- 7.050.03c विश्वे देवा निरितस्तत्सुवन्तु मा मां पद्येन रपसा विदत्सरुः ॥
- 7.050.04a याः प्रवतो निवत उद्वत उदन्वतीरनुदकाश्च याः ।
- 7.050.04c ता अस्मभ्यं पयसा पिन्वमानाः शिवा देवीरशिपदा भवन्तु सर्वा नद्यो अशिमिदा भवन्तु ॥
- 7.051.01a आदित्यानामवसा नूतनेन सक्षीमहि शर्मणा शंतमेन ।
- 7.051.01c अनागास्त्वे अदितित्वे तुरास इमं यज्ञं दधतु श्रोषमाणाः ॥
- 7.051.02a आदित्यासो अदितिर्मादयन्तां मित्रो अर्यमा वरुणो रजिष्ठाः ।
- 7.051.02c अस्माकं सन्तु भुवनस्य गोपाः पिबन्तु सोममवसे नो अद्य ॥
- 7.051.03a आदित्या विश्वे मरुतश्च विश्वे देवाश्च विश्वे ऋभवश्च विश्वे ।
- 7.051.03c इन्द्रो अग्निरश्विना तुष्टुवाना यूयं पात स्वस्तिभिः सदा नः ॥
- 7.052.01a आदित्यासो अदितयः स्याम पूर्देवत्रा वसवो मर्त्यत्रा ।
- 7.052.01c सनेम मित्रावरुणा सनन्तो भवेम द्यावापृथिवी भवन्तः ॥
- 7.052.02a मित्रस्तन्नो वरुणो मामहन्त शर्म तोकाय तनयाय गोपाः ।
- 7.052.02c मा वो भुजेमान्यजातमेनो मा तत्कर्म वसवो यच्चयध्वे ॥
- 7.052.03a तुरण्यवोऽङ्गिरसो नक्षन्त रत्नं देवस्य सवितुरियाणाः ।
- 7.052.03c पिता च तन्नो महान्यजत्रो विश्वे देवाः समनसो जुषन्त ॥

7.053.01a प्र द्यावा॑ यज्ञैः॑ पृथि॒वी नमो॑भिः॒ सबाध॑ ईळे बृहती॒ यजत्रे॑ ।
 7.053.01c ते चिद्धि॑ पूर्वे॒ कवयो॑ गृणन्तः॒ पुरो मही॑ दधिरे॒ देवपुत्रे॑ ॥
 7.053.02a प्र पूर्व॑जे॒ पितरा॑ नव्यसीभिर्गीर्भिः॒ कृणुध्वं॑ स॒दने ऋ॒तस्य॑ ।
 7.053.02c आ नो॑ द्यावापृथि॒वी दैव्ये॑न॒ जनेन॑ यातं॒ महि वां॑ वरूथम् ॥
 7.053.03a उतो॑ हि वां॒ रत्नधे॑यानि सन्ति॒ पुरूणि॑ द्यावापृथि॒वी सुदा॑से ।
 7.053.03c अस्मे॑ धत्तं॒ यदस॑दस्कृ॒धोयु॒ यूयं॑ पात॒ स्वस्ति॑भिः सदा॒ नः ॥

7.054.01a वास्तो॑ष्पते॒ प्रति॑ जानीह्यस्मान्स्वावेशो॒ अनमी॑वो भवा॒ नः ।
 7.054.01c यत्त्वे॑महे॒ प्रति॑ तन्नो॒ जुषस्व॑ शं नो॒ भव॑ द्विपदे॒ शं चतु॑ष्पदे ॥
 7.054.02a वास्तो॑ष्पते॒ प्रतर॑णो न एधि॒ गयस्फानो॑ गोभिरश्वे॒भिरिन्दो॑ ।
 7.054.02c अजरा॑सस्ते सख्ये॒ स्याम॑ पितेव॒ पुत्रान्प्रति॑ नो जुषस्व ॥
 7.054.03a वास्तो॑ष्पते॒ शग्मया॑ संसदा॒ ते सद्मी॑महि॒ रण्वया॑ गातुमत्या ।
 7.054.03c पाहि॑ क्षेम॒ उत॑ योगे॒ वरं॑ नो॒ यूयं॑ पात॒ स्वस्ति॑भिः सदा॒ नः ॥

7.055.01a अमी॑वहा॒ वास्तो॑ष्पते॒ विश्वा॑ रूपाण्याविशन् ।
 7.055.01c सखा॑ सुशेव॒ एधि॑ नः ॥
 7.055.02a यदर्जु॑न सारमेय॒ दतः॑ पिशङ्ग॒ यच्छसे॑ ।

- 7.055.02c वी॒व भ्रा॑जन्त ऋ॒ष्ट्य॒ उप॒ स्र॒क्वेषु॑ ब॒प्सतो॑ नि॒ षु॒ स्वप॑ ॥
- 7.055.03a स्तेनं॑ रा॒य सा॑रमे॒य तस्करं॑ वा पुनः॑सर ।
- 7.055.03c स्तो॒तृनिन्द्र॑स्य रा॒यसि॑ कि॒मस्मान्दु॑च्छुना॒यसे॑ नि॒ षु॒ स्वप॑ ॥
- 7.055.04a त्वं सू॒करस्य॑ द॒र्दहि॑ तव॒ द॒र्दतु॑ सू॒करः॑ ।
- 7.055.04c स्तो॒तृनिन्द्र॑स्य रा॒यसि॑ कि॒मस्मान्दु॑च्छुना॒यसे॑ नि॒ षु॒ स्वप॑ ॥
- 7.055.05a सस्तु॑ मा॒ता सस्तु॑ पि॒ता सस्तु॑ श्वा सस्तु॑ वि॒शपतिः॑ ।
- 7.055.05c स॒सन्तु॑ सर्वे॑ ज्ञा॒तयः॑ स॒स्त्वय॑म॒भितो॑ ज॒नः ॥
- 7.055.06a य आ॒स्ते यश्च॑ च॒रति॑ यश्च॑ प॒श्यति॑ नो॒ जनः॑ ।
- 7.055.06c तेषां॑ सं ह॒न्मो अ॒क्षाणि॑ यथे॒दं ह॒र्म्यं तथा॑ ॥
- 7.055.07a स॒हस्र॑शृ॒ङ्गो वृ॒षभो॑ यः स॒मुद्रा॑दु॒दाच॑रत् ।
- 7.055.07c तेना॑ स॒हस्ये॑ना व॒यं नि॑ ज॒नान्स्वा॑पयामसि ॥
- 7.055.08a प्रो॒ष्ठेश॑या व॒ह्येश॑या ना॒रीर्या॑स्त॒ल्पशी॑वरीः ।
- 7.055.08c स्त्रियो॑ याः पु॒ण्यग॑न्धास्ताः सर्वाः॑ स्वा॒पयाम॑सि ॥
- 7.056.01a क ई॑ व्य॒क्ता नरः॑ स॒नीळा॑ रु॒द्रस्य॑ म॒र्या अ॒ध स्व॑श्वाः ॥
- 7.056.02a नकि॑र्ह्येषां॑ ज॒नूषि॑ वेद॒ ते अ॒ङ्ग वि॒द्रे मि॒थो ज॒नित्र॑म् ॥
- 7.056.03a अ॒भि स्व॑पू॒भिर्मि॑थो व॒पन्त॑ वा॒तस्वन॑सः श्ये॒ना अ॒स्पृध्न॑न् ॥
- 7.056.04a ए॒तानि॑ धी॒रो नि॑ण्या चि॒केत॑ पृ॒श्निर्य॑दू॒धो म॒ही ज॒भार॑ ॥

- 7.056.05a सा विट् सुवीरा मरुद्भिरस्तु सनात्सहन्ती पुष्यन्ती नृम्याम् ॥
- 7.056.06a यामं येषाः शुभा शोभिष्ठाः श्रिया सम्मिक्षा ओजोभिरुग्राः ॥
- 7.056.07a उग्रं व ओज स्थिरा शवांस्यधा मरुद्भिर्गणस्तुविष्मान् ॥
- 7.056.08a शुभ्रो वः शुष्मः क्रुध्मी मनांसि धुनिर्मुनिरिव शर्धस्य धृष्णोः ॥
- 7.056.09a सनेम्यस्मद्युयोत दिद्युं मा वो दुर्मतिरिह प्रणङ्गनः ॥
- 7.056.10a प्रिया वो नाम हुवे तुराणामा यत्तृपन्मरुतो वावशानाः ॥
- 7.056.11a स्वायुधास इष्मिणः सुनिष्का उत स्वयं तन्वशः शुम्भमानाः ॥
- 7.056.12a शुची वो हव्या मरुतः शुचीनां शुचिं हिनोम्यध्वरं शुचिभ्यः ।
- 7.056.12c ऋतेन सत्यमृतसाप आयञ्छुचिजन्मानः शुचयः पावकाः ॥
- 7.056.13a अंसेष्वा मरुतः खादयो वो वक्षस्सु रुक्मा उपशिश्रियाणाः ।
- 7.056.13c वि विद्युतो न वृष्टिभी रुचाना अनु स्वधामायुधैर्यच्छमानाः ॥
- 7.056.14a प्र बुध्न्या व ईरते महांसि प्र नामानि प्रयज्यवस्तिरध्वम् ।
- 7.056.14c सहस्त्रियं दम्यं भागमेतं गृहमेधीयं मरुतो जुषध्वम् ॥
- 7.056.15a यदि स्तुतस्य मरुतो अधीथेत्था विप्रस्य वाजिनो हवीमन् ।
- 7.056.15c मच्चू रायः सुवीर्यस्य दात नू चिद्यमन्य आदभदरावा ॥
- 7.056.16a अत्यासो न ये मरुतः स्वञ्चो यत्तदृशो न शुभयन्त मर्याः ।
- 7.056.16c ते हर्म्येषाः शिशवो न शुभ्रा वत्सासो न प्रक्रीळिनः पयोधाः ॥
- 7.056.17a दशस्यन्तो नो मरुतो मृळन्तु वरिवस्यन्तो रोदसी सुमेके ।

- 7.056.17c आ॒रे गो॒हा नृ॒हा व॒धो वो॑ अ॒स्तु सु॒म्नेभि॒रस्मे॑ व॒सवो॑ न॒मध्व॑म् ॥
- 7.056.18a आ वो॑ हो॒ता जो॒हवी॑ति स॒त्तः स॒त्राचीं॑ रा॒तिं म॒रुतो॑ गृ॒णानः॑ ।
- 7.056.18c य ई॒वतो॑ वृष॒णो अ॒स्ति गो॒पाः सो अ॒द्वया॑वी ह॒वते॑ व उ॒क्थैः॑ ॥
- 7.056.19a इ॒मे तु॒रं म॒रुतो॑ रा॒मय॑न्ती॒मे स॒हः स॒हस॑ आ न॒मन्ति॑ ।
- 7.056.19c इ॒मे शंसं॑ व॒नुष्य॑तो नि पा॒न्ति गुरु॑ द्वेषो अ॒ररु॑षे द॒धन्ति॑ ॥
- 7.056.20a इ॒मे रध्रं॑ चि॒न्मरु॑तो जु॒नन्ति॑ भृ॒मिं चि॒द्यथा॑ व॒सवो॑ जु॒षन्त॑ ।
- 7.056.20c अ॒प बा॒धध्वं॑ वृष॒णस्त॑मा॒सि ध॒त्त वि॒श्वं त॒नयं॑ तो॒कम॑स्मे ॥
- 7.056.21a मा वो॑ दा॒त्रान्म॑रु॒तो नि॒रराम॑ मा प॒श्चाद्द॑ध्म रथ्यो वि॒भागे॑ ।
- 7.056.21c आ न॑ स्पा॒र्हो भ॑ज॒तना॑ व॒सव्ये॑ य॒दी सु॒जातं॑ वृष॒णो वो॑ अ॒स्ति ॥
- 7.056.22a सं य॒द्धन॑न्त म॒न्युभि॑र्ज॒नासः॑ शू॒रा य॒हीष्वो॑ष॒धीषु॑ वि॒क्षु ।
- 7.056.22c अ॒ध स्मा॑ नो म॒रुतो॑ रु॒द्रिया॑स॒स्त्राता॑रो भू॒त पृ॑त॒नास्व॑र्यः ॥
- 7.056.23a भू॒रि च॑क्र म॒रुतः॑ पि॒त्र्याण्यु॑क्थानि या वः श॒स्यन्ते॑ पु॒रा चि॒त् ।
- 7.056.23c म॒रुद्भि॑रु॒ग्रः पृ॑त॒नासु॑ साळ्हा म॒रुद्भि॑रि॒त्सनि॑ता वा॒जम॑र्वा ॥
- 7.056.24a अ॒स्मे वी॒रो म॒रुतः॑ शु॒ष्यस्तु॑ ज॒नानां॑ यो अ॒सुरो॑ वि॒धर्ता॑ ।
- 7.056.24c अ॒पो येन॑ सु॒क्षित॑ये त॒रेमा॑ध स्व॒मोको॑ अ॒भि वः॑ स्याम ॥
- 7.056.25a तन्न॑ इन्द्रो वरु॒णो मि॒त्रो अ॒ग्नि॑राप ओष॒धीर्व॑नि॒नो जु॒षन्त॑ ।
- 7.056.25c श॒र्मन्स्या॑म म॒रुता॑मु॒पस्थे॑ यू॒यं पा॑त स्व॒स्तिभिः॑ सदा॑ नः ॥

- 7.057.01a मध्वो॑ वो॒ नाम॒ मारु॑तं॒ यज॒त्राः॒ प्र॒ यज्ञे॑षु॒ शव॑सा॒ मद॑न्ति ।
- 7.057.01c ये॒ रेज॑यन्ति॒ रोद॑सी॒ चिदु॑र्वी॒ पिन्व॑न्त्युत्सं॒ यदया॑सुरु॒ग्राः ॥
- 7.057.02a नि॒चे॒तारो॑ हि॒ मरु॑तो॒ गृण॑न्तं॒ प्रणे॑तारो॒ यज॑मानस्य॒ मन्म॑ ।
- 7.057.02c अ॒स्माक॑मद्य॒ विद॑थेषु॒ बर्हि॑रा॒ वीत॑ये॒ सद॑त॒ पिप्रि॑याणाः ॥
- 7.057.03a नैता॑वद॒न्ये मरु॑तो॒ यथे॑मे॒ भ्राज॑न्ते॒ रुक्मै॑रायु॒धैस्त॑नूभिः ।
- 7.057.03c आ॒ रोद॑सी॒ विश्व॑पि॒शः पि॑शानाः॒ समान॑मञ्ज्यञ्जते॒ शुभे॑ कम् ॥
- 7.057.04a ऋ॒ध॒क्सा॑ वो॒ मरु॑तो॒ दिद्यु॑दस्तु॒ यद्व॑ आ॒गः पु॑रुषता॒ कराम॑ ।
- 7.057.04c मा॒ वस्त॑स्यामपि॒ भूमा॑ यज॒त्रा अ॒स्मे वो॑ अस्तु॒ सुम॑तिश्चनि॒ष्ठा ॥
- 7.057.05a कृ॒ते चि॑दत्र॒ मरु॑तो॒ रण॑न्तानव॒द्यासः॒ शुच॑यः॒ पाव॑काः ।
- 7.057.05c प्र॒ णोऽव॑त॒ सुम॑तिभि॒र्यज॑त्राः॒ प्र वा॑जेभि॒स्तिर॑त॒ पुष्य॑से॒ नः ॥
- 7.057.06a उ॒त स्तु॑तासो॒ मरु॑तो॒ व्यन्तु॑ वि॒श्वेभि॑र्ना॒मभि॑र्नरो॒ हवी॑षि ।
- 7.057.06c ददा॑त॒ नो अ॒मृत॑स्य॒ प्रजा॑यै॒ जिगृ॑त॒ रायः॒ सूनृ॑ता॒ मघा॑नि ॥
- 7.057.07a आ॒ स्तु॑तासो॒ मरु॑तो॒ विश्व॑ ऊ॒ती अ॒च्छा॑ सू॒रीन्सर्व॑ताता॒ जिगा॑त ।
- 7.057.07c ये॒ नस्त॑मना॒ शति॑नो॒ वर्ध॑यन्ति॒ यूयं॑ पा॒त स्व॑स्तिभिः॒ सदा॑ नः ॥
- 7.058.01a प्र॒ साक॑मु॒क्षे अ॒र्चता॑ ग॒णाय॒ यो दै॑व्यस्य॒ धाम्न॑स्तुवि॒ष्मान् ।
- 7.058.01c उ॒त क्षो॑दन्ति॒ रोद॑सी॒ महि॑त्वा॒ नक्ष॑न्ते॒ नाकं॑ नि॒ऋते॑रवंशात् ॥
- 7.058.02a ज॒नूश्चि॑द्वो॒ मरु॑तस्त्वेष्ये॒ण भी॑मासस्तुवि॒मन्य॑वोऽयासः ।

- 7.058.02c प्र॒ ये॒ महो॑भि॒रोज॑सो॒त स॒न्ति॒ विश्वो॑ वो॒ याम॑न्भयते॒ स्वर्दृक्॑ ॥
- 7.058.03a बृ॒हद्व॑यो॒ मघ॑वद्भयो॒ दधा॑त जु॒जोष॑न्निन्मरुतः॒ सुष्टु॑तिं नः ।
- 7.058.03c ग॒तो॒ नाध्वा॑ वि॒ तिरा॑ति॒ जन्तुं॑ प्र॒ ण॑ स्पा॒र्हाभि॑रू॒तिभि॑स्तिरेत ॥
- 7.058.04a यु॒ष्मोतो॑ वि॒प्रो म॑रुतः॒ शत॑स्वी यु॒ष्मोतो॑ अ॒र्वा स॒हुरिः॑ स॒हस्री॑ ।
- 7.058.04c यु॒ष्मोतः॑ स॒म्राळु॑त ह॒न्ति वृ॒त्रं प्र॒ तद्वो॑ अस्तु॒ धूत॑यो॒ देष्णाम्॑ ॥
- 7.058.05a ताँ॑ आ॒ रुद्र॑स्य॒ मीळु॑षो॒ विवा॑से॒ कुवि॑न्नंसन्ते॒ मरु॑तः॒ पुन॑र्नः ।
- 7.058.05c यत्स॑स्व॒र्ता जि॑हीळिरे॒ यदा॑ वि॒रव॑ तदे॒न ई॒महे॑ तु॒राणाम्॑ ॥
- 7.058.06a प्र॒ सा वा॑चि॒ सुष्टु॑तिर्म॒घोना॑मिदं॒ सूक्तं॑ मरुतो॒ जुष॑न्त ।
- 7.058.06c आ॒राचि॑द्द्वेषो॒ वृष॑णो॒ युयो॑त॒ यूयं॑ पा॒त स्व॑स्तिभिः॒ सदा॑ नः ॥
- 7.059.01a यं॑ त्राय॒ध्व इ॒दमि॑दं॒ देवा॑सो॒ यं च॑ नयथ ।
- 7.059.01c तस्मा॑ अ॒ग्ने व॑रु॒ण मि॑त्रार्य॒मन्म॑रुतः॒ शर्म॑ यच्छत ॥
- 7.059.02a यु॒ष्माकं॑ दे॒वा अ॒वसा॑हनि॒ प्रिय॑ ई॒जान॑स्तरति॒ द्विषः॑ ।
- 7.059.02c प्र॒ स क्ष॑यं॒ तिर॑ते॒ वि म॒हीरि॑षो॒ यो वो॑ वरा॒य दा॑शति ॥
- 7.059.03a नहि॑ व॒श्चर॑मं॒ चन॑ वसिष्ठः॒ परि॑मंसते ।
- 7.059.03c अ॒स्माक॑मद्य॒ मरु॑तः॒ सुते॑ स॒चा वि॒श्वे पि॑बत॒ कामि॑नः ॥
- 7.059.04a नहि॑ व॒ ऊ॒तिः पृ॑तनासु॒ मर्धा॑ति॒ यस्मा॑ अ॒राध्वं॑ नरः ।
- 7.059.04c अ॒भि व॑ आ॒वत्सु॑मति॒र्नवी॑यसी॒ तूयं॑ या॒त पि॑पीषवः ॥

- 7.059.05a ओ षु घृष्विराधसो यातनान्धांसि पीतये ।
- 7.059.05c इमा वो हव्या मरुतो ररे हि कं मो ष्वश्न्यत्र गन्तन ॥
- 7.059.06a आ च नो बर्हिः सदताविता च न स्पार्हाणि दातवे वसु ।
- 7.059.06c अस्त्रेधन्तो मरुतः सोम्ये मधौ स्वाहेह मादयाध्वै ॥
- 7.059.07a सस्वश्चिद्धि तन्वशः शुम्भमाना आ हंसासो नीलपृष्ठा अपत्तन् ।
- 7.059.07c विश्वं शर्धो अभितो मा नि षेद नरो न रणवाः सवने मदन्तः ॥
- 7.059.08a यो नो मरुतो अभि दुर्हणायुस्तिरश्चित्तानि वसवो जिघांसति ।
- 7.059.08c द्रुहः पाशान्प्रति स मुचीष्ट तपिष्ठेन हन्मना हन्तना तम् ॥
- 7.059.09a सांतपना इदं हविर्मरुतस्तज्जुष्टन ।
- 7.059.09c युष्माकोती रिशादसः ॥
- 7.059.10a गृहमेधास आ गत मरुतो माप भूतन ।
- 7.059.10c युष्माकोती सुदानवः ॥
- 7.059.11a इहेह वः स्वतवसः कवयः सूर्यत्वचः ।
- 7.059.11c यज्ञं मरुत आ वृणे ॥
- 7.059.12a त्र्यम्बकं यजामहे सुगन्धिं पुष्टिवर्धनम् ।
- 7.059.12c उर्वारुकमिव बन्धनान्मृत्योर्मुक्षीय मामृतात् ॥
- 7.060.01a यद्य सूर्यं ब्रवोऽनागा उद्यन्मित्राय वरुणाय सत्यम् ।

- 7.060.01c वयं देवत्रादिते स्याम तव प्रियासो अर्यमन्गृणन्तः ॥
- 7.060.02a एष स्य मित्रावरुणा नृचक्षा उभे उदेति सूर्यो अभि ज्मन् ।
- 7.060.02c विश्वस्य स्थातुर्जगतश्च गोपा ऋजु मर्तेषु वृजिना च पश्यन् ॥
- 7.060.03a अयुक्त सप्त हरितः सधस्थाद्या ई वहन्ति सूर्य घृताचीः ।
- 7.060.03c धामानि मित्रावरुणा युवाकुः सं यो यूथेव जनिमानि चष्टे ॥
- 7.060.04a उद्वां पृक्षासो मधुमन्तो अस्थुरा सूर्यो अरुहच्छुक्रमर्णः ।
- 7.060.04c यस्मा आदित्या अध्वनो रदन्ति मित्रो अर्यमा वरुणः सजोषाः ॥
- 7.060.05a इमे चेतारो अनृतस्य भूरेर्मित्रो अर्यमा वरुणो हि सन्ति ।
- 7.060.05c इम ऋतस्य वावृधुर्दुरीणो शग्मासः पुत्रा अदितेरदब्धाः ॥
- 7.060.06a इमे मित्रो वरुणो दूळभासोऽचेतसं चिच्चितयन्ति दक्षैः ।
- 7.060.06c अपि क्रतुं सुचेतसं वतन्तस्तिरश्चिदंहः सुपथा नयन्ति ॥
- 7.060.07a इमे दिवो अनिमिषा पृथिव्याश्चिकित्वांसो अचेतसं नयन्ति ।
- 7.060.07c प्रव्राजे चिन्नद्यो गाधमस्ति पारं नो अस्य विष्पितस्य पर्षन् ॥
- 7.060.08a यद्गोपावददितिः शर्म भद्रं मित्रो यच्छन्ति वरुणः सुदासे ।
- 7.060.08c तस्मिन्ना तोकं तनयं दधाना मा कर्म देवहेळनं तुरासः ॥
- 7.060.09a अत्र वेदिं होत्राभिर्यजेत रिपः काश्चिद्वरुणधृतः सः ।
- 7.060.09c परि द्वेषोभिरर्यमा वृणक्कूरुं सुदासे वृषणा उ लोकम् ॥
- 7.060.10a सस्वश्चिद्धि समृतिस्त्वेष्येषामपीच्येन सहसा सहन्ते ।

7.060.10c युष्मद्भिया वृषणो रेजमाना दक्षस्य चिन्महिना मृळता नः ॥
 7.060.11a यो ब्रह्मणे सुमतिमायजाते वाजस्य सातौ परमस्य रायः ।
 7.060.11c सीदन्त मन्युं मघवानो अर्य उरु क्षयाय चक्रिरे सुधातु ॥
 7.060.12a इयं देव पुरोहितिर्युवभ्यां यज्ञेषु मित्रावरुणावकारि ।
 7.060.12c विश्वानि दुर्गा पिपृतं तिरो नो यूयं पात स्वस्तिभिः सदा नः ॥

7.061.01a उद्धां चक्षुर्वरुण सुप्रतीकं देवयोरेति सूर्यस्ततन्वान् ।
 7.061.01c अभि यो विश्वा भुवनानि चष्टे स मन्युं मर्त्येष्वचिकेत ॥
 7.061.02a प्र वां स मित्रावरुणावृतावा विप्रो मन्मानि दीर्घश्रुदियर्ति ।
 7.061.02c यस्य ब्रह्माणि सुक्रतू अवाथ आ यत्क्रत्वा न शरदः पृणैथे ॥
 7.061.03a प्रोरोर्मित्रावरुणा पृथिव्याः प्र दिव ऋष्वाद्धृतः सुदानू ।
 7.061.03c स्पशो दधाथे ओषधीषु विद्वधग्यतो अनिमिषं रक्षमाणा ॥
 7.061.04a शंसा मित्रस्य वरुणस्य धाम शुष्मो रोदसी बद्धधे महित्वा ।
 7.061.04c अयन्मासा अयज्वनामवीराः प्र यज्ञमन्मा वृजनं तिराते ॥
 7.061.05a अमूरा विश्वा वृषणाविमा वां न यासु चित्रं ददृशे न यक्षम् ।
 7.061.05c द्रुहः सचन्ते अनृता जनानां न वां निणयान्यचिते अभूवन् ॥
 7.061.06a समु वां यज्ञं महयं नमोभिहुवे वां मित्रावरुणा सबाधः ।
 7.061.06c प्र वां मन्मान्यृचसे नवानि कृतानि ब्रह्म जुजुषन्निमानि ॥

- 7.061.07a इ॒यं दे॒व॒ पुरो॑हि॒तिर्यु॑व॒भ्यां॑ य॒ज्ञेषु॑ मि॒त्रावरु॑णावकारि ।
- 7.061.07c वि॒श्वानि॑ दु॒र्गा पि॑पृतं ति॒रो नो॑ यू॒यं पा॑त स्व॒स्तिभिः॑ सदा॑ नः ॥
- 7.062.01a उत्सू॑र्यो बृ॒हद॑र्ची॒ष्यश्रे॑त्पुरु॒ विश्वा॑ जनि॒म मा॑नुषा॒णाम् ।
- 7.062.01c स॒मो दि॒वा द॑दृशे रोच॒मानः॑ क्र॒त्वा कृ॑तः सु॒कृतः॑ क॒र्तृभि॑र्भूत् ॥
- 7.062.02a स॒ सूर्य॑ प्रति॒ पुरो॑ न उ॒द्गा ए॒भि स्तो॑मे॒भिरे॑तशे॒भिरे॑वैः ।
- 7.062.02c प्र॒ नो मि॒त्राय॑ वरु॒णाय॑ वो॒चोऽना॑गसो अ॒र्य॒म॒णो अ॒ग्नये॑ च ॥
- 7.062.03a वि॒ नः स॒हस्रं॑ शु॒रुधो॑ रद॒न्त्वृ॒तावा॑नो वरु॒णो मि॒त्रो अ॒ग्निः ।
- 7.062.03c यच्छ॑न्तु च॒न्द्रा उप॑मं नो अ॒र्क॒मा नः॑ का॒मं पू॑पुरन्तु स्त॒वानाः॑ ॥
- 7.062.04a द्या॒वाभू॑मी अ॒दिते॑ त्रासी॒थां नो॑ ये वां ज॒ज्ञुः सु॒जनि॑मान ऋ॒ष्वे ।
- 7.062.04c मा हे॑ळे भूम॒ वरु॑णस्य वा॒योर्मा मि॒त्रस्य॑ प्रि॒यत॑मस्य नृ॒णाम् ॥
- 7.062.05a प्र॒ बा॒हवा॑ सि॒सृतं॑ जी॒वसे॑ न आ॒ नो ग॒व्यूति॑मु॒त्ततं॑ घृ॒तेन॑ ।
- 7.062.05c आ॒ नो जने॑ श्रव॒यतं॑ यु॒वाना॑ श्रु॒तं मे॑ मि॒त्रावरु॑णा ह॒वेमा॑ ॥
- 7.062.06a नू मि॒त्रो वरु॑णो अ॒र्य॒मा न॑स्त्व॒मने॑ तो॒काय॑ वरि॒वो द॑धन्तु ।
- 7.062.06c सु॒गा नो॑ वि॒श्वा सु॒पथा॑नि सन्तु यू॒यं पा॑त स्व॒स्तिभिः॑ सदा॑ नः ॥
- 7.063.01a उ॒द्वेति॑ सु॒भ॒गो वि॒श्वच॑क्षाः सा॒धार॒णः सू॒र्यो मा॑नुषा॒णाम् ।
- 7.063.01c च॒क्षुर्मि॑त्रस्य वरु॒णस्य॑ दे॒वश्च॑र्मे॒व यः स॑मवि॒व्यक्त॑मांसि ॥

- 7.063.02a उद्वेति प्रसवीता जनानां महान्केतुरर्णवः सूर्यस्य ।
- 7.063.02c समानं चक्रं पर्याविवृत्सन्त्यदेतशो वहति धूर्षु युक्तः ॥
- 7.063.03a विभ्राजमान उषसामुपस्थाद्रेभैरुदेत्यनुमद्यमानः ।
- 7.063.03c एष मे देवः सविता चच्छन्द यः समानं न प्रमिनाति धाम ॥
- 7.063.04a दिवो रुक्म उरुचक्षा उदेति दूरेऽर्थस्तरणिभ्राजमानः ।
- 7.063.04c नूनं जनाः सूर्येण प्रसूता अयन्नर्थानि कृणवन्नपांसि ॥
- 7.063.05a यत्रा चक्रुरमृता गातुमस्मै श्येनो न दीयन्नन्वेति पाथः ।
- 7.063.05c प्रति वां सूर उदिते विधेम नमोभिर्मित्रावरुणोत हव्यैः ॥
- 7.063.06a नू मित्रो वरुणो अर्यमा नस्त्मने तोकाय वरिवो दधन्तु ।
- 7.063.06c सुगा नो विश्वा सुपथानि सन्तु यूयं पात स्वस्तिभिः सदा नः ॥

- 7.064.01a दिवि क्षयन्ता रजसः पृथिव्यां प्र वां घृतस्य निर्णिजो ददीरन् ।
- 7.064.01c हव्यं नो मित्रो अर्यमा सुजातो राजा सुक्षत्रो वरुणो जुषन्त ॥
- 7.064.02a आ राजाना मह ऋतस्य गोपा सिन्धुपती क्षत्रिया यातमर्वाक् ।
- 7.064.02c इळां नो मित्रावरुणोत वृष्टिमव दिव इन्वतं जीरदानू ॥
- 7.064.03a मित्रस्तन्नो वरुणो देवो अर्यः प्र साधिष्ठेभिः पथिभिर्नयन्तु ।
- 7.064.03c ब्रवद्यथा न आदरिः सुदास इषा मदेम सह देवगोपाः ॥
- 7.064.04a यो वां गर्त मनसा तक्षदेतमूर्ध्वा धीतिं कृणवद्धारयच्च ।

7.064.04c उ॒त्ते॒थां॑ मि॒त्राव॑रुणा घृ॒तेन॑ ता॒ राजा॑ना सु॒क्षिती॑स्तर्पयेथाम् ॥

7.064.05a ए॒ष स्तो॑मो वरु॒ण मि॒त्र तु॒भ्यं॑ सोमः शु॒क्रो न॑ वा॒यवे॑ऽयामि ।

7.064.05c अ॒विष्टं॑ धि॒यो जि॒गृतं॑ पु॒रंधी॑र्यूयं पा॒त स्व॒स्तिभिः॑ सदा॒ नः ॥

7.065.01a प्र॒ति वां॑ सू॒र उ॒दि॒ते सू॒क्तैर्मि॑त्रं हु॒वे वरु॑णं पू॒तद॑क्षम् ।

7.065.01c ययो॑रसु॒र्यश्म॑क्षितं ज्येष्ठं विश्व॑स्य या॒मन्ना॑चिता जि॒गलु॑ ॥

7.065.02a ता हि॑ दे॒वाना॑मसुरा ताव॒र्या ता॑ नः क्षि॒तीः क॑रतमूर्जयन्तीः ।

7.065.02c अ॒श्याम॑ मि॒त्राव॑रुणा व॒यं वां॑ द्या॒वा च॑ यत्र पी॒पय॑न्नहा च ॥

7.065.03a ता भू॑रिपाशा॒वनृ॑तस्य सेतू॒ दुर॑त्येतू॒ रिप॑वे म॒र्त्याय॑ ।

7.065.03c ऋ॒तस्य॑ मि॒त्राव॑रुणा प॒था वा॒मपो॑ न ना॒वा दु॑रिता॒ तरे॑म ॥

7.065.04a आ नो॑ मि॒त्राव॑रुणा ह॒व्यजु॑ष्टिं घृ॒तैर्गव्यू॑तिमु॒क्षत॑मिळाभिः ।

7.065.04c प्र॒ति वा॒मत्र॑ वर॒मा ज॑नाय पृ॒णीत॑मु॒द्रो दि॒व्यस्य॑ चारोः ॥

7.065.05a ए॒ष स्तो॑मो वरु॒ण मि॒त्र तु॒भ्यं॑ सोमः शु॒क्रो न॑ वा॒यवे॑ऽयामि ।

7.065.05c अ॒विष्टं॑ धि॒यो जि॒गृतं॑ पु॒रंधी॑र्यूयं पा॒त स्व॒स्तिभिः॑ सदा॒ नः ॥

7.066.01a प्र॒ मि॒त्रयो॑र्वरु॒णयो॑ स्तो॒मो न॑ ए॒तु शू॒ष्यः॑ ।

7.066.01c न॒मस्वा॑न्तुविजा॒तयोः॑ ॥

7.066.02a या धा॑रयन्त दे॒वाः सु॒दक्षा॑ द॒क्षपि॑तरा ।

- 7.066.02c असुर्याय॑ प्रम॒हसा॑ ॥
- 7.066.03a ता न॑ स्तिपा॒ तनू॑पा वरु॒ण जरि॑तृणाम् ।
- 7.066.03c मित्र॑ साधय॒तं धि॑यः ॥
- 7.066.04a यदद्य॑ सूर॒ उदि॑तेऽनागा॒ मित्रो॑ अर्य॒मा ।
- 7.066.04c सुवा॑ति सवि॒ता भगः॑ ॥
- 7.066.05a सु॒प्रावी॑रस्तु स॒ क्षयः॑ प्र॒ नु याम॑न्सुदानवः ।
- 7.066.05c ये नो॑ अ॒होऽति॑पिप्रति ॥
- 7.066.06a उत॑ स्वरा॒जो अदि॑तिरद॒ब्धस्य॑ व्रत॒स्य ये॑ ।
- 7.066.06c महो॑ राजान॒ ईश॑ते ॥
- 7.066.07a प्रति॑ वां सूर॒ उदि॑ते मि॒त्रं गृ॑णीषे वरु॒णाम् ।
- 7.066.07c अर्य॑मणं॒ रिशा॑दसम् ॥
- 7.066.08a राया॑ हिरण्यया॒ मति॑रियमवृ॒काय॑ शवसे ।
- 7.066.08c इयं॑ वि॒प्रा मे॑धसा॒तये॑ ॥
- 7.066.09a ते स्याम॑ देव वरु॒ण ते मि॒त्र सूरि॑भिः सह ।
- 7.066.09c इषं॑ स्वश्च॒ धीम॑हि ॥
- 7.066.10a बहवः॑ सूर॒ चक्ष॑सोऽग्नि॒ जिह्वा॑ ऋ॒तावृ॑धः ।
- 7.066.10c त्रीणि॑ ये॒ येमु॑र्विदथानि॒ धीति॑भिर्वि॒श्वानि॑ परि॒भूति॑भिः ॥
- 7.066.11a वि॒ ये दधुः॑ शर॒दं मा॒समा॑दह॒र्यज्ञ॑मक्तुं॒ चाट॑चम् ।

- 7.066.11c अ॒ना॒प्यं॑ व॒रु॒णो॑ मि॒त्रो अ॒र्य॒मा॑ क्ष॒त्रं॑ रा॒जा॒न आ॑शत ॥
- 7.066.12a तद्वो॑ अ॒द्य म॑नामहे सू॒क्तैः॑ सू॒र उ॑दिते ।
- 7.066.12c यदो॑हते व॒रु॒णो॑ मि॒त्रो अ॒र्य॒मा॑ यू॒य॒मृत॑स्य रथ्यः ॥
- 7.066.13a ऋ॒ता॒वा॒न ऋ॒त॒जा॒ता ऋ॒ता॒वृ॒धो॑ घो॒रा॒सो॑ अ॒नृत॑द्विषः ।
- 7.066.13c तेषां॑ वः सु॒म्ने सु॒च्छ॒र्दि॑ष्टमे नरः स्याम॒ ये च॑ सू॒र्यः॑ ॥
- 7.066.14a उ॒दु त्य॑द्दर्श॒तं व॑पु॒र्दिव॑ एति प्रति॒हरे॑ ।
- 7.066.14c यदी॑माशु॒र्व॒हति॑ दे॒व ए॒त॒शो॑ वि॒श्व॒स्मै च॑क्षसे अ॒रम् ॥
- 7.066.15a शी॒र्ष्णाः॑ शी॒र्ष्णो॑ जग॒तस्त॑स्थुषस्पतिं॒ सम॒या वि॒श्व॒मा र॑जः ।
- 7.066.15c सप्त॑ स्व॒सारः॑ सु॒वि॒ताय॑ सू॒र्यं व॑हन्ति ह॒रि॒तो र॑थे ॥
- 7.066.16a तच्च॑त्तु॒र्दे॒व॒हितं॑ शु॒क्रमु॑च्चरत् ।
- 7.066.16b पश्ये॑म श॒रदः॑ श॒तं जी॒वेम॑ श॒रदः॑ श॒तम् ॥
- 7.066.17a का॒व्ये॑भि॒रदा॑भ्या या॒तं व॑रु॒ण द्यु॑मत् ।
- 7.066.17c मि॒त्रश्च॑ सोमपी॒तये॑ ॥
- 7.066.18a दि॒वो धा॑मभि॒र्व॒रु॒ण मि॒त्रश्चा॑ या॒तम॒द्रु॒हा ।
- 7.066.18c पि॒ब॒तं सो॑ममा॒तु॒जी ॥
- 7.066.19a आ या॑तं मि॒त्रा॒व॒रु॒णा जु॑षाणावाहुतिं॒ नरा॑ ।
- 7.066.19c पा॒तं सो॑ममृ॒ता॒वृ॒धा ॥

- 7.067.01a प्रति वां रथं नृपती जरघ्यै हविष्मता मनसा यज्ञियेन ।
- 7.067.01c यो वां दूतो न धिष्यावावजीगरच्छा सूनूर्न पितरा विवक्मि ॥
- 7.067.02a अशोच्यग्निः समिधानो अस्मे उपो अदृश्रन्तमसश्चिदन्ताः ।
- 7.067.02c अचेति केतुरुषसः पुरस्ताच्छ्रिये दिवो दुहितुर्जायमानः ॥
- 7.067.03a अभि वां नूनमश्विना सुहोता स्तोमैः सिषक्ति नासत्या विवक्वान् ।
- 7.067.03c पूर्वीभिर्यातं पथ्याभिरर्वाक्स्वर्विदा वसुमता रथेन ॥
- 7.067.04a अवोर्वा नूनमश्विना युवाकुहुवे यद्वां सुते माध्वी वसूयुः ।
- 7.067.04c आ वां वहन्तु स्थविरासो अश्वाः पिबाथो अस्मे सुषुता मधूनि ॥
- 7.067.05a प्राचीमु देवाश्विना धियं मेऽमृधां सातये कृतं वसूयुम् ।
- 7.067.05c विश्वा अविष्टं वाज आ पुरंधीस्ता नः शक्तं शचीपती शचीभिः ॥
- 7.067.06a अविष्टं धीष्वश्विना न आसु प्रजावद्रेतो अहयं नो अस्तु ।
- 7.067.06c आ वां तोके तनये तूतुजानाः सुरत्नासो देववीतिं गमेम ॥
- 7.067.07a एष स्य वां पूर्वगत्वेव सख्ये निधिर्हितो माध्वी रातो अस्मे ।
- 7.067.07c अहेळता मनसा यातमर्वागश्नन्ता हव्यं मानुषीषु विद्मु ॥
- 7.067.08a एकस्मिन्योगे भुरणा समाने परि वां सप्त स्रवतो रथो गात् ।
- 7.067.08c न वायन्ति सुभवो देवयुक्ता ये वां धूर्षु तरणयो वहन्ति ॥
- 7.067.09a असश्चता मघवद्भयो हि भूतं ये राया मघदेयं जुनन्ति ।
- 7.067.09c प्र ये बन्धुं सूनृताभिस्तिरन्ते गव्या पृञ्चन्तो अश्व्या मघानि ॥

- 7.067.10a नू॒ मे॒ ह॒व॒मा॒ शृ॒णु॒तं॑ यु॒वा॒ना॒ या॒सि॒ष्टं॑ व॒र्ति॒र॒श्वि॒ना॒वि॒रा॒वत् ।
- 7.067.10c ध॒त्तं॑ र॒त्नानि॑ ज॒र॒तं॑ च॒ सू॒री॒न्यू॒यं॑ पा॒त॒ स्व॒स्ति॒भिः॑ स॒दा॑ नः ॥
- 7.068.01a आ॒ शु॒भ्रा॒ या॒त॒म॒श्वि॒ना॒ स्व॒श्वा॒ गि॒रो॑ द॒स्रा॒ जु॒जु॒षा॒णा॒ यु॒वा॒कोः॑ ।
- 7.068.01c ह॒व्यानि॑ च॒ प्र॒ति॒भृ॒ता॒ वी॒तं॑ नः ॥
- 7.068.02a प्र॒ वा॒म॒न्धांसि॑ म॒द्या॒न्य॒स्थु॒रं॑ ग॒न्तं॑ ह॒वि॒षो॑ वी॒त॒ये॑ मे ।
- 7.068.02c ति॒रो॒ अ॒र्यो॑ ह॒व॒ना॒नि॒ श्रु॒तं॑ नः ॥
- 7.068.03a प्र॒ वां॑ र॒थो॒ म॒नो॒ज॒वा॒ इ॒य॒र्ति॑ ति॒रो॒ र॒जांस्य॑श्वि॒ना॒ श॒तो॒तिः॑ ।
- 7.068.03c अ॒स्म॒भ्यं॑ सू॒र्या॒व॒सू॒ इ॒या॒नः॑ ॥
- 7.068.04a अ॒यं॒ ह॒ य॒द्वां॑ दे॒व॒या॒ उ॒ अ॒द्रि॒रू॒र्ध्वो॑ वि॒व॒क्ति॑ सो॒म॒सु॒द्यु॒व॒भ्याम् ।
- 7.068.04c आ॒ व॒ल्गू॑ वि॒प्रो॑ व॒वृ॒ती॒त॒ ह॒व्यैः॑ ॥
- 7.068.05a चि॒त्रं॒ ह॒ य॒द्वां॑ भो॒ज॒नं॒ न्व॒स्ति॒ न्य॒त्र॒ये॒ म॒हि॒ष्व॒न्तं॑ यु॒यो॒त॒म् ।
- 7.068.05c यो॒ वा॒मो॒मा॒नं॑ द॒ध॒ते॒ प्रि॒यः॒ स॒न् ॥
- 7.068.06a उ॒त॒ त्य॒द्वां॑ जु॒र॒ते॒ अ॒श्वि॒ना॒ भू॒च्च॒य॒वा॒ना॒य॒ प्र॒ती॒त्यं॑ ह॒वि॒र्दे॑ ।
- 7.068.06c अ॒धि॒ य॒द्वर्ष॑ इ॒त॒ऊ॒ति॒ ध॒त्थः॑ ॥
- 7.068.07a उ॒त॒ त्यं॑ भु॒ज्यु॒म॒श्वि॒ना॒ स॒खा॒यो॒ म॒ध्ये॑ ज॒हु॒दु॒रे॒वा॒सः॑ स॒मु॒द्रे॑ ।
- 7.068.07c नि॒री॑ प॒र्ष॒द॒रा॒वा॒ यो॒ यु॒वा॒कुः॑ ॥
- 7.068.08a वृ॒का॒य॒ चि॒ज्ज॒स॒मा॒ना॒य॒ श॒क्त॒मु॒त॒ श्रु॒तं॑ श॒य॒वे॑ हू॒य॒मा॒ना॑ ।

- 7.068.08c याव॑घ्न्याम॑पि॒न्वत॑मपो न स्त॑र्यं चि॒च्छ॑त्तय॒श्विना॑ श॒चीभिः॑ ॥
- 7.068.09a ए॒ष स्य॑ का॒रुर्ज॑रते सू॒क्तैर॑ग्रे बु॒धान॑ उ॒षसां॑ सु॒मन्मा॑ ।
- 7.068.09c इ॒षा तं॑ वर्ध॑द॒घ्न्या॑ पयो॑भिर्यु॒यं पा॑त स्व॒स्तिभिः॑ सदा॑ नः ॥
- 7.069.01a आ वां॑ रथो॒ रोद॑सी ब॒द्धा॒नो हि॒रण्य॑यो वृ॒षभि॑र्या॒त्वश्वैः॑ ।
- 7.069.01c घृ॒तव॑र्त॒निः प॑विभी रु॒चान॑ इ॒षां वो॒ळ्हा॑ नृ॒पति॑र्वा॒जिनी॑वान् ॥
- 7.069.02a स प॑प्रथानो अ॒भि प॒ञ्च भू॒मा त्रि॑वन्धु॒रो मन॑सा या॒तु यु॒क्तः ।
- 7.069.02c वि॒शो ये॑न ग॒च्छ॑थो दे॒वय॑न्तीः कु॒त्रा चि॒द्याम॑मश्वि॒ना द॑धाना ॥
- 7.069.03a स्व॒श्वा य॑शसा या॒तम॑र्वा॒ग्द॒स्त्रा नि॒धिं म॑धु॒मन्तं॑ पि॒बाथः॑ ।
- 7.069.03c वि वां॑ रथो॒ वध्वा॑श् या॒दमा॑नोऽन्ता॒न्दि॒वो बा॑धते वर्त॒निभ्या॑म् ॥
- 7.069.04a यु॒वोः श्रि॒यं परि॑ योषा॒वृणी॑त सू॒रो दु॒हिता॑ परि॒तक्म्या॑याम् ।
- 7.069.04c यद्दे॑व॒यन्त॑मवथः श॒चीभिः॑ परि॒ घ्नं॒समो॑मना वां वयो॑ गात् ॥
- 7.069.05a यो ह॒ स्य वां॑ रथि॒रा व॑स्त उ॒स्त्रा रथो॑ यु॒जानः॑ परि॒याति॑ वर्तिः ।
- 7.069.05c तेन॑ नः शं यो॒रुष॑सो व्यु॒ष्टौ न्य॑श्वि॒ना वह॑तं य॒ज्ञे अ॑स्मिन् ॥
- 7.069.06a नरा॑ गौ॒रेव॑ वि॒द्युतं॑ तृषा॒णास्मा॑कमद्य॒ सवनो॑प या॒तम् ।
- 7.069.06c पु॒रुत्रा॑ हि वां मति॑भिर्ह॒वन्ते॑ मा वा॒मन्ये॑ नि यम॒न्दे॒वय॑न्तः ॥
- 7.069.07a यु॒वं भु॒ज्युम॑वविद्धं॒ समु॑द्र उ॒दूह॑थु॒रर्ण॑सो अ॒स्त्रि॒धानैः॑ ।
- 7.069.07c प॒तत्रि॑भिर॒श्रमै॑रव्यथि॒भिर्द॑सना॒भिर॑श्वि॒ना पा॑रयन्ता ॥

- 7.069.08a नू॒ मे॒ ह॒व॒मा॒ शृ॒णु॒तं॑ यु॒वा॒ना॒ या॒सि॒ष्टं॑ व॒र्ति॒र॒श्वि॒ना॒वि॒रा॒वत् ।
- 7.069.08c ध॒त्तं॑ र॒त्नानि॑ ज॒र॒तं॑ च॒ सू॒री॒न्यू॒यं॑ पा॒त॒ स्व॒स्ति॒भिः॑ स॒दा॑ नः ॥
- 7.070.01a आ॒ वि॒श्व॒वा॒रा॒श्वि॒ना॒ ग॒तं॑ नः॒ प्र॒ त॒त्स्त्वा॒न॒म॒वा॒चि॑ वां पृ॒थि॒व्या॒म् ।
- 7.070.01c अ॒श्वो॑ न॒ वा॒जी॒ शु॒न॒पृ॒ष्ठो॑ अ॒स्था॒दा॒ य॒त्से॒दथु॑र्धु॒वसे॑ न॒ यो॒नि॒म् ॥
- 7.070.02a सि॒ष॒क्ति॑ सा॒ वां॑ सु॒म॒ति॒श्च॒नि॒ष्ठा॒ता॒पि॑ घ॒र्मो॑ म॒नु॒षो॑ दुरो॒णे॑ ।
- 7.070.02c यो॒ वां॑ स॒मु॒द्रा॒न्स॒रि॒तः॑ पि॒प॒त्ये॑त॒ग्वा॒ चि॒न्न॒ सु॒यु॒जा॑ यु॒जा॒नः॑ ॥
- 7.070.03a या॒नि॒ स्था॒ना॒न्य॒श्वि॒ना॒ द॒धा॒थे॑ दि॒वो॒ य॒ह्वी॒ष्वो॒ष॒धी॒षु॑ वि॒द्भु॑ ।
- 7.070.03c नि॒ प॒र्व॒त॒स्य॑ मूर्ध॒नि॒ स॒द॒न्ते॒षं॑ ज॒ना॒य॒ दा॒शु॒षे॑ व॒ह॒न्ता॑ ॥
- 7.070.04a च॒नि॒ष्टं॑ दे॒वा॒ ओ॒ष॒धी॒ष्वप्सु॑ यद्यो॒ग्या॒ अ॒श्व॒वै॒थे॑ ऋ॒षी॒णा॒म् ।
- 7.070.04c पु॒रू॒णि॒ र॒त्ना॒ द॒ध॒तौ॑ न्य॒श्स्मे॑ अ॒नु॒ पूर्वा॑णि॒ च॒र॒व्य॒थु॒र्यु॒गा॒नि॑ ॥
- 7.070.05a शु॒श्रु॒वांसा॑ चि॒द॒श्वि॒ना॒ पु॒रू॒ण्य॒भि॒ ब्र॒ह्मा॑णि॒ च॒क्षा॒थे॑ ऋ॒षी॒णा॒म् ।
- 7.070.05c प्र॒ति॒ प्र॒ या॒तं॑ व॒र॒मा॒ ज॒ना॒या॒स्मे॑ वा॒म॒स्तु॑ सु॒म॒ति॒श्च॒नि॒ष्ठा॑ ॥
- 7.070.06a यो॒ वां॑ य॒ज्ञो॒ ना॒स॒त्या॒ ह॒वि॒ष्मा॒न्कृ॒त॒ब्र॒ह्मा॑ स॒म॒र्यो॑श्च॒ भ॒वा॒ति॑ ।
- 7.070.06c उ॒प॒ प्र॒ या॒तं॑ व॒र॒मा॒ व॒सि॒ष्ठ॒मि॒मा॒ ब्र॒ह्मा॑ण्यृ॒च्य॒न्ते॑ यु॒व॒भ्या॒म् ॥
- 7.070.07a इ॒यं॑ म॒नी॒षा॒ इ॒य॒म॒श्वि॒ना॒ गी॒रि॒मां॑ सु॒वृ॒क्तिं॑ वृ॒ष॒णा॒ जु॒षे॒थाम्॑ ।
- 7.070.07c इ॒मा॒ ब्र॒ह्मा॑णि॒ यु॒व॒यू॒न्य॒ग॒म॒न्यू॒यं॑ पा॒त॒ स्व॒स्ति॒भिः॑ स॒दा॑ नः ॥

- 7.071.01a अ॒प॒ स्व॒सुरु॑षसो॒ न॒ग्जि॑ही॒ते रि॒णक्ति॑ कृ॒ष्णी॑र॒रुषा॑य॒ पन्था॑म् ।
- 7.071.01c अ॒श्वाम॑घा॒ गोम॑घा॒ वां हु॒वेम॑ दि॒वा न॒क्तं॑ श॒रुम॑स्मद्यु॒योत॑म् ॥
- 7.071.02a उ॒पाया॑तं॒ दा॒शुषे॑ म॒र्त्याय॑ रथे॒न वा॒मम॑श्वि॒ना व॑हन्ता ।
- 7.071.02c यु॒युत॑म॒स्मद॑नि॒राम॑मी॒वां दि॒वा न॒क्तं॑ मा॒ध्वी त्रा॑सी॒थां नः॑ ॥
- 7.071.03a आ॒ वां रथ॑मवमस्यां॒ व्यु॑ष्टौ सु॒म्नाय॑वो वृष॒णो वर्त॑यन्तु ।
- 7.071.03c स्यु॒मग॑भस्ति॒मृत॑यु॒ग्भिर्श्वै॑राश्वि॒ना व॑सु॒मन्तं॑ व॒हेथा॑म् ॥
- 7.071.04a यो वां रथो॑ नृ॒पती॑ अ॒स्ति वो॒ळ्हा त्रि॑वन्धु॒रो व॑सु॒माँ उ॒स्रया॑मा ।
- 7.071.04c आ॒ न ए॒ना ना॑सत्यो॒प या॑तमभि॒ यद्वां वि॒श्वप्स॑न्यो जि॒गाति॑ ॥
- 7.071.05a यु॒वं च्य॑वानं॒ जर॑सोऽमु॒मुक्तं॑ नि॒ पेद॑व ऊ॒हथु॑राशु॒मश्व॑म् ।
- 7.071.05c नि॒रंह॑सस्तमस॒ स्पर्त॑मत्रिं॒ नि जा॑हुषं शि॒थिरे॑ धा॒तम॑न्तः ॥
- 7.071.06a इ॒यं म॑नीषा॒ इय॑मश्वि॒ना गी॑रि॒मां सु॒वृक्तिं॑ वृष॒णा जु॑षेथाम् ।
- 7.071.06c इ॒मा ब्र॑ह्माणि॒ युव॑यू॒न्यग्म॑न्यू॒यं पा॑त स्व॒स्तिभिः॑ सदा॒ नः ॥
- 7.072.01a आ॒ गोम॑ता॒ नास॑त्या॒ रथे॑नाश्व॒वता॑ पु॒रुश्च॑न्द्रेण॒ यात॑म् ।
- 7.072.01c अ॒भि वां वि॒श्वा नि॒युतः॑ स॒चन्ते॑ स्पा॒र्हया॑ श्रि॒या त॑न्वा॒ शुभा॑ना ॥
- 7.072.02a आ॒ नो दे॒वेभि॑रु॒प या॑तमर्वा॒क्सजो॑षसा॒ नास॑त्या॒ रथे॑न ।
- 7.072.02c यु॒वोर्हि॑ नः॒ सर॑ख्या॒ पित्र्या॑णि॒ समानो॑ बन्धु॒रुत॑ तस्य॒ वित्त॑म् ॥
- 7.072.03a उ॒दु स्तो॑मासो॒ अश्वि॑नो॒रबु॑ध्रञ्जामि॒ ब्रह्मा॑ण्युषसश्च॒ देवीः॑ ।

- 7.072.03c आ॒वि॒वा॒स॒न्नो॒द॒सी॒ धि॒ष्ण॒ये॒मे॒ अ॒च्छा॒ वि॒प्रो॒ ना॒स॒त्या॒ वि॒व॒क्ति॑ ॥
- 7.072.04a वि॒ चे॒दु॒च्छ॒न्त्य॑श्चि॒ना॒ उ॒षा॒सः॒ प्र॒ वां॒ ब्र॒ह्मा॒णि॒ कार॒वो॑ भ॒र॒न्ते॑ ।
- 7.072.04c ऊ॒र्ध्वं॒ भा॒नुं॒ स॒वि॒ता॒ दे॒वो॒ अ॒श्रे॒द्धृ॒हृ॒द॒ग्न॒यः॒ समि॒धा॑ ज॒र॒न्ते॑ ॥
- 7.072.05a आ॒ प॒श्चा॒ता॒न्ना॒स॒त्या॒ पु॒र॒स्ता॒दा॒श्चि॒ना॒ या॒त॒म॒ध॒रा॒दु॒क्ता॑त् ।
- 7.072.05c आ॒ वि॒श्व॒तः॒ पा॒ञ्च॒ज॒न्ये॒न॒ रा॒या॒ यू॒यं॒ पा॒त॒ स्व॒स्ति॒भिः॒ सदा॑ नः ॥

- 7.073.01a अ॒ता॒रि॒ष्म॒ त॒म॒स॒स्पा॒र॒म॒स्य॒ प्र॒ति॒ स्तो॒मं॑ दे॒व॒य॒न्तो॒ द॒धा॒नाः॑ ।
- 7.073.01c पु॒रु॒दं॒सा॒ पु॒रु॒त॒मा॒ पु॒रा॒जा॒म॒र्त्या॑ ह॒व॒ते॒ अ॒श्चि॒ना॒ गीः॑ ॥
- 7.073.02a न्यु॒ प्रि॒यो॒ म॒नु॒षः॒ सा॒दि॒ हो॒ता॒ ना॒स॒त्या॒ यो॒ य॒ज॒ते॒ व॒न्द॒ते॒ च॑ ।
- 7.073.02c अ॒श्री॒तं॒ म॒ध्वो॑ अ॒श्चि॒ना॒ उ॒पा॒क॒ आ॒ वां॒ वो॒चे॒ वि॒द॒थे॒षु॒ प्र॒य॒स्वा॒न् ॥
- 7.073.03a अ॒हे॒म॒ य॒ज्ञं॒ प॒था॒मु॒रा॒णा॒ इ॒मां॒ सु॒वृ॒क्तिं॑ वृ॒ष॒णा॒ जु॒षे॒थाम्॑ ।
- 7.073.03c श्रु॒ष्टी॒वै॒व॒ प्रे॒षि॒तो॒ वा॒म॒बो॒धि॒ प्र॒ति॒ स्तो॒मै॒र्ज॒र॒मा॒णो॒ व॒सि॒ष्ठः॑ ॥
- 7.073.04a उ॒प॒ त्या॒ व॒ह्नी॑ ग॒म॒तो॒ वि॒शं॒ नो॒ र॒क्षो॒ह॒णा॒ स॒म्भृ॒ता॒ वी॒ळु॒पा॒णी॑ ।
- 7.073.04c स॒म॒न्धां॑स्य॒ग॒म॒त॒ म॒त्स॒रा॒णि॒ मा॒ नो॒ म॒र्धि॒ष्ट॒मा॒ ग॒तं॑ शि॒वे॒न ॥
- 7.073.05a आ॒ प॒श्चा॒ता॒न्ना॒स॒त्या॒ पु॒र॒स्ता॒दा॒श्चि॒ना॒ या॒त॒म॒ध॒रा॒दु॒क्ता॑त् ।
- 7.073.05c आ॒ वि॒श्व॒तः॒ पा॒ञ्च॒ज॒न्ये॒न॒ रा॒या॒ यू॒यं॒ पा॒त॒ स्व॒स्ति॒भिः॒ सदा॑ नः ॥

- 7.074.01a इ॒मा॒ उ॒ वां॑ दि॒वि॒ष्ट॒य॒ उ॒स्रा॑ ह॒व॒न्ते॒ अ॒श्चि॒ना॑ ।

- 7.074.01c अ॒यं वा॒म॒हेऽव॒से श॒ची॒व॒सू॒ वि॒शं॒वि॒शं॒ हि ग॒च्छ॒थः ॥
- 7.074.02a यु॒वं चि॒त्रं द॒द॒थु॒र्भो॒जनं॑ न॒रा चो॒दे॒थां॑ सू॒नृ॒ता॒व॒ते ।
- 7.074.02c अ॒र्वा॒ग्र॒थं॑ स॒म॒न॒सा॒ नि॒ य॒च्छ॒तं॑ पि॒ब॒तं॑ सो॒म्यं॑ म॒धु ॥
- 7.074.03a आ॒ या॒त॒मु॒प॒ भू॒ष॒तं॑ म॒ध्वः॑ पि॒ब॒त॒म॒श्वि॒ना ।
- 7.074.03c दु॒ग्धं॑ प॒यो वृ॒ष॒णा॒ जे॒न्या॒व॒सू॒ मा नो॑ म॒र्धि॒ष्ट॒मा ग॒त॒म् ॥
- 7.074.04a अ॒श्व॒ासो॑ ये वा॒मु॒प॒ दा॒शु॒षो॑ गृ॒हं यु॒वां दी॒य॒न्ति॑ बि॒भ्र॒तः॑ ।
- 7.074.04c म॒क्षू॒यु॒भि॒र्न॒रा ह॒ये॒भि॒र॒श्वि॒ना दे॒वा या॒त॒म॒स्म॒यू ॥
- 7.074.05a अ॒घा॑ ह॒ य॒न्तो॑ अ॒श्वि॒ना॒ पृ॒क्षः॑ स॒च॒न्त॑ सू॒र॒यः॑ ।
- 7.074.05c ता॒ यंस॑तो म॒घ॒व॒द्भ्यो॑ ध्रु॒वं य॒श॒श्छ॒र्दि॒र॒स्म॒भ्यं॑ ना॒स॒त्या ॥
- 7.074.06a प्र॒ ये य॒यु॒र॒वृ॒का॒सो र॒था इ॒व नृ॒पा॒ता॒रो ज॒ना॒ना॒म् ।
- 7.074.06c उ॒त स्वे॒न॒ श॒व॒सा॑ शू॒शु॒वु॒र्न॒र उ॒त क्षि॑यन्ति सु॒क्षि॒ति॒म् ॥
- 7.075.01a व्यु॒श्षा॑ आ॒वो दि॒वि॒जा॒ ऋ॒ते॒ना॒वि॒ष्कृ॒ण॒वा॒ना म॒हि॒मा॒न॒मा॒गा॒त् ।
- 7.075.01c अ॒प॒ द्रु॒ह॒स्त॒म॒ आ॒व॒र॒जु॒ष्ट॒म॒ङ्गि॒र॒स्त॒मा प॒थ्या॑ अ॒जी॒गः ॥
- 7.075.02a म॒हे नो॑ अ॒द्य सु॒वि॒ता॒य॒ बो॒ध्यु॒षो॑ म॒हे सौ॒भ॒गा॒य प्र॒ य॒न्धि॑ ।
- 7.075.02c चि॒त्रं र॒यिं॑ य॒श॒सं॑ धे॒ह्य॒स्मे दे॒वि म॒र्ते॒षु॑ मा॒नु॒षि॑ श्र॒व॒स्यु॒म् ॥
- 7.075.03a ए॒ते॒ त्ये॒ भान॑वो द॒र्शा॒ता॒या॒श्चि॒त्रा उ॒ष॒सो॑ अ॒मृ॒ता॒स॒ आ॒गुः॑ ।
- 7.075.03c ज॒न॒य॒न्तो॑ दै॒व्या॒नि ब्र॒ता॒न्या॒पृ॒ण॒न्तो॑ अ॒न्त॒रि॒क्षा॑ व्य॒स्थुः ॥

- 7.075.04a ए॒षा स्या॑ यु॒जा॒ना॒ परा॑का॒त्पञ्च॑ क्षि॒तीः॒ परि॑ स॒द्यो जि॑गाति ।
- 7.075.04c अ॒भिप॑श्यन्ती व॒युना॑ ज॒नानां॑ दि॒वो दु॑हिता भु॒वनस्य॑ पत्नी ॥
- 7.075.05a वा॒जिनी॑वती सूर्य॒स्य योषा॑ चि॒त्राम॑घा रा॒य ई॒शे व॑सूनाम् ।
- 7.075.05c ऋ॒षिष्टु॑ता ज॒रय॑न्ती म॒घो॒न्युषा॑ उ॒च्छति॑ वह्निभिर्गृ॒णाना॑ ॥
- 7.075.06a प्र॒ति द्यु॑तानामरु॒षासो॑ अ॒श्वाश्चि॑त्रा अ॒दृश्र॑न्नुषसं व॒हन्तः॑ ।
- 7.075.06c याति॑ शु॒भ्रा वि॒श्वपि॑शा रथेन द॒धाति॑ रत्नं वि॒धते॑ ज॒नाय॑ ॥
- 7.075.07a स॒त्या स॒त्येभि॑र्म॒हती॑ म॒हद्भिर्दे॑वी दे॒वेभि॑र्य॒जता॑ यजत्रैः ।
- 7.075.07c रु॒जदृ॑ळ्हा॒नि द॑ददु॒स्त्रिया॑णां प्र॒ति गा॑व उ॒षसं॑ वाव॒शन्त॑ ॥
- 7.075.08a नू नो॑ गोम॒द्वीर॑व॒द्धेहि॑ रत्न॒मुषो॑ अ॒श्वाव॑त्पुरु॒भोजो॑ अ॒स्मे ।
- 7.075.08c मा नो॑ ब॒र्हिः पु॑रुष॒ता नि॒दे क॑र्यु॒यं पा॑त स्व॒स्तिभिः॑ स॒दा नः॑ ॥
- 7.076.01a उ॒दु ज्यो॑तिर॒मृतं॑ वि॒श्वज॑न्यं वि॒श्वान॑रः स॒विता॑ दे॒वो अ॑श्रेत् ।
- 7.076.01c क्र॒त्वा दे॒वाना॑म॒जनि॑ष्ट च॒क्षुरा॑विर॒क॒र्भुवनं॑ वि॒श्वमु॑षाः ॥
- 7.076.02a प्र मे॑ प॒न्था दे॒व्याना॑ अ॒दृश्र॑न्नम॒र्धन्तो॑ व॒सुभि॑रिष्कृ॒तासः॑ ।
- 7.076.02c अ॒भूदु॑ के॒तुरु॑षसः पुर॒स्तात्प्र॑ती॒च्यागा॑दधि ह॒र्म्येभ्यः॑ ॥
- 7.076.03a ता॒नीद॑हानि ब॒हुला॑न्यास॒न्या प्रा॒चीन॑मुदि॒ता सूर्य॑स्य ।
- 7.076.03c यतः॑ परि॒ जा॒र इ॒वाच॑रन्त्युषो॒ ददृ॑त्ते न पु॒नर्य॑तीव ॥
- 7.076.04a त इ॒द्दे॒वानां॑ स॒धमा॑द आ॒सन्नृ॑ता॒वानः॑ क॒वयः॑ पू॒र्व्यासः॑ ।

- 7.076.04c गूळ्हं॑ ज्योतिः॑ पि॒तरो॑ अ॒न्ववि॑न्दन्स॒त्यम॑न्त्रा अ॒जनय॑न्नु॒षास॑म् ॥
- 7.076.05a स॒मान॑ ऊ॒र्वे अ॒धि स॑ंग॒तासः॑ सं॒ जान॑ते न य॒तन्ते॑ मिथ॒स्ते ।
- 7.076.05c ते दे॒वानां॑ न मि॒नन्ति॑ व्र॒तान्य॑म॒र्धन्तो॑ वसु॒भिर्या॑द॒मानाः॑ ॥
- 7.076.06a प्र॒ति त्वा॑ स्तो॒मैरी॑ळते वसि॒ष्ठा उ॒षर्बु॑धः सु॒भगे॑ तुष्टु॒वांसः॑ ।
- 7.076.06c ग॒वां ने॒त्री वा॑ज॒पत्नी॑ न उ॒च्छोषः॑ सु॒जाते॑ प्रथ॒मा ज॑रस्व ॥
- 7.076.07a ए॒षा ने॒त्री रा॑धसः सू॒नृता॑नामु॒षा उ॒च्छन्ती॑ रि॒भ्यते॑ वसि॒ष्ठैः ।
- 7.076.07c दी॒र्घश्रु॑तं र॒यिम॑स्मे द॒धाना॑ यू॒यं पा॑त स्व॒स्तिभिः॑ सदा॑ नः ॥
- 7.077.01a उ॒पो रुरु॑चे यु॒वति॑र्न यो॒षा वि॒श्वं जी॒वं प्र॑सु॒वन्ती॑ च॒रायै॑ ।
- 7.077.01c अ॒भूद॑ग्निः स॒मिधे॑ मा॒नुषा॑णाम॒कज्यो॑तिर्बा॒धमा॑ना त॒मांसि॑ ॥
- 7.077.02a वि॒श्वं प्र॑ती॒ची स॒प्रथा॑ उद॒स्थाद्रु॑श॒द्वासो॑ वि॒भ्रती॑ शु॒क्रम॑श्वैत् ।
- 7.077.02c हि॒रण्य॑वर्णा सु॒दृशी॑कसं॒दृग्गवां॑ मा॒ता ने॒त्र्यह्ना॑मरो॒चि ॥
- 7.077.03a दे॒वानां॑ च॒क्षुः सु॒भगा॑ वह॒न्ती श्वे॑तं न॒यन्ती॑ सु॒दृशी॑कम॒श्वम् ।
- 7.077.03c उ॒षा अ॑दर्शि र॒श्मिभि॑र्व्य॒क्ता चि॒त्राम॑घा वि॒श्वम॑नु प्र॒भूता॑ ॥
- 7.077.04a अ॒न्तिवा॑मा दू॒रे अ॒मित्र॑मु॒च्छोर्वी॑ ग॒व्यूति॑म॒भयं॑ कृ॒धी नः॑ ।
- 7.077.04c या॒वय॑ द्वेष आ भ॒रा व॑सू॒नि चो॑दय रा॒धो गृ॑णते म॒घोनि॑ ॥
- 7.077.05a अ॒स्मे श्रे॑ष्ठेभिर्भानुभिर्वि॒ भाह्यु॑षो दे॒वि प्र॑तिर॒न्ती न॑ आ॒युः ।
- 7.077.05c इ॒षं च॑ नो द॒धती॑ वि॒श्ववा॑रे गो॒मद॑श्वाव॒द्रथ॑वच्च रा॒धः ॥

- 7.077.06a यां त्वा दिवो दुहितर्वर्धयन्त्युषः सुजाते मतिभिर्वसिष्ठाः ।
- 7.077.06c सास्मासु धा रयिमृष्वं बृहन्तं यूयं पात स्वस्तिभिः सदा नः ॥
- 7.078.01a प्रति केतवः प्रथमा अट्टश्रन्नूर्ध्वा अस्य अञ्जयो वि श्रयन्ते ।
- 7.078.01c उषो अर्वाचा बृहता रथेन ज्योतिष्मता वाममस्मभ्यं वक्षि ॥
- 7.078.02a प्रति धीमग्निर्जरते समिद्धः प्रति विप्रासो मतिभिर्गृणन्तः ।
- 7.078.02c उषा याति ज्योतिषा बाधमाना विश्वा तमांसि दुरिताप देवी ॥
- 7.078.03a एता उ त्याः प्रत्यट्टश्रन्पुरस्ताज्ज्योतिर्यच्छन्तीरुषसो विभातीः ।
- 7.078.03c अजीजनन्सूर्यं यज्ञमग्निमपाचीनं तमो अगादजुष्टम् ॥
- 7.078.04a अचेति दिवो दुहिता मघोनी विश्वे पश्यन्त्युषसं विभातीम् ।
- 7.078.04c आस्थाद्रथं स्वधया युज्यमानमा यमश्वासः सुयुजो वहन्ति ॥
- 7.078.05a प्रति त्वाद्य सुमनसो बुधन्तास्माकासो मघवानो वयं च ।
- 7.078.05c तिल्विलायध्वमुषसो विभातीर्यूयं पात स्वस्तिभिः सदा नः ॥
- 7.079.01a व्युश्षा आवः पथ्याश् जनानां पञ्च क्षितीर्मानुषीर्बोधयन्ती ।
- 7.079.01c सुसंष्टग्भिरुक्षभिर्भानुमश्रेद्धि सूर्यो रोदसी चक्षसावः ॥
- 7.079.02a व्यञ्जते दिवो अन्तेष्वक्नून्विशो न युक्ता उषसो यतन्ते ।
- 7.079.02c सं ते गावस्तम आ वर्तयन्ति ज्योतिर्यच्छन्ति सवितेव बाहू ॥

- 7.079.03a अ॒भू॒दु॒षा इन्द्र॑त॒मा म॒घो॒न्य॒जी॒जन॑त्सु॒वि॒ताय॑ श्रवांसि ।
- 7.079.03c वि॒ दि॒वो दे॒वी दु॒हिता॑ द॒धात्य॑ङ्गि॒रस्त॑मा सु॒कृ॒ते व॒सूनि॑ ॥
- 7.079.04a ताव॑दु॒षो रा॒धो अ॒स्मभ्यं॑ रा॒स्व याव॑त्स्तो॒तृभ्यो॑ अ॒रदो॑ गृ॒णाना॑ ।
- 7.079.04c यां त्वा॑ ज॒ज्ञुर्वृ॑षभ॒स्या र॒वेण॑ वि॒ दृळ्ह॑स्य॒ दुरो॑ अ॒द्रेरौ॑र्णोः ॥
- 7.079.05a दे॒वंदे॒वं रा॒धसे॑ चो॒दय॑न्त्य॒स्मद्य॑क्सू॒नृता॑ ई॒रय॑न्ती ।
- 7.079.05c व्यु॑च्छन्ती॒ नः स॒नये॑ धि॒यो धा॑ यू॒यं पा॑त स्व॒स्तिभिः॑ सदा॒ नः ॥

- 7.080.01a प्र॒ति स्तो॑मे॒भिरु॑षसं॒ वसि॑ष्ठा गी॒भिर्वि॑प्रासः प्रथ॒मा अबु॑ध्रन् ।
- 7.080.01c वि॒वर्त॑यन्ती॒ रज॑सी॒ सम॑न्ते आ॒विष्कृ॑णवतीं॒ भुव॑नानि॒ विश्वा॑ ॥
- 7.080.02a ए॒षा स्या॑ न॒व्यमा॑यु॒र्दधाना॑ गू॒ढ्वी त॒मो ज्यो॑ति॒षोषा॑ अबो॒धि ।
- 7.080.02c अ॒ग्र ए॒ति यु॒वति॑र॒हया॑णा प्रा॒चिकि॑तत्सूर्यं॒ यज्ञ॑मग्निम् ॥
- 7.080.03a अ॒श्राव॑ती॒र्गोम॑तीर्न॒ उषा॑सो॒ वीर॑वतीः स॒दमु॑च्छन्तु॒ भद्राः॑ ।
- 7.080.03c घृ॒तं दु॒हाना॑ वि॒श्वतः॑ प्र॒पीता॑ यू॒यं पा॑त स्व॒स्तिभिः॑ सदा॒ नः ॥

- 7.081.01a प्र॒त्यु अ॒दश्या॑य॒त्युश्छ॑न्ती॒ दुहि॑ता दि॒वः ।
- 7.081.01c अ॒पो म॒हि व्य॑यति॒ चक्ष॑से॒ तमो॑ ज्यो॒तिष्कृ॑णोति॒ सू॒नरी॑ ॥
- 7.081.02a उ॒दुस्त्रि॑याः सृ॒जते॑ सू॒र्यः स॒चाँ उ॒द्यन्न॑क्षत्रम॒र्चिव॑त् ।
- 7.081.02c त॒वेदु॑षो॒ व्युषि॑ सू॒र्यस्य॑ च॒ सं भ॑क्तेन॒ गमे॑महि ॥

- 7.081.03a प्रति॑ त्वा॑ दु॒हित॑र्दिव॒ उषो॑ जी॒रा अ॒भुत्स॑महि ।
- 7.081.03c या॑ वह॒सि पु॒रु स्पा॑र्हं व॒नन्व॑ति र॒त्नं न॑ दा॒शुषे॑ म॒यः ॥
- 7.081.04a उ॒च्छन्ती॑ या॒ कृ॒णोषि॑ म॒हना॑ म॒हि प्र॒ख्यै दे॒वि स्व॑र्द॒शे ।
- 7.081.04c तस्या॑स्ते र॒त्नभा॑ज ई॒महे॑ व॒यं स्या॑म मा॒तुर्न॑ सू॒नवः॑ ॥
- 7.081.05a तच्चि॑त्रं रा॒ध आ॒ भरो॑षो यदी॒र्घश्रु॑त्तमम् ।
- 7.081.05c यत्ते॑ दि॒वो दु॒हित॑र्म॒र्तभो॑जनं त॒द्रास्व॑ भु॒नजा॑महै ॥
- 7.081.06a श्रवः॑ सू॒रिभ्यो॑ अ॒मृतं॑ व॒सुत्व॑नं वा॒जाँ अ॒स्मभ्यं॑ गो॒मतः॑ ।
- 7.081.06c चो॒दयि॑त्री म॒घोनः॑ सू॒नृता॑व॒त्युषा॑ उ॒च्छद॑प स्त्रि॒धः ॥
- 7.082.01a इन्द्रा॑वरुणा यु॒वम॑ध्व॒राय॑ नो वि॒शे ज॒नाय॑ म॒हि श॑र्म य॒च्छत॑म् ।
- 7.082.01c दी॒र्घप्र॑य॒ज्युम॑ति यो व॒नुष्य॑ति व॒यं ज॑येम॒ पृ॒तना॑सु दू॒ढ्यः ॥
- 7.082.02a स॒म्राळ॑न्यः स्व॒राळ॑न्य उ॒च्यते॑ वां म॒हान्ता॑विन्द्रा॒वरुणा॑ म॒हाव॑सू ।
- 7.082.02c विश्वे॑ दे॒वासः॑ प॒रमे॑ व्यो॒मनि॑ सं वा॒मोजो॑ वृष॒णा सं ब॑लं द॒धुः ॥
- 7.082.03a अ॒न्वपां॑ खा॒न्यतृ॑न्तमोजसा सू॒र्यमै॑रय॒तं दि॒वि प्र॑भुम् ।
- 7.082.03c इन्द्रा॑वरुणा म॒दे अ॒स्य मा॑यिनोऽपि॒न्वत॑म॒पितः॑ पि॒न्वतं॑ धि॒यः ॥
- 7.082.04a यु॒वामि॑द्युत्सु पृ॒तना॑सु व॒ह्यो यु॒वां क्षे॑मस्य प्र॒सवे॑ मि॒तज्ञ॑वः ।
- 7.082.04c ई॒शाना॑ व॒स्व उ॒भय॑स्य का॒रव॑ इन्द्रा॒वरुणा॑ सु॒हवा॑ ह॒वाम॑हे ॥
- 7.082.05a इन्द्रा॑वरुणा य॒दिमा॑नि च॒क्रथु॑र्वि॒श्वा जा॑तानि भु॒वन॑स्य म॒ज्मना॑ ।

- 7.082.05c क्षेमेण मित्रो वरुणं दुवस्यति मरुद्भिरुग्रः शुभमन्य ईयते ॥
- 7.082.06a महे शुल्काय वरुणस्य नु त्विष ओजो मिमाते ध्रुवमस्य यत्स्वम् ।
- 7.082.06c अजामिमन्यः श्रथयन्तमातिरद्भ्रेभिरन्यः प्र वृणोति भूयसः ॥
- 7.082.07a न तमंहो न दुरितानि मर्त्यामिन्द्रावरुणा न तपः कुतश्चन ।
- 7.082.07c यस्य देवा गच्छथो वीथो अध्वरं न तं मर्तस्य नशते परिहृतिः ॥
- 7.082.08a अर्वाङ्नरा दैव्येनावसा गतं शृणुतं हवं यदि मे जुजोषथः ।
- 7.082.08c युवोर्हि सख्यमुत वा यदाप्यं मारुडिकमिन्द्रावरुणा नि यच्छतम् ॥
- 7.082.09a अस्माकमिन्द्रावरुणा भरेभरे पुरोयोधा भवतं कृष्टयोजसा ।
- 7.082.09c यद्वां हवन्त उभये अध स्पृधि नरस्तोकस्य तनयस्य सातिषु ॥
- 7.082.10a अस्मे इन्द्रो वरुणो मित्रो अर्यमा द्युम्नं यच्छन्तु महि शर्म सप्रथः ।
- 7.082.10c अवध्रं ज्योतिरदितेर्नृतावृधो देवस्य श्लोकं सवितुर्मनामहे ॥
- 7.083.01a युवां नरा पश्यमानास आप्यं प्राचा गव्यन्तः पृथुपर्शवो ययुः ।
- 7.083.01c दासा च वृत्रा हतमार्याणि च सुदासमिन्द्रावरुणावसावतम् ॥
- 7.083.02a यत्रा नरः समयन्ते कृतध्वजो यस्मिन्नाजा भवति किं चन प्रियम् ।
- 7.083.02c यत्रा भयन्ते भुवना स्वर्दृशस्तत्रा न इन्द्रावरुणाधि वोचतम् ॥
- 7.083.03a सं भूम्या अन्ता ध्वसिरा अदृक्षतेन्द्रावरुणा दिवि घोष आरुहत् ।
- 7.083.03c अस्थुर्जनानामुप मामरातयोऽवर्गवसा हवनश्रुता गतम् ॥

- 7.083.04a इन्द्रावरुणा वधनाभिरप्रति भेदं वन्वन्ता प्र सुदासमावतम् ।
- 7.083.04c ब्रह्माण्येषां शृणुतं हवीमनि सत्या तृत्सूनामभवत्पुरोहितिः ॥
- 7.083.05a इन्द्रावरुणावभ्या तपन्ति माघान्यर्यो वनुषामरातयः ।
- 7.083.05c युवं हि वस्व उभयस्य राजथोऽध स्मा नोऽवतं पार्ये दिवि ॥
- 7.083.06a युवां हवन्त उभयास आजिष्विन्द्रं च वस्वो वरुणं च सातये ।
- 7.083.06c यत्र राजभिर्दशभिर्निबाधितं प्र सुदासमावतं तृत्सुभिः सह ॥
- 7.083.07a दश राजानः समिता अयज्यवः सुदासमिन्द्रावरुणा न युयुधुः ।
- 7.083.07c सत्या नृणामद्भ्यसदामुपस्तुतिर्देवा एषामभवन्देवहृतिषु ॥
- 7.083.08a दाशराज्ञे परियत्ताय विश्वतः सुदास इन्द्रावरुणावशिक्तम् ।
- 7.083.08c श्वित्यञ्चो यत्र नमसा कपर्दिनो धिया धीवन्तो असपन्त तृत्सवः ॥
- 7.083.09a वृत्राण्यन्यः समिथेषु जिघ्रते व्रतान्यन्यो अभि रक्षते सदा ।
- 7.083.09c हवामहे वां वृषणा सुवृक्तिभिरस्मे इन्द्रावरुणा शर्म यच्छतम् ॥
- 7.083.10a अस्मे इन्द्रो वरुणो मित्रो अर्यमा द्युम्नं यच्छन्तु महि शर्म सप्रथः ।
- 7.083.10c अवध्रं ज्योतिरदितेर्ऋतावृधो देवस्य श्लोकं सवितुर्मनामहे ॥
- 7.084.01a आ वां राजानावध्वरे ववृत्यां हव्येभिरिन्द्रावरुणा नमोभिः ।
- 7.084.01c प्र वां घृताची बाह्वोर्दधाना परि त्मना विषुरूपा जिगाति ॥
- 7.084.02a युवो राष्ट्रं बृहदिन्वति द्यौर्यौ सेतृभिररज्जुभिः सिनीथः ।

- 7.084.02c परि॑ नो॒ हे॒ळो॒ वरु॑णस्य वृ॒ज्या उ॒रुं न॒ इन्द्रः॑ कृ॒णवदु॑ लोक॒म् ॥
- 7.084.03a कृतं॑ नो॒ यज्ञं॑ वि॒दथे॑षु चारुं॑ कृतं॑ ब्रह्मा॒णि सूरि॑षु प्रशस्ता ।
- 7.084.03c उपो॑ रयि॒र्दे॒वजू॑तो न ए॒तु प्र॑ ण॒ स्पा॒र्हाभि॑रू॒तिभि॑स्तिरेतम् ॥
- 7.084.04a अ॒स्मे इन्द्रा॑वरुणा वि॒श्ववारं॑ रयिं॑ धत्तं॑ वसु॒मन्तं॑ पु॒रुक्षु॑म् ।
- 7.084.04c प्र॒ य आ॑दि॒त्यो अ॒नृता॑ मि॒नात्य॑मिता शू॒रो द॑यते वसू॒नि ॥
- 7.084.05a इ॒यमिन्द्रं॑ वरु॒णमष्ट॑ मे गीः प्राव॑त्तोके तनये॒ तूतु॑जाना ।
- 7.084.05c सु॒रत्ना॑सो दे॒ववी॑तिं गमे॒म यू॒यं पा॑त स्व॒स्तिभिः॑ सदा॑ नः ॥
- 7.085.01a पु॒नीषे॑ वामर॒क्षसं॑ मनी॒षां सो॒ममिन्द्रा॑य वरु॒णाय॑ जुह्वत् ।
- 7.085.01c घृ॒तप्र॑तीकामुष॒सं न दे॒वीं ता॒ नो या॑मन्नु॒रुष्य॑तामभी॒के ॥
- 7.085.02a स्पर्ध॑न्ते वा उ॒ दे॒वहू॑ये अत्र॒ येषु॑ ध्व॒जेषु॑ दि॒द्यवः॑ पतन्ति ।
- 7.085.02c यु॒वं ताँ इन्द्रा॑वरुणावमि॒त्रान्ह॑तं॒ परा॑चः शर्वा॒ विषू॑चः ॥
- 7.085.03a आ॒पश्चि॑द्धि स्वय॒शसः॑ सद॒स्सु दे॒वीरिन्द्रं॑ वरु॒णं दे॒वता॑ धुः ।
- 7.085.03c कृ॒ष्टीर॑न्यो धारयति प्रवि॒क्ता वृ॒त्राण्य॑न्यो अ॒प्रती॑नि हन्ति ॥
- 7.085.04a स सु॒क्रतु॑र्ऋ॒तचि॑दस्तु होता॒ य आ॑दि॒त्य श॑वसा वां नम॒स्वान् ।
- 7.085.04c आ॒वव॑र्तदवसे वां ह॒विष्मा॑नसदि॒त्स सु॑वि॒ताय॑ प्रय॒स्वान् ॥
- 7.085.05a इ॒यमिन्द्रं॑ वरु॒णमष्ट॑ मे गीः प्राव॑त्तोके तनये॒ तूतु॑जाना ।
- 7.085.05c सु॒रत्ना॑सो दे॒ववी॑तिं गमे॒म यू॒यं पा॑त स्व॒स्तिभिः॑ सदा॑ नः ॥

- 7.086.01a धी॒रा त्व॑स्य॒ महि॑ना॒ ज॒नू॒षि॒ वि॒ यस्त॑स्त॒म्भ॒ रोद॑सी॒ चिदु॑र्वी ।
- 7.086.01c प्र॒ नाक॑मृष्वं॒ नुनु॑दे॒ बृह॑न्तं॒ द्वि॒ता न॑क्ष॒त्रं प॑प्रथ॒च्च भूम॑ ॥
- 7.086.02a उ॒त स्व॑या॒ तन्वा॑३ सं॒ वदे॑ तत्कदा॒ न्व॑श्न्त॒र्वरु॑णे॒ भुवा॑नि ।
- 7.086.02c किं॑ मे॒ ह॒व्यम॑ह॒णानो॑ जुषे॒त कदा॑ मृ॒ळीकं॑ सु॒मना॑ अ॒भि ख्य॑म् ॥
- 7.086.03a पृ॒च्छे तदे॑नो॒ वरु॑ण॒ दि॒दृक्षू॑पो ए॒मि चि॑कितुषो॒ वि॒पृच्छ॑म् ।
- 7.086.03c स॒मा॒नमि॑न्मे॒ कव॑यश्चि॒दाहुर॑यं॒ ह तु॒भ्यं वरु॑णो॒ हृणी॑ते ॥
- 7.086.04a कि॒माग॑ आ॒स वरु॑ण॒ ज्येष्ठं॑ यत्स्तो॒तारं॒ जिघांस॑सि॒ सखा॑यम् ।
- 7.086.04c प्र॒ तन्मे॑ वो॒चो दू॒ळभ॑ स्व॒धावो॑ऽव॒ त्वाने॑ना॒ नमसा॑ तुर॒ इया॑म् ॥
- 7.086.05a अ॒व द्रु॑ग्धानि॒ पित्र्या॑ सृ॒जा नो॑ऽव॒ या वयं॑ च॒कृमा॑ त॒नूभिः॑ ।
- 7.086.05c अ॒व राज॑न्पशु॒तृपं॑ न॒ तायुं॑ सृ॒जा वत्सं॑ न॒ दाम्नो॑ वसिष्ठम् ॥
- 7.086.06a न स॑ स्वो॒ दक्षो॑ वरु॒ण धृ॒तिः सा॑ सुरा॒ मन्यु॑र्वि॒भीद॑को॒ अचि॑त्तिः ।
- 7.086.06c अ॒स्ति॒ ज्याया॑न्कनी॒यस॑ उ॒पा॒रे स्व॑प्नश्च॒नेद॑नृ॒तस्य॑ प्रयो॒ता ॥
- 7.086.07a अ॒रं दा॑सो न मी॒ळ्हुषे॑ करा॒ण्यहं॑ दे॒वाय॑ भू॒ण्येऽना॑गाः ।
- 7.086.07c अ॒चे॒तय॑द॒चितो॑ दे॒वो अ॒र्यो गृ॑त्सं॒ राये॑ क॒वित॑रो जुनाति ॥
- 7.086.08a अ॒यं सु॑ तु॒भ्यं वरु॑ण॒ स्वधा॑वो॒ हृदि॑ स्तोम॒ उप॑श्रितश्चि॒दस्तु॑ ।
- 7.086.08c शं नः॑ क्षे॒मे श॒मु यो॑गे॒ नो अ॒स्तु यू॒यं पा॑त स्व॒स्तिभिः॑ सदा॒ नः ॥

- 7.087.01a रद॑त्पथो॑ वरु॒णः॑ सू॒र्याय॑ प्रा॒णासि॑ समु॒द्रिया॑ नदी॒नाम् ।
- 7.087.01c सर्गो॑ न सृष्टो॑ अ॒र्वती॑र्ऋ॒ताय॑ञ्चकार॒ मही॑रवनी॒रह॑भ्यः ॥
- 7.087.02a आ॒त्मा ते॒ वातो॑ रज॒ आ नवी॑नोत्पशु॒र्न भूर्णिर्य॑वसे॒ सस॑वान् ।
- 7.087.02c अ॒न्तर्म॑ही बृ॒हती॑ रोद॒सीमे॑ विश्वा॒ ते धाम॑ वरु॒ण प्रिया॑णि ॥
- 7.087.03a परि॑ स्पशो॒ वरु॑णस्य॒ स्मदि॑ष्टा उ॒भे प॑श्यन्ति॒ रोद॑सी सु॒मेके॑ ।
- 7.087.03c ऋ॒तावानः॑ क॒वयो॑ यज्ञ॒धीराः॑ प्रचे॒तसो॑ य इष॒यन्त॑ मन्म ॥
- 7.087.04a उवाच॑ मे वरु॒णो मे॑धि॒राय॑ त्रिः सप्त॒ नामा॑घ्न्या॒ विभ॑र्ति ।
- 7.087.04c वि॒द्वान्प॒दस्य॑ गु॒ह्या न वो॑चद्यु॒गाय॑ विप्र॒ उप॑राय॒ शि॒क्षन् ॥
- 7.087.05a ति॒स्रो द्या॒वो नि॒हिता॑ अ॒न्तर॑स्मिन्ति॒स्रो भू॒मीरु॑पराः षड्वि॒धानाः॑ ।
- 7.087.05c गृ॒त्सो राजा॑ वरु॒णश्च॑क्र ए॒तं दि॒वि प्रे॒ङ्खं॑ हिर॒ण्ययं॑ शु॒भे कम् ॥
- 7.087.06a अ॒व सि॒न्धुं वरु॑णो द्यौरि॒व स्था॑द्द्रु॒प्सो न श्वे॒तो मृ॑गस्तुविष्मान् ।
- 7.087.06c ग॒म्भीर॑शंसो॒ रज॑सो वि॒मानः॑ सु॒पा॒रक्ष॑त्रः सतो॒ अस्य॑ राजा ॥
- 7.087.07a यो मृ॒ळ्याति॑ च॒क्रुषे॑ चि॒दागो॑ व॒यं स्या॑म वरु॒णो अ॒नागाः॑ ।
- 7.087.07c अनु॑ व्र॒तान्य॑दि॒तेर्ऋ॒धन्तो॑ यू॒यं पा॑त स्व॒स्तिभिः॑ सदा॒ नः ॥
- 7.088.01a प्र शु॒न्ध्यु॒वं वरु॑णाय॒ प्रेष्ठां॑ मतिं॒ वसि॑ष्ठ मीळ्हु॒षे भ॑रस्व ।
- 7.088.01c य ई॒मर्वाञ्च॑ कर॒ते य॑जत्रं॒ सह॑स्रामघं॒ वृष॑णं बृ॒हन्त॑म् ॥
- 7.088.02a अ॒घा न्व॑स्य संदृ॒शं जग॑न्वान॒ग्नेर॑नीकं॒ वरु॑णस्य॒ मंसि॑ ।

- 7.088.02c स्व॑र्श्य॑द॒श॒म॒न्न॒धि॒पा॒ उ॒ अ॒न्धोऽ॒भि॒ मा॒ व॒पु॒र्दृ॒श॒ये॑ निनीयात् ॥
- 7.088.03a आ॒ य॒द्रु॒हा॒व॒ व॒रु॒णश्च॑ ना॒वं प्र॒ यत्स॑मु॒द्र॒मी॒र॒या॒व॒ म॒ध्य॒म् ।
- 7.088.03c अ॒धि॒ य॒द॒पां॑ स्तु॒भिश्च॑रा॒व प्र॒ प्रे॒ङ्ख॑ ई॒ङ्ख॒या॒व॒है॑ शु॒भे॒ क॒म् ॥
- 7.088.04a व॒सि॒ष्ठं॑ ह॒ व॒रु॒णो॑ ना॒व्या॒धा॒दृषिं॑ च॒कार॒ स्व॒पा॒ महो॑भिः ।
- 7.088.04c स्तो॒तारं॑ वि॒प्रः सु॒दि॒न॒त्वे॑ अ॒ह्नां॑ या॒न्तु॒ द्या॒व॒स्त॒त॒न॒न्या॒दु॒षा॒सः॑ ॥
- 7.088.05a क्व॑श्॒ त्या॒नि॑ नौ॒ स॒ख्या॒ ब॒भू॒वुः॑ स॒चा॒व॒हे॒ य॒द॒वृ॒कं॑ पु॒रा॒ चि॒त् ।
- 7.088.05c बृ॒ह॒न्तं॑ मा॒नं॑ व॒रु॒ण स्व॒धा॒वः॑ स॒ह॒स्र॑द्वारं॒ जग॑मा गृहं॒ ते ॥
- 7.088.06a य॒ आ॒पि॒र्नि॒त्यो॑ व॒रु॒ण प्रि॒यः स॒न्त्वा॒मा॒गां॑सि॒ कृ॒ण॒व॒त्स॒खा॑ ते ।
- 7.088.06c मा॒ त ए॒न॒स्व॒न्तो॑ य॒त्ति॒न्भु॒जे॒म य॒न्धि॒ ष्मा॒ वि॒प्र स्तु॑वते वरूथम् ॥
- 7.088.07a ध्रु॒वा॒सु॒ त्वा॒सु॒ द्धि॒ति॒षु॒ द्धि॒य॒न्तो॑ व्य॒श्म॒त्पा॒शं॑ व॒रु॒णो॑ मु॒मो॒चत् ।
- 7.088.07c अ॒वो॑ व॒न्वा॒ना अ॒दि॒ते॒रु॒प॒स्था॒द्यू॒यं पा॒त स्व॒स्ति॒भिः॑ स॒दा॒ नः॑ ॥

- 7.089.01a मो॒ षु॑ व॒रु॒ण मृ॒न्म॒यं॑ गृहं॒ राज॑न्नहं॒ ग॒म॒म् ।
- 7.089.01c मृ॒ळा॒ सु॒क्ष॒त्र॒ मृ॒ळ॒य ॥
- 7.089.02a य॒दे॒मि॑ प्र॒स्फु॒र॒न्नि॒व दृ॒ति॒र्न॒ ध्मा॒तो॑ अ॒द्रि॒वः॑ ।
- 7.089.02c मृ॒ळा॒ सु॒क्ष॒त्र॒ मृ॒ळ॒य ॥
- 7.089.03a क्र॒त्वः॑ स॒म॒ह॒ दी॒न॒ता॑ प्र॒ती॒पं॑ जग॒मा शु॒चे॑ ।
- 7.089.03c मृ॒ळा॒ सु॒क्ष॒त्र॒ मृ॒ळ॒य ॥

- 7.089.04a अ॒पां म॒ध्ये त॒स्थिवा॑सं॒ तृ॒ष्णा॑विद॒ज्जरि॑तारम् ।
- 7.089.04c मृ॒ळा सु॒त्तत्र॑ मृ॒ळय॑ ॥
- 7.089.05a यत्किं॑ चेदं॒ वरु॑ण॒ दैव्ये॑ जनेऽभि॒द्रोहं॑ मनु॒ष्याश्च॑रामसि ।
- 7.089.05c अ॒चित्ती॑ यत्तव॒ धर्मा॑ यु॒योपि॑म मा न॒स्तस्मा॑दे॒नसो॑ दे॒व री॑रिषः ॥
- 7.090.01a प्र वी॑रया शु॒चयो॑ द॒द्रिरे॑ वा॒मध्व॑र्युभिर्मधु॒मन्तः॑ सु॒तासः॑ ।
- 7.090.01c वह॑ वा॒यो नि॒युतो॑ या॒ह्यच्छा॑ पि॒बा सु॒तस्या॑न्ध॒सो म॒दाय॑ ॥
- 7.090.02a ई॒शाना॑य प्र॒हुतिं॑ यस्त॒ आन॑ट् छुचिं॒ सोमं॑ शुचि॒पास्तु॑भ्यं वा॒यो ।
- 7.090.02c कृ॒णोषि॑ तं म॒र्त्येषु॑ प्रशस्तं जा॒तोजा॑तो जायते वा॒ज्यस्य॑ ॥
- 7.090.03a रा॒ये नु॑ यं ज॒ज्ञतू॑ रो॒दसी॑मे रा॒ये दे॒वी धि॑षणा॒ धाति॑ दे॒वम् ।
- 7.090.03c अ॒ध वा॒युं नि॒युतः॑ स॒श्रत॑ स्वा॒ उत॑ श्वेतं॒ वसु॑धितिं॒ निरे॑के ॥
- 7.090.04a उ॒च्छन्नु॑षसः सु॒दिना॑ अ॒रिप्रा॑ उरु॒ ज्योति॑र्वि॒विदु॑र्दी॒ध्यानाः॑ ।
- 7.090.04c ग॒व्यं चि॑दूर्वमु॒शिजो॑ वि व॒व्रु॒स्तेषा॑मनु॒ प्रदि॑वः स॒सुरा॑पः ॥
- 7.090.05a ते स॒त्येन॑ मन॒सा दी॑ध्यानाः॒ स्वेन॑ यु॒क्तासः॑ क्र॒तुना॑ वहन्ति ।
- 7.090.05c इन्द्र॑वा॒यू वी॒रवा॑हं॒ रथं॑ वा॒मीशा॑नयो॒रभि॑ पृ॒क्षः स॑चन्ते ॥
- 7.090.06a ई॒शाना॑सो ये द॒धते॑ स्व॒र्णो गो॑भि॒रश्वे॑भिर्वसु॒भिर्हि॑र॒ण्यैः ।
- 7.090.06c इन्द्र॑वा॒यू सू॒रयो॑ वि॒श्वमा॑यु॒रवा॑दि॒र्वीरैः॑ पृ॒तना॑सु स॒ह्युः ॥
- 7.090.07a अ॒र्वन्तो॑ न श्रव॒सो भि॑क्ष॒माणा॑ इन्द्र॒वायू॑ सु॒ष्टुति॑भिर्वसि॒ष्ठाः ।

7.090.07c वा॒ज॒य॒न्तः॑ स्व॒वसे॑ हु॒वेम॑ यू॒यं पा॑त स्व॒स्तिभिः॑ सदा॑ नः ॥

7.091.01a कु॒वि॒द॒ङ्ग॑ न॒मसा॑ ये वृ॒धासः॑ पु॒रा दे॒वा अ॒न॒व॒द्यास॑ आ॒सन् ।

7.091.01c ते वा॒यवे॑ म॒नवे॑ बा॒धिता॑यावा॒सय॑न्नुष॒सं सू॒र्येण॑ ॥

7.091.02a उ॒श॒न्ता॑ दू॒ता न द॑भा॒य गो॒पा मा॒सश्च॑ पा॒थः श॒रद॑श्च पू॒र्वीः ।

7.091.02c इ॒न्द्रवा॑यू सु॒ष्टुति॑र्वा॒मिया॑ना मा॒र्डीक॑मी॒ष्टे सु॒वितं॑ च न॒व्यम् ॥

7.091.03a पी॒वो॒अ॒न्नं॑ र॒यिवृ॑धः सु॒मेधाः॑ श्वे॒तः सि॒षक्ति॑ नि॒युता॑मभि॒श्रीः ।

7.091.03c ते वा॒यवे॑ स॒मन॑सो वि त॒स्थुर्वि॑श्वे॒न्नरः॑ स्व॒पत्या॑नि च॒क्रुः ॥

7.091.04a या॒वत्त॑र॒स्तन्वो॑३ या॒वदो॑जो या॒वन्न॑रश्च॒क्षसा॑ दी॒ध्यानाः॑ ।

7.091.04c शु॒चिं सो॑मं शु॒चिपा॑ पा॒तम॑स्मे इ॒न्द्रवा॑यू स॒दतं॑ ब॒हिरे॑दम् ॥

7.091.05a नि॒युवा॑ना नि॒युत॑ स्पा॒र्हवी॑रा इ॒न्द्रवा॑यू स॒रथं॑ या॒तम॑र्वाक् ।

7.091.05c इ॒दं हि॑ वां प्र॒भृतं॑ म॒ध्वो अ॒ग्रम॑ध प्री॒णाना॑ वि मु॒मुक्त॑म॒स्मे ॥

7.091.06a या वां श॒तं नि॒युतो॑ याः स॒हस्र॑मि॒न्द्रवा॑यू वि॒श्ववा॑राः स॒चन्ते॑ ।

7.091.06c आ॒भिर्या॑तं सु॒विद॑त्रा॒भिरवा॑क्पा॒तं न॒रा प्र॑ति॒भृत॑स्य म॒ध्वः ॥

7.091.07a अ॒र्वन्तो॑ न श्र॒वसो॑ भि॒क्षमा॑णा इ॒न्द्रवा॑यू सु॒ष्टुति॑भिर्वा॒सिष्ठाः॑ ।

7.091.07c वा॒ज॒य॒न्तः॑ स्व॒वसे॑ हु॒वेम॑ यू॒यं पा॑त स्व॒स्तिभिः॑ सदा॑ नः ॥

7.092.01a आ वा॑यो भूष शु॒चिपा॑ उप॒ नः स॒हस्रं॑ ते नि॒युतो॑ वि॒श्ववा॑र ।

- 7.092.01c उपो॑ ते॒ अ॒न्धो॑ म॒द्य॒म॒या॒मि॑ यस्य॒ दे॒व॒ द॒धि॒षे॑ पू॒र्व॒पि॒य॒म् ॥
- 7.092.02a प्र॒ सो॒ता॑ जी॒रो अ॒ध्व॒रे॒ष्व॒स्था॒त्सो॒म॒मि॒न्द्रा॒य वा॒य॒वे॑ पि॒ब॒ध्वै॑ ।
- 7.092.02c प्र॒ य॒द्वां म॒ध्वो॑ अ॒ग्रि॒यं भ॒र॒न्त्य॒ध्व॒र्य॒वो दे॒व॒य॒न्तः॑ श॒ची॒भिः॑ ॥
- 7.092.03a प्र॒ या॒भि॒र्या॒सि॑ दा॒श्वांस॑म॒च्छा॒ नियु॑द्भि॒र्वा॒य॒वि॒ष्ट॒ये दुरो॑णे ।
- 7.092.03c नि॒ नो॑ र॒यिं सु॒भो॒ज॒सं यु॒व॒स्व नि॒ वी॒रं ग॒व्य॒म॒श्व्यं॑ च॒ रा॒धः॑ ॥
- 7.092.04a ये॒ वा॒य॒व इ॒न्द्र॒मा॒द॒ना॒स आ॒दे॒वा॒सो नि॒तो॒श॒ना॒सो अ॒र्यः॑ ।
- 7.092.04c घ्न॒न्तो॑ वृ॒त्रा॒णि सू॒रि॒भिः प्या॒म सा॒स॒ह्वांसो॑ यु॒धा नृ॒भि॒र॒मि॒त्रा॒न् ॥
- 7.092.05a आ॒ नो॑ नियु॑द्भिः॒ श॒ति॒नी॒भि॒र॒ध्व॒रं स॒ह॒स्त्रि॒णी॒भि॒रु॒प या॒हि॑ य॒ज्ञ॒म् ।
- 7.092.05c वा॒यो अ॒स्मि॒न्स॒व॒ने मा॒द॒य॒स्व यू॒यं पा॒त स्व॒स्ति॒भिः सदा॑ नः ॥

- 7.093.01a शु॒चिं॑ नु॒ स्तो॒मं न॒व॒जा॒त॒म॒द्ये॒न्द्रा॒ग्नी वृ॒त्र॒ह॒णा जु॒षे॒थाम्॑ ।
- 7.093.01c उ॒भा हि॑ वां॒ सु॒ह॒वा जो॒ह॒वी॒मि ता॒ वा॒जं स॒द्य उ॒श॒ते॒ धे॒ष्ठा ॥
- 7.093.02a ता॒ सा॒न॒सी श॒व॒सा॒ना हि॒ भू॒तं सा॒कं॒वृ॒धा श॒व॒सा शू॒शु॒वांसा॑ ।
- 7.093.02c क्ष॒य॒न्तौ॑ रा॒यो य॒व॒स॒स्य॒ भू॒रेः॒ पृ॒ङ्गं वा॒ज॒स्य॒ स्थ॒वि॒र॒स्य॒ घृ॒ष्वेः॑ ॥
- 7.093.03a उपो॑ ह॒ यद्वि॒दथं॑ वा॒जि॒नो गु॒र्धी॒भि॒र्वि॒प्राः प्र॒म॒ति॒मि॒च्छ॒मा॒नाः ।
- 7.093.03c अ॒र्व॒न्तो॑ न॒ का॒ष्ठां न॒क्ष॒मा॒णा इ॒न्द्रा॒ग्नी जो॒हु॒व॒तो न॒र॒स्ते ॥
- 7.093.04a गी॒र्भि॒र्वि॒प्रः प्र॒म॒ति॒मि॒च्छ॒मा॒न ई॒द्रे॒ र॒यिं य॒श॒सं पू॒र्व॒भा॒ज॒म् ।
- 7.093.04c इ॒न्द्रा॒ग्नी वृ॒त्र॒ह॒णा सु॒व॒ज्रा प्र॒ नो॒ न॒व्ये॒भि॒स्ति॒र॒तं दे॒ष्णैः॑ ॥

- 7.093.05a सं यन्मही मिथती स्पर्धमाने तनूरुचा शूरसाता यतैते ।
- 7.093.05c अदेवयुं विदथे देवयुभिः सत्रा हतं सोमसुता जनेन ॥
- 7.093.06a इमामु षु सोमसुतिमुप न एन्द्राग्नी सौमनसाय यातम् ।
- 7.093.06c नू चिद्धि परिमन्नाथे अस्माना वां शश्वद्विर्वृतीय वाजैः ॥
- 7.093.07a सो अग्न एना नमसा समिद्धोऽच्छा मित्रं वरुणमिन्द्रं वोचेः ।
- 7.093.07c यत्सीमागश्चकृमा तत्सु मृळ तदर्यमादितिः शिश्रथन्तु ॥
- 7.093.08a एता अग्न आशुषाणास इष्टीर्युवोः सचाभ्यश्याम वाजान् ।
- 7.093.08c मेन्द्रो नो विष्णुर्मरुतः परि ख्यन्यूयं पात स्वस्तिभिः सदा नः ॥

- 7.094.01a इयं वामस्य मन्मन इन्द्राग्नी पूर्व्यस्तुतिः ।
- 7.094.01c अभ्राद्वृष्टिरिवाजनि ॥
- 7.094.02a शृणुतं जरितुर्हवमिन्द्राग्नी वनतं गिरः ।
- 7.094.02c ईशाना पिप्यतं धियः ॥
- 7.094.03a मा पापत्वाय नो नरेन्द्राग्नी माभिश्स्तये ।
- 7.094.03c मा नो रीरघतं निदे ॥
- 7.094.04a इन्द्रे अग्ना नमो बृहत्सुवृक्तिमेरयामहे ।
- 7.094.04c धिया धेना अवस्यवः ॥
- 7.094.05a ता हि शश्वन्त ईळत इत्था विप्रास ऊतये ।

- 7.094.05c स॒बा॒धो॒ वा॒ज॒सा॒तये॑ ॥
- 7.094.06a ता॒ वां॑ गी॒र्भिर्वि॑प॒न्यवः॑ प्र॒यस्व॑न्तो ह॒वाम॑हे ।
- 7.094.06c मे॒धसा॑ता स॒निष्य॑वः ॥
- 7.094.07a इन्द्रा॑ग्नी अ॒वसा॑ ग॒तम॑स्मभ्यं च॒र्षणी॑सहा ।
- 7.094.07c मा नो॑ दुःशंस॑ ईश॒त ॥
- 7.094.08a मा क॑स्य नो अ॒ररु॑षो धूर्तिः॑ प्र॒णङ्म॑र्त्यस्य ।
- 7.094.08c इन्द्रा॑ग्नी श॒र्म य॑च्छ॒तम् ॥
- 7.094.09a गो॒मद्वि॑रण्यवद्वसु॒ यद्वाम॑श्चावदीमहे ।
- 7.094.09c इन्द्रा॑ग्नी तद्व॒नेम॑हि ॥
- 7.094.10a यत्सो॑म आ सु॒ते न॑र इन्द्रा॑ग्नी अ॒जोह॑वुः ।
- 7.094.10c स॒प्तीव॑न्ता स॒पर्य॑वः ॥
- 7.094.11a उ॒क्थेभि॑र्वृ॒त्रह॑न्त॒मा या॑ म॒न्दाना॑ चि॒दा गि॑रा ।
- 7.094.11c आ॒ङ्गुषै॑रा॒विवा॑सतः ॥
- 7.094.12a तावि॑दुःशंसं॒ मर्त्यं॑ दु॒र्विद्वांसं॑ र॒क्षस्वि॑नम् ।
- 7.094.12c आ॒भोगं॑ ह॒न्मना॑ ह॒तमु॑दधिं ह॒न्मना॑ ह॒तम् ॥
- 7.095.01a प्र॒ द्वाद॑सा॒ धाय॑सा स॒स्र ए॒षा सर॑स्वती ध॒रुण॑मायसी पूः ।
- 7.095.01c प्र॒बाब॑धाना रथ्ये॒व या॑ति वि॒श्वा अपो॑ म॒हिना॑ सि॒न्धुर॑न्याः ॥

- 7.095.02a ए॒का॒चे॒त॒त्स॒र॒स्व॒ती॒ न॒दी॒नां॒ शु॒चि॒र्य॒ती॒ गि॒रि॒भ्य॒ आ॒ स॒मु॒द्रा॒त् ।
- 7.095.02c रा॒यश्चे॒त॒न्ती॒ भु॒व॒न॒स्य॒ भू॒रे॒र्घ॒तं॒ प॒यो॒ दु॒दु॒हे॒ ना॒हु॒षाय॑ ॥
- 7.095.03a स॒ वा॒वृ॒धे॒ न॒र्यो॒ यो॒ष॒णा॒सु॒ वृ॒षा॒ शि॒शु॒र्वृ॒ष॒भो॒ य॒ज्ञि॒या॒सु॒ ।
- 7.095.03c स॒ वा॒जि॒नं॒ म॒घ॒व॒द्भ्यो॒ द॒धा॒ति॒ वि॒ सा॒त॒ये॒ त॒न्वं॒ मा॒मृ॒जी॒त ॥
- 7.095.04a उ॒त॒ स्या॒ नः॒ स॒र॒स्व॒ती॒ जु॒षा॒णो॒प॒ श्र॒व॒त्सु॒भ॒गा॒ य॒ज्णे॒ अ॒स्मि॒न् ।
- 7.095.04c मि॒त॒ञ्जु॒भिर्न॒म॒स्यै॒रि॒या॒ना॒ रा॒या॒ यु॒जा॒ चि॒दु॒त्त॒रा॒ स॒खि॒भ्यः॑ ॥
- 7.095.05a इ॒मा॒ जु॒ह्वा॒ना॒ यु॒ष्म॒दा॒ न॒मो॒भिः॒ प्र॒ति॒ स्तो॒मं॒ स॒र॒स्व॒ति॒ जु॒ष॒स्व ।
- 7.095.05c त॒व॒ श॒र्म॒न्प्रि॒य॒त॒मे॒ द॒धा॒ना॒ उ॒प॒ स्थे॒या॒म॒ श॒र॒णं॒ न॒ वृ॒क्ष॒म् ॥
- 7.095.06a अ॒य॒मु॒ ते॒ स॒र॒स्व॒ति॒ व॒सि॒ष्ठो॒ द्वा॒रा॒वृ॒त॒स्य॒ सु॒भ॒गे॒ व्या॒वः ।
- 7.095.06c वर्ध॑ शु॒भ्रे॒ स्तु॒व॒ते॒ रा॒सि॒ वा॒जा॒न्यू॒यं॒ पा॒त॒ स्व॒स्ति॒भिः॒ स॒दा॒ नः॑ ॥
- 7.096.01a बृ॒ह॒दु॒ गा॒यि॒षे॒ व॒चो॑ऽसु॒र्या॒ न॒दी॒ना॒म् ।
- 7.096.01c स॒र॒स्व॒ती॒मि॒न्म॒ह॒या॒ सु॒वृ॒त्ति॒भि॒ स्तो॒मै॒र्व॒सि॒ष्ठ॒ रो॒द॒सी ॥
- 7.096.02a उ॒भे॒ य॒त्ते॒ म॒हि॒ना॒ शु॒भ्रे॒ अ॒न्ध॒सी॒ अ॒धि॒क्षि॒य॒न्ति॒ पू॒र॒वः॑ ।
- 7.096.02c सा॒ नो॒ बो॒ध्य॒वि॒त्री॒ म॒रु॒त्स॒खा॒ चो॒द॒ रा॒धो॒ म॒घो॒ना॒म् ॥
- 7.096.03a भ॒द्र॒मि॒द्भ॒द्रा॒ कृ॒ण॒व॒त्स॒र॒स्व॒त्य॒क॒वा॒री॒ चे॒त॒ति॒ वा॒जि॒नी॒व॒ती ।
- 7.096.03c गृ॒णा॒ना॒ ज॒म॒द॒ग्नि॒व॒त्सु॒वा॒ना॒ च॒ व॒सि॒ष्ठ॒व॒त् ॥
- 7.096.04a ज॒नी॒य॒न्तो॒ न्व॒ग्र॒वः॒ पु॒त्री॒य॒न्तः॒ सु॒दा॒न॒वः॑ ।

- 7.096.04c सरस्वन्तं हवामहे ॥
- 7.096.05a ये ते सरस्व ऊर्मयो मधुमन्तो घृतश्रुतः ।
- 7.096.05c तेभिर्नोऽविता भव ॥
- 7.096.06a पीपिवांसं सरस्वत स्तनं यो विश्वदर्शतः ।
- 7.096.06c भक्षीमहि प्रजामिषम् ॥
- 7.097.01a यज्ञे दिवो नृषदने पृथिव्या नरो यत्र देवयवो मदन्ति ।
- 7.097.01c इन्द्राय यत्र सवनानि सुन्वे गमन्मदाय प्रथमं वयश्च ॥
- 7.097.02a आ दैव्या वृणीमहेऽवांसि बृहस्पतिर्नो मह आ सखायः ।
- 7.097.02c यथा भवेम मीळ्हुषे अनागा यो नो दाता परावतः पितेव ॥
- 7.097.03a तमु ज्येष्ठं नमसा हविर्भिः सुशेवं ब्रह्मणस्पतिं गृणीषे ।
- 7.097.03c इन्द्रं श्लोको महि दैव्यः सिषक्तु यो ब्रह्मणो देवकृतस्य राजा ॥
- 7.097.04a स आ नो योनिं सदतु प्रेष्ठो बृहस्पतिर्विश्ववारो यो अस्ति ।
- 7.097.04c कामो रायः सुवीर्यस्य तं दात्पर्षन्नो अति सश्रुतो अरिष्टान् ॥
- 7.097.05a तमा नो अर्कममृताय जुष्टमिमे धासुरमृतासः पुराजाः ।
- 7.097.05c शुचिक्रन्दं यजतं पस्त्यानां बृहस्पतिमनर्वाणं हुवेम ॥
- 7.097.06a तं शग्मासो अरुषासो अश्वा बृहस्पतिं सहवाहो वहन्ति ।
- 7.097.06c सहश्चिद्यस्य नीलवत्सधस्थं नभो न रूपमरुषं वसानाः ॥

- 7.097.07a स हि शुचिः शतपत्रः स शुन्ध्युर्हिरण्यवाशीरिषिरः स्वर्षाः ।
- 7.097.07c बृहस्पतिः स स्वावेश ऋष्वः पुरू सखिभ्य आसुतिं करिष्ठः ॥
- 7.097.08a देवी देवस्य रोदसी जनित्री बृहस्पतिं वावृधतुर्माहित्वा ।
- 7.097.08c दक्षाय्याय दक्षता सखायः करद्वह्मणे सुतरा सुगाधा ॥
- 7.097.09a इयं वां ब्रह्मणस्पते सुवृक्तिर्ब्रह्मेन्द्राय वज्रिणे अकारि ।
- 7.097.09c अविष्टं धियो जिगृतं पुरंधीर्जजस्तमर्यो वनुषामरातीः ॥
- 7.097.10a बृहस्पते युवमिन्द्रश्च वस्वो दिव्यस्येशाथे उत पार्थिवस्य ।
- 7.097.10c धत्तं रयिं स्तुवते कीरये चिद्ययं पात स्वस्तिभिः सदा नः ॥
- 7.098.01a अध्वर्यवोऽरुणं दुग्धमंशुं जुहोतन वृषभाय क्षितीनाम् ।
- 7.098.01c गौराद्वेदीयाँ अवपानमिन्द्रो विश्वाहेद्याति सुतसोममिच्छन् ॥
- 7.098.02a यद्दधिषे प्रदिवि चार्वन्नं दिवेदिवे पीतिमिदस्य वक्षि ।
- 7.098.02c उत हृदोत मनसा जुषाण उशान्निन्द्र प्रस्थितान्पाहि सोमान् ॥
- 7.098.03a जज्ञानः सोमं सहसे पपाथ प्र ते माता महिमानमुवाच ।
- 7.098.03c एन्द्र पप्राथोर्वशन्तरिक्षं युधा देवेभ्यो वरिवश्चकथं ॥
- 7.098.04a यद्योधया महतो मन्यमानान्साक्षाम तान्बाहुभिः शाशदानान् ।
- 7.098.04c यद्वा नृभिर्वृत इन्द्राभियुध्यास्तं त्वयाजिं सौश्रवसं जयेम ॥
- 7.098.05a प्रेन्द्रस्य वोचं प्रथमा कृतानि प्र नूतना मघवा या चकार ।

- 7.098.05c यदे॒दे॒वी॒र॒स॒हि॒ष्ट॒ मा॒या अ॒था॒भ॒व॒त्के॒वलः॑ सो॒मो अ॒स्य॑ ॥
- 7.098.06a तवे॒दं वि॒श्व॒म॒भि॒तः॑ प॒श॒व्यं॑ य॒त्प॒श्य॑सि च॒क्ष॒सा सूर्य॑स्य ।
- 7.098.06c ग॒वा॒म॒सि गो॒प॒ति॒रे॒क इन्द्र॑ भ॒क्षी॒म॒हि ते प्र॒य॒त॒स्य॑ व॒स्वः ॥
- 7.098.07a बृ॒ह॒स्प॒ते यु॒व॒मिन्द्र॑श्च व॒स्वो दि॒व्य॑स्ये॒शा॒थे उ॒त पा॒रि॒व॒स्य॑ ।
- 7.098.07c ध॒त्तं र॒यिं स्तु॒व॒ते की॒र॒ये चि॒द्यू॒यं पा॒त स्व॑स्ति॒भिः सदा॑ नः ॥

- 7.099.01a प॒रो मा॒त्र॒या त॒न्वा वृ॒धा॒न न ते॑ म॒हि॒त्व॒म॒न्व॑श्चु॒व॒न्ति ।
- 7.099.01c उ॒भे ते॑ वि॒द्म र॒ज॒सी पृ॒थि॒व्या वि॒ष्णो दे॒व त्वं प॒र॒म॒स्य॑ वि॒त्से ॥
- 7.099.02a न ते॑ वि॒ष्णो जा॒य॒मा॒नो न जा॒तो दे॒व म॒हि॒न्नः प॒र॒म॒न्त॒मा॒प ।
- 7.099.02c उ॒द॒स्त॒भ्ना ना॒क॒मृ॒ष्वं बृ॒ह॒न्तं॑ दा॒ध॒र्थं प्रा॒चीं क॒कु॒भं पृ॒थि॒व्याः ॥
- 7.099.03a इ॒रा॒व॒ती धे॒नु॒म॒ती हि भू॒तं सू॒य॒व॒सि॒नी म॒नु॒षे द॒श॒स्या ।
- 7.099.03c व्य॒स्त॒भ्ना रो॒द॒सी वि॒ष्णा॒वे॒ते दा॒ध॒र्थं पृ॒थि॒वी॒म॒भि॒तो म॒यू॒खैः ॥
- 7.099.04a उ॒रुं य॒ज्ञाय॑ च॒क्रथु॑रु॒ लोकं॑ ज॒न॒य॒न्ता सूर्य॑मु॒षा॒स॒म॒ग्नि॑म् ।
- 7.099.04c दा॒स॒स्य॑ चि॒द्वृ॒ष॒शि॒प्र॒स्य॑ मा॒या ज॒घ्न॑थु॒र्न॒रा पृ॒त॒ना॒ज्ये॒षु ॥
- 7.099.05a इन्द्रा॑वि॒ष्णू दृं॒हि॒ताः श॒म्ब॒र॒स्य॑ न॒व पु॒रो न॒व॒तिं च॑ श्र॒थि॒ष्ट॒म् ।
- 7.099.05c श॒तं व॒र्चि॒नः स॒हस्रं॑ च सा॒कं ह॒थो अ॒प्र॒त्य॒सुर॑स्य वी॒रा॒न् ॥
- 7.099.06a इ॒यं म॒नी॒षा बृ॒ह॒ती बृ॒ह॒न्तो॑रु॒क्र॒मा त॒व॒सा व॒र्ध॒य॒न्ती ।
- 7.099.06c र॒रे वां॑ स्तो॒मं वि॒द॒थे॒षु वि॒ष्णो पि॒न्व॒त॒मि॒षो वृ॒ज॒ने॒ष्विन्द्र॑ ॥

- 7.099.07a वषट् ते विष्णवा॒स आ कृ॒णोमि॑ तन्मे॒ जुष॑स्व शिपि॒विष्ट॑ ह॒व्यम् ।
- 7.099.07c वर्ध॑न्तु त्वा सु॒ष्टुत॑यो गि॒रो मे॒ यूयं॑ पात स्व॒स्तिभिः॑ सदा॒ नः ॥
- 7.100.01a नू॒ मर्तो॑ दयते सनि॒ष्यन्त्यो॑ विष्ण॒व उरु॑गायाय दाशत् ।
- 7.100.01c प्र यः स॒त्राचा॑ मनसा॒ यजा॑त ए॒तावन्तं॑ न॒र्यमा॑विवासात् ॥
- 7.100.02a त्वं विष्णो॑ सु॒मतिं॑ विश्व॒जन्या॑मप्रयु॒तामे॒वया॑वो मतिं॒ दाः ।
- 7.100.02c पर्चो॑ यथा॒ नः सु॒वित॑स्य भू॒रेर॑श्वावतः पुरु॒श्चन्द्र॑स्य रा॒यः ॥
- 7.100.03a त्रि॒र्दे॒वः पृ॒थि॒वीमेष॑ ए॒तां वि॒ च॒क्रमे॑ शत॒र्चसं॑ महि॒त्वा ।
- 7.100.03c प्र विष्णु॑रस्तु तव॒सस्त॑वी॒यान्त्वे॒षं ह्य॒स्य स्थ॑विर॒स्य नाम॑ ॥
- 7.100.04a वि॒ च॒क्रमे॑ पृ॒थि॒वीमेष॑ ए॒तां द्वा॒त्राय॑ विष्णु॒र्मनु॑षे दश॒स्यन् ।
- 7.100.04c ध्रु॒वासो॑ अस्य की॒रयो॑ जना॒स उरु॑क्षि॒तिं सु॒जनि॑मा चकार ॥
- 7.100.05a प्र त॒त्ते अ॒द्य शि॑पि॒विष्ट॑ नामा॒र्यः शं॑सामि व॒युना॑नि वि॒द्वान् ।
- 7.100.05c तं त्वा॑ गृ॒णामि॑ तव॒समत॑व्यान्क्षयन्त॒मस्य॑ रज॒सः प॑राके ॥
- 7.100.06a कि॒मित्ते॑ विष्णो॒ परि॑चक्ष्यं भू॒त्र यद्व॑वक्षे शिपि॒विष्टो॑ अ॒स्मि ।
- 7.100.06c मा॒ वर्षो॑ अ॒स्मद॑प गू॒ह ए॒तद्य॑दन्य॒रूपः॑ समि॒थे ब॒भूथ॑ ॥
- 7.100.07a वषट् ते विष्णवा॒स आ कृ॒णोमि॑ तन्मे॒ जुष॑स्व शिपि॒विष्ट॑ ह॒व्यम् ।
- 7.100.07c वर्ध॑न्तु त्वा सु॒ष्टुत॑यो गि॒रो मे॒ यूयं॑ पात स्व॒स्तिभिः॑ सदा॒ नः ॥

- 7.101.01a ति॒स्रो वा॒चः प्र॒ वद॒ ज्योति॑रग्रा॒ या ए॒तद्दु॒हे म॒धुदो॑घमू॒धः ।
- 7.101.01c स॒ वत्सं॑ कृ॒णव॑न्गर्भमोषधी॒नां सद्यो॑ जा॒तो वृ॒षभो॑ रो॒रवी॑ति ॥
- 7.101.02a यो॒ वर्ध॑न॒ ओष॑धी॒नां यो॒ अपां॑ यो॒ विश्व॑स्य॒ जगतो॑ दे॒व ई॒शे ।
- 7.101.02c स॒ त्रिधा॑तु॒ शरणं॑ श॒र्म यंस॑त्त्रि॒वर्तु॑ ज्योतिः॒ स्वभि॑ष्ट्य॒श्स्मे ॥
- 7.101.03a स्त॒रीरु॑ त्व॒द्भव॑ति॒ सूत॑ उ॒ त्वद्य॑था॒वशं॑ त॒न्वं च॑क्र ए॒षः ।
- 7.101.03c पि॒तुः प॑यः॒ प्रति॑ गृ॒भ्णाति॑ मा॒ता ते॑न॒ पिता॑ वर्ध॒ति ते॑न पु॒त्रः ॥
- 7.101.04a यस्मि॑न्विश्वानि॒ भुवनानि॑ त॒स्थुस्ति॒स्रो द्या॑वस्त्रे॒धा स॒सुरा॑पः ।
- 7.101.04c त्रयः॑ को॒शास॑ उप॒सेच॑नासो॒ मध्व॑ श्रो॒तन्त्य॑भितो॒ विर॑प्शम् ॥
- 7.101.05a इ॒दं व॑चः॒ पर्जन्या॑य॒ स्वरा॑जे॒ हृदो॑ अ॒स्त्वन्तरं॑ त॒ज्जुजो॑षत् ।
- 7.101.05c म॒योभु॑वो॒ वृष्ट॑यः॒ सन्त्व॑स्मे सु॒पिप्प॑ला॒ ओष॑धी॒र्दे॒वगो॑पाः ॥
- 7.101.06a स॒ रेतो॑धा॒ वृष॑भः॒ शश्व॑ती॒नां तस्मि॑न्ना॒त्मा ज॑गतस्त॒स्थुष॑श्च ।
- 7.101.06c तन्म॑ अ॒तं पा॑तु॒ शत॑शा॒रदा॑य॒ यूयं॑ पा॒त स्व॑स्तिभिः॒ सदा॑ नः ॥

- 7.102.01a पर्ज॑न्याय॒ प्र गाय॑त॒ दिव॑स्पु॒त्राय॑ मी॒ळ्हुषे॑ ।
- 7.102.01c स॒ नो॒ यव॑समिच्छतु ॥
- 7.102.02a यो॒ गर्भ॑मोषधी॒नां गवां॑ कृ॒णोत्य॑र्वताम् ।
- 7.102.02c पर्ज॑न्यः॒ पुरु॑षी॒णाम् ॥
- 7.102.03a तस्मा॑ इ॒दास्ये॑ ह॒विर्जु॑होता॒ मधु॑मत्त॒मम् ।

7.102.03c इळां॑ नः॑ सं॒यतं॑ करत् ॥

7.103.01a सं॒वत्सरं॑ श॒शयाना॑ ब्रा॒ह्मणा॑ व्र॒तचा॑रिणः ।

7.103.01c वाचं॑ प॒र्जन्य॑जिन्वितां॑ प्र म॒ण्डूका॑ अ॒वादि॑षुः ॥

7.103.02a दि॒व्या आ॑पो॒ अभि॑ य॒देन॑मा॒यन्दृ॑तिं न शु॒ष्कं सर॑सी श॒यान॑म् ।

7.103.02c ग॒वाम॑ह न मा॒युर्वत्सि॑नीनां॑ म॒ण्डूकानां॑ व॒सुर॑त्रा॒ समे॑ति ॥

7.103.03a यदी॑मेनाँ उ॒शतो॑ अ॒भ्यव॑र्षी॒त्तृष्या॑वतः प्रा॒वृष्या॑गतायाम् ।

7.103.03c अ॒ख्वली॑कृत्या॒ पित॑रं न पु॒त्रो अ॒न्यो अ॒न्यमु॑प वदन्तमेति ॥

7.103.04a अ॒न्यो अ॒न्यम॑नु गृ॒भ्णात्ये॑नोरपां॑ प्रस॒र्गे यद॑मन्दिषाताम् ।

7.103.04c म॒ण्डूको॑ यद॒भिवृ॑ष्टः क॒निष्क॑न्पृ॒श्निः सम्पृ॑ङ्के ह॒रिते॑न वाचम् ॥

7.103.05a यदेषा॑म॒न्यो अ॒न्यस्य॑ वाचं॑ शा॒क्तस्ये॑व वदति शि॒क्षमा॑णः ।

7.103.05c सर्वं॑ तदेषां॑ स॒मृधे॑व पर्व॑ यत्सुवा॒चो वद॑थनाध्यप्सु ॥

7.103.06a गो॒मायु॑रेको॒ अज॑मायु॒रेकः पृ॒श्निरे॑को ह॒रित॑ एक॒ एषाम्॑ ।

7.103.06c स॒मानं॑ नाम बिभ्र॒तो वि॒रूपाः पुरु॑त्रा वाचं॑ पिपि॒शुर्वद॑न्तः ॥

7.103.07a ब्रा॒ह्मणा॑सो अ॒तिरा॑त्रे न सोमे॒ सरो न पू॑र्णम॒भितो॑ वदन्तः ।

7.103.07c सं॒वत्सर॑स्य तदहः॑ परि॒ ष्ट य॒न्मण्डू॑काः प्रा॒वृषी॑णं बभूव ॥

7.103.08a ब्रा॒ह्मणा॑सः सो॒मिनो॑ वाचम॒क्रत॑ ब्रह्म॒ कृग॑वन्तः परि॒वत्स॑रीणम् ।

7.103.08c अ॒ध्वर्य॑वो॒ घर्मि॑णः सि॒ध्विदा॑ना आ॒विर्भव॑न्ति गु॒ह्या न के॑ चित् ॥

- 7.103.09a दे॒वहि॑तिं जु॒गुपु॑र्द्वा॒दश॑स्य ऋ॒तुं न॒रो न प्र॒ मि॒नन्त्ये॑ते ।
- 7.103.09c सं॒वत्स॑रे प्रा॒वृष्या॑गतायां तप्ता॒ घर्मा॑ अ॒श्रुव॑ते विस॒र्गम् ॥
- 7.103.10a गो॒मायु॑रदा॒दज॑मायु॒रदा॑त्पृ॒श्निर॑दाद्धरि॒तो नो॒ वसू॑नि ।
- 7.103.10c ग॒वां म॑ण्डू॒का द॑दतः श॒तानि॑ सह॒स्रसा॑वे प्र॒ तिर॑न्त आ॒युः ॥
- 7.104.01a इन्द्रा॑सोमा तप॒तं र॒क्ष उ॒च्च॒तं न्य॑र्पय॒तं वृ॑षणा॒ तमो॑वृ॒धः ।
- 7.104.01c परा॑ शृ॒णीत॑म॒चितो॒ न्योष॑तं ह॒तं नु॒देथां॑ नि शि॒शीत॑म॒त्रिणः॑ ॥
- 7.104.02a इन्द्रा॑सोमा॒ सम॑घ॒शंस॑म॒भ्यश्घं॑ तपु॒र्यय॑स्तु च॒रुर॑ग्नि॒वाँ इ॒व ।
- 7.104.02c ब्र॒ह्मद्वि॑षे॒ क्रव्या॑दे॒ घोर॑च॒क्षसे॒ द्वेषो॑ ध॒त्तम॑नवा॒यं कि॑मीदि॒ने ॥
- 7.104.03a इन्द्रा॑सोमा दु॒ष्कृ॒तो व॒त्रे अ॒न्तर॑ना॒रम्भ॑णे॒ तम॑सि प्र॒ वि॒ध्यत॑म् ।
- 7.104.03c यथा॑ ना॒तः पु॒नरे॑कश्च॒नोद॑य॒त्तद्वा॑मस्तु॒ सह॑से॒ मन्यु॑मच्छ॒वः ॥
- 7.104.04a इन्द्रा॑सोमा॒ वर्त॑य॒तं दि॒वो व॑धं सं॒ पृथि॑व्या॒ अघ॑शंसा॒य तर्ह॑णम् ।
- 7.104.04c उ॒त्त॒क्षतं॑ स्व॒र्यश् प॑र्व॒तेभ्यो॑ येन॒ रक्षो॑ वावृ॒धानं॑ नि॒जूर्व॑थः ॥
- 7.104.05a इन्द्रा॑सोमा॒ वर्त॑य॒तं दि॒वस्पर्ष॑ग्नि॒तप्ते॑भिर्यु॒वम॑श्मह॒न्मभिः॑ ।
- 7.104.05c तपु॑र्व॒धेभि॑र॒जरे॑भि॒रत्रि॑णो॒ नि प॑शानि॒ वि॒ध्यतं॑ यन्तु॒ निस्व॑रम् ॥
- 7.104.06a इन्द्रा॑सोमा॒ परि॑ वां भू॒तु वि॒श्वत॑ इ॒यं म॑तिः॒ कद्या॑श्चे॒व वा॒जिना॑ ।
- 7.104.06c यां वां॑ हो॒त्रां परि॑हि॒नोमि॑ मे॒धये॑मा ब्र॒ह्माणि॑ नृ॒पती॑व जि॒न्वत॑म् ॥
- 7.104.07a प्र॒ति स्म॑रेथां॒ तुज॑य॒द्भिरे॑वै॒र्हतं॑ द्रु॒हो र॑क्ष॒सो भ॑ङ्गुरा॒वतः॑ ।

- 7.104.07c इन्द्रासोमा दुष्कृते मा सुगं भूद्यो नः कदा चिदभिदासति द्रुहा ॥
- 7.104.08a यो मा पाकेन मनसा चरन्तमभिचष्टे अनृतेभिर्वचोभिः ।
- 7.104.08c आप इव काशिना संगृभीता असन्नस्त्वासत इन्द्र वक्ता ॥
- 7.104.09a ये पाकशंसं विहरन्त एवैर्ये वा भद्रं दूषयन्ति स्वधाभिः ।
- 7.104.09c अहये वा तान्प्रददातु सोम आ वा दधातु निऋतेरुपस्थे ॥
- 7.104.10a यो नो रसं दिप्सति पित्वो अग्ने यो अश्वानां यो गवां यस्तनूनाम् ।
- 7.104.10c रिपु स्तेन स्तेयकृद्भ्रमेतु नि ष हीयतां तन्वाश् तना च ॥
- 7.104.11a परः सो अस्तु तन्वाश् तना च तिस्रः पृथिवीरधो अस्तु विश्वाः ।
- 7.104.11c प्रति शुष्यतु यशो अस्य देवा यो नो दिवा दिप्सति यश्च नक्तम् ॥
- 7.104.12a सुविज्ञानं चिकितुषे जनाय सच्चासच्च वचसी पस्पृधाते ।
- 7.104.12c तयोर्यत्सत्यं यतरदृजीयस्तदित्सोमोऽवति हन्त्यासत् ॥
- 7.104.13a न वा उ सोमो वृजिनं हिनोति न क्षत्रियं मिथुया धारयन्तम् ।
- 7.104.13c हन्ति रक्षो हन्त्यासद्वदन्तमुभाविन्द्रस्य प्रसितौ शयाते ॥
- 7.104.14a यदि वाहमनृतदेव आस मोघं वा देवाँ अप्यूहे अग्ने ।
- 7.104.14c किमस्मभ्यं जातवेदो हृणीषे द्रोघवाचस्ते निऋथं सचन्ताम् ॥
- 7.104.15a अद्या मुरीय यदि यातुधानो अस्मि यदि वायुस्ततप पूरुषस्य ।
- 7.104.15c अघा स वीरैर्दशभिर्वि यूया यो मा मोघं यातुधानेत्याह ॥
- 7.104.16a यो मायातुं यातुधानेत्याह यो वा रक्षाः शुचिरस्मीत्याह ।

- 7.104.16c इन्द्रस्तं हन्तु महता वधेन विश्वस्य जन्तोरधमस्पदीष्ट ॥
- 7.104.17a प्र या जिगाति खर्गलेव नक्तमप द्रुहा तन्वंश् गूहमाना ।
- 7.104.17c वव्राँ अनन्ताँ अत्र सा पदीष्ट ग्रावाणो घ्नन्तु रक्षस उपब्दैः ॥
- 7.104.18a वि तिष्ठध्वं मरुतो विद्विश्छत गृभायत रक्षसः सं पिनष्टन ।
- 7.104.18c वयो ये भूत्वी पतयन्ति नक्तभिर्ये वा रिपो दधिरे देवे अध्वरे ॥
- 7.104.19a प्र वर्तय दिवो अश्मानमिन्द्र सोमशितं मघवन्सं शिशाधि ।
- 7.104.19c प्राक्तादपाक्तादधरादुक्तादभि जहि रक्षसः पवतेन ॥
- 7.104.20a एत उ त्वे पतयन्ति श्वयातव इन्द्रं दिप्सन्ति दिप्सवोऽदाभ्यम् ।
- 7.104.20c शिशीते शक्रः पिशुनेभ्यो वधं नूनं सृजदशनिं यातुमद्भ्यः ॥
- 7.104.21a इन्द्रो यातूनामभवत्पराशरो हविर्मथीनामभ्याश्विवासताम् ।
- 7.104.21c अभीदु शक्रः परशुर्यथा वनं पात्रेव भिन्दन्सत एति रक्षसः ॥
- 7.104.22a उलूकयातुं शुशुलूकयातुं जहि श्वयातुमुत कोकयातुम् ।
- 7.104.22c सुपर्णयातुमुत गृध्रयातुं दृषदेव प्र मृण रक्ष इन्द्र ॥
- 7.104.23a मा नो रक्षो अभि नड्यातुमावतामपोच्छतु मिथुना या किमीदिना ।
- 7.104.23c पृथिवी नः पार्थिवात्पात्वंहसोऽन्तरिक्षं दिव्यात्पात्वस्मान् ॥
- 7.104.24a इन्द्र जहि पुमांसं यातुधानमुत स्त्रियं मायया शाशदानाम् ।
- 7.104.24c विग्रीवासो मूरदेवा ऋदन्तु मा ते दृशन्सूर्यमुच्चरन्तम् ॥
- 7.104.25a प्रति चक्ष्व वि चक्ष्वेन्द्रश्च सोम जागृतम् ।

7.104.25c र॒क्षो॑भ्यो॒ व॒ध॒म॒स्य॑त॒म॒श॒निं॑ या॒तु॒म॒द्भ्यः॑ ॥

Notes by [Detlef Eichler](mailto:detlefeichler@googlemail.com) (detlefeichler@googlemail.com):

1. Please note that this PDF file is not for commercial use and released only for personal scholarly activity.
2. This Devanāgarī version of Rigveda is from an ITRANS file which I have created on the basis of [The Aufrecht/van Nooten/Holland \(Samhita\) version of the Rigveda.](http://www.people.fas.harvard.edu/~witzel/onlineRV.htm) (<http://www.people.fas.harvard.edu/~witzel/onlineRV.htm>)
3. The font used for the Rigveda text is Ancient Sanskrit 99. For the numbers of Maṇḍala, Sūkta, and Mantra at the beginning of each line (1.001.01a) the font Times New Roman is used.
4. Last updated: 26 March 2009